

行發日五十二月二年一十國民華中

售例

- 一本雜誌零售每册大洋銀二角五分預定全年十二册大洋銀二圓五角本埠外埠外國一律詳後
 - 二郵局新章見第二期本報加增報紙寄費輪船火車直達之處為口岸如購一册郵費伍分全年伍角日本同輪船火車未能直達之處為腹地惟郵局新定章程如行駛小輪之處每購一册郵費壹角伍分全年壹圓伍角外國同至未通郵政之處民局寄資閱者自給
 - 三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀二角五分計算寄足應得册數為止
 - 四在總發行所定購者本埠按期派送不取酒資
 - 五凡一人定購五份寄送一處者照價九折拾份者八折
 - 六在總發行所定購者如遷徙他處務託妥人代收一面知照總發行所改寄惟已寄原處之册不能複寄其在代售處定購者請自向代售處商辦總發行所不能接寄
 - 七總發行所按期寄送以郵局民局回單為憑中途遺失閱者自理
 - 八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七折五百份者七折七百五十份者六折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣
 - 一代售處收到資費即寄總發行所如定購者不將資費照章寄足照第三條辦理至代售處遺人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 長沙集益書社 常德啓智書局 武昌文明書局 中東書社 新收書局 漢口
商務印書館 江左漢記 廣東開新書報公司 聖教書樓 英文書社 南昌廣智書莊 南京明達書莊
中西書局 杭州崇實齋 採辦書報處 蘇州開智書室 日本東京金港堂書店

版出館書用務
書教類史歷

學務大臣審定 **中國歷史教科書** 中學用

每部二册
價洋一元

本館編輯○本教科日更基於本國歷史今各省已設中學而所用尚無善本殊為學界之憾本館特
精搜各省歷史教科書取其善者並編成此書分爲七卷歷朝大事無不備載價值適當願諸君
小學教科書本

最新中國史教科書 小學用

每部二册
價洋四角

本館編輯○本教科書係精選○上起五代下迄○前清回鑾下詔變法之日凡分兩册共二百四十課約十萬言之
雜體體例精當至敘述○國朝事實立言得體無一毫時下黨張之習並附歷代圖表尤便檢查以授
外國史編出

國史初級教科書 高等小學用

每部二册
價洋三角

本館編輯○凡分三卷一上古史自太古至戰國二中古史自漢至隋三近古史自唐至今擬要提綱在
不若展讀一過可以瞭然於四千年來之大勢文詞亦備潔名貴足稱史筆

商務印書館
歷史類教科書

普通新歷史

每部一冊

價洋二角

普通新歷史編輯○是書以日本中學教科教授法研究會所著新歷史為藍本取其序次明晰記敘簡
要適合教科之用原書不以我國為編制今悉刪其與附者尤為繁簡得宜且近世之事實詳亦合教育公
理洵善本也

清史攬要

每部二冊
價洋四角

日本增田實著本館譯訂○是書為日本所撰而引用各書悉皆我國人所著故摺述國朝二百數十年之
大事雖編年類類得體實以本朝之人而不知本朝之事可恥就其學堂之人固宜讀是書即非學堂中人
亦宜家置一編也

學務部
訂定
西洋歷史教科書

每部一冊
價洋五角

日本學務部編著出洋學生編譯所譯○書凡六編首古代史二近代史三四五皆近代史六最近史條
目井然首尾貫串每事皆摘舉綱要列為款目尤便記憶地名人名均附注原文亦便查檢學堂之教科書

商務印書館出版

新編教科書

學務大
格致教科書

洋裝二册
價洋五角

本館編者
格致之要
凡欲學
者不可不
備
本館編者
格致之要
凡欲學
者不可不
備
本館編者
格致之要
凡欲學
者不可不
備

學務大
化學教科書

洋裝一册
價洋八角

本館編者
化學之要
凡欲學
者不可不
備
本館編者
化學之要
凡欲學
者不可不
備
本館編者
化學之要
凡欲學
者不可不
備

學務大
生理學教科書

洋裝一册
價洋一元

本館編者
生理學之要
凡欲學
者不可不
備
本館編者
生理學之要
凡欲學
者不可不
備
本館編者
生理學之要
凡欲學
者不可不
備

學務大
算術教科書

每部一册

本館編者
算術之要
凡欲學
者不可不
備
本館編者
算術之要
凡欲學
者不可不
備
本館編者
算術之要
凡欲學
者不可不
備

學務大
博物學教科書

每部一册
價洋一元八角

本館編者
博物學之要
凡欲學
者不可不
備
本館編者
博物學之要
凡欲學
者不可不
備
本館編者
博物學之要
凡欲學
者不可不
備

商務印書館出版
地理類教科書

學務大源寰全志

中學堂用
洋裝每部一冊附海圖全圖一冊
價洋一元八角

英學館編輯○輿地之學向矣而是備學堂教科之需者尙未之見本館特聘名宿搜集東西輿地學大系所著地理學本精心翻譯竭一年之力始成此書以備中等教科之用文字筆畫極其精詳未嘗不面面合璧名表海圖完全無憾並向日本定製銅版圖畫數百幅插印卷內精繪美觀尤彰照人 總理學務大臣 審定許語曰蒐輯精審詳略得宜可為是書真評

萬國地理新編

高等小學用
每部二冊
價洋四角

內附附錄及生編附○凡分六編首全球總論次亞洲次歐洲次非洲次澳洲次美洲凡屬國家民族政教風俗民情物產紀載明瞭綱舉目張文詞雅俗淺顯易解選用地名皆選最確絕無近日譯本新奇難懂之弊以 供小學教授最為合宜

日本政治地理

每部一冊
價洋七角五分

日本矢津昌永著秀水陶筈譯○凡分七編一國土二人民三邦制四經濟五交通六產業物產七外交別具組織新說獨體專限於日本然可以為斯學之指南也

商務印書館出版
國文類教科書

文學初階

初等小學用

卷一卷二卷三卷四每册一角
卷五卷六每册一角五分

紹興杜亞泉著○書分六卷自淺入深循循善誘始以一二字相聯綴導其先路繼以三四字成詞句按其進步依次遞進如升階然篇中詞句淺近意取明晰務期童蒙易悟附圖數百幅凡飛躍動植服飾器用等類靡不惟妙惟肖首卷並列教授語法尤便講解學生約半年讀一册足敷三年教課之用

馬氏文通

洋紙洋裝
價洋一元五角

丹徒馬建忠著○馬氏以通雅通雅于法蘭西文字會專敘文集紀其在法國學校卒業考試情形可為我國言西學者之先進矣是書專論中國文法疏解詳明兩數千年未宣之秘觀察自序謂積十餘年之勤求探討方成此編可想見其下筆不苟全承書法以是書歸本館專印專售現售馬氏自印石印本

漢文教授法

每部一册
價洋六角

偉廉主人譯輯○作文之學中國何少法程初學應以為苦是書備探古大家名文辨別體裁區分門類由句法而段法而篇法逐一講明條理清晰教授之法此為捷訣

伊索寓言

每部一册
價洋三角

闕蘇林紆侯官嚴培南嚴璣合譯○伊索產自希臘距今二千五百餘年是書籍草木鳥獸問答之言描寫人情世態使人知所勸懲泰西各國學堂無不譯成本國文字用為課本是書據英文本譯出編筆雅足

商務印書館出版
各種教科書

學務大臣審定 論理學綱要

每部一册
價洋四角五分

日本十時爾著 汪陵田吳煥譯 ○論理學各國舊譯學近人侯官嚴氏以其學精深廣大譯為名學方與本義相副是編譯自日本故仍其稱原書條理井然便於教授本館特聘湖北全省學務處參議官田伏侯先生譯為漢文句辭字酌務合原意而詞旨曉暢亦能不為原文所束縛

學務大臣審定 教育心理學

每部一册
價洋三角五分

日本高島平三郎著 江陵田吳煥譯 ○教育程度必以心理為衡否則躓等以幾必傷學者腦力未益反損我國教育近始萌芽各學堂學科程度亟待參酌故斯學尤關緊要是有著者自序謂力求平易便於自修田伏侯先生亦謂為從事教育者不可不讀時代本館特譯詞達理舉足供教授

學務大臣審定 普通珠算課本

每部一册
價洋一角

無錫蕭芬室主人編輯 ○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

東西洋倫理學史

每部一册
價洋六角

日本木村鷹太郎著 本館譯 ○倫理學為德育之大本大學堂新訂高等學堂章程首列人倫道德一科可知其要是有彙集東西洋各家學說東洋共三十三人西洋共三十二人名論要義可謂倫理學之大也

商務印書館出版
各種教科書

理財學課本

每部一册
價洋五角

美國華克著上海商務印書館譯○我國財政困苦非人工物力使然實因財政者不知計學公理故也蓋取計學精要之義逐條指出最便初學補學須有留學美國多年精於德國語言文字故能取深奧之理而送以淺顯之詞誠理財學之階梯也

中國通覽

每部一册
價洋五角

本館譯輯○各國學校皆有本國通覽之書以學為民者不可不自知其國也本館通覽係選輯各國凡我國地理官制政體時事風俗民情無不詳載門分類別井井有條讀之於本國之事可用大矣

新說教授學

每部一册
價洋一角五分

日本賴山榮次著本館譯○今各省皆設學堂而師範未立猶之帆船未備而欲渡海以航者其難言不能適宜無待言矣師範學堂不易偏立而教授之法蓋人宜知是編首精論之教授之目的二教授之材料四教授之作用為教習者果能會通而仿行之亦可收師道功倍之效也

讀書法

每部一册
價洋一角

日本澤柳政太郎著本館譯○凡十部一讀書法之必要二讀書之歷史及其性質三讀書適宜之時四專心讀書五讀書要法六專精書選擇之標準七寫照法及暗記法八讀書之法九讀書之分量十讀書法雜則名詞論法實情檢閱之可知爾卷之益

商務印書館 出版 問答書

中國歷史問答

世界歷史問答

普通博物問答

地文學問答

生理學問答

富國學問答

學校管理法問答

詳載中國歷代史事自上古迄國朝上下數千年
問依次敘述瞭如指掌並設為問答俾易明瞭
史學中最精最善之書每本洋二角五分

研究實學歷史為先但欲貫注古今於紀年編年
等書中尤以問答體最為易明此編分上古中
古近世一切大事無不備載每本洋二角

是書發明家動植礦光化電一切原理與
微推究盡致設為問答詞旨簡明最合於教科
之用每本洋三角

地文為天然科學研究地理者不可不知若中外
之水分陸界之組成生物之分布皆格致學之最
要者是編述簡明瞭如指掌每本洋三角

泰西各邦莫不以研究生理為學術最要之衛生
之源是編討論營養出入微尤使推測允宜家
置一編以為強固形體之助每本洋二角五分

富國之學為當今急務是書取一切理總衍為問
答無理不達無遺不呈盡入能讀教授初學尤宜
每本洋五分

應舉一切管理學校之法簡明詳備今各省學堂
上起爭端實由管理未盡其道取閱本編當知改
善不少每本洋二角

商務印書館出版
英文教科書

初階	English Primer	每本洋壹角
進階初集	English First Reader	每本洋壹角
進階貳集	English Second Reader	每本洋壹角二分
進階參集	English Third Reader	每本洋壹角五分
進階肆集	English Fourth Reader	每本洋壹角
進階伍集	English Fifth Reader	每本洋壹角
英文初範	Grammatical Primer	每本洋壹角二分
英語文規	New Language Lessons	每本洋壹角
綴字規程	Guide to Spelling	每本洋壹角五分
文規啓蒙	Grammar for Beginners	每本洋壹角
亞洲啓蒙	New Orient Primer	每本洋壹角
科學入門格致學	Physics (Science Primers) Prof. B. Stewart	每本洋肆角
科學入門地質學	Geology (Science Primers) Sir a. Geikie	每本洋肆角
科學入門名學	Logic (Science Primers) Prof. Jevons	每本洋肆角
科學入門植物學	Botany (Science Primers) Sir J. D. Hooker	每本洋肆角
科學入門計學	Political Economy (Science Primers) Prof. Jevons	每本洋肆角
科學入門地文學	Physical Geography (Science Primers) Sir a. Geikie	每本洋肆角

商 務 印 書 館 出 版

中 西 文 合 璧 教 科 書

華英亞洲課本	English and Chinese New Orient Fifth Reader	每本洋柒角
華英國學訓蒙編	English and Chinese Royal Primer	每本洋壹角
華英國學文編 一	English and Chinese Royal First Reader	每本洋貳角五分
華英國學文編 二	English and Chinese Royal Second Reader	每本洋肆角
華英國學文編 三	English and Chinese Royal Third Reader	每本洋柒角五分
華英國學文編 四	English and Chinese Royal Fourth Reader	每本壹元貳角半
華英文件指南	English and Chinese Complete Letter Writer	每本洋陸角
華英繙譯捷訣	A Manual of Translation	每本洋伍角
華英英語類編	English and Chinese Conversation	每本洋貳角
華英智識啓蒙	Circle of Knowledge	每本洋肆角
增廣英字指南	Method for Learning English	每本洋壹元
英法尺牘譯要	Select Correspondence	每本洋柒角伍分
法語階級	Course Progressives des Lecons Francaises	每本洋伍角
德文法程初集	Deutsche Lektionen	每本洋柒角五分

商務印書館 字典類 出版

華英音韻字典集成

洋裝 每部一册 定價洋一元五角

全英辭彙附編發○其英字語十餘萬音注以發音標其韻法繼以英字注釋並載英文法字類音韻以英倫韻法耳本為宗體兼以英國羅布在德本為主並加增註釋千有餘幅異物奇器一覽便明末附英圖假借他國俗稱雜義等字解說詳盡及中西地名表全書一千九百餘頁函裝精裝各音所求有侯官嚴先生語為編出冠時世所寶貴非過譽也

華英字典

每部一册 洋裝每部定價洋一元五角 華裝每部定價洋八角

本館編譯○爾若其照會雜華英字典類便學界外人尚嫌缺略茲特增益一萬餘字全書收錄華英三釋義詳明並詞類彙并以文字聯綴成句以便選用附錄減筆字解各種記號有志西文者不可不備也

袖珍華英字典

洋裝 每部一册 定價洋一元

上海南洋公學教習吳德之先生編譯○認與學堂習外國文字者益乘而英文為本館編譯華英字典與英成華英字典兩種相補不足以供學界之用乃酌刪繁重編為是編全書約四百餘字製成小冊袖珍便攜最便隨時隨地官先生照序編取了大綱期於捷速備當誠知本館之意矣

商務印書館出版

中西文合璧教科書

華英初階	華英進階初集	華英進階貳集	華英進階參集	華英進階肆集	華英進階伍集	華英進階陸集	華英英文初階	華英地理問答	華英亞洲啓悟集	華英亞洲課本	華英亞洲課本	華英亞洲課本
English and Chinese Primer	English and Chinese First Reader	English and Chinese Second Reader	English and Chinese Third Reader	English and Chinese Fourth Reader	English and Chinese Fifth Reader	English and Chinese Readers	English and Chinese Grammatical Primer	English and Chinese Catechism of Geography	English and Chinese New Orient Primer	English and Chinese New Orient First Reader	English and Chinese New Orient Second Reader	English and Chinese New Orient Third Reader
每本洋壹角	每本洋壹角五分	每本洋貳角五分	每本洋肆角	每本洋伍角五分	每本洋柒角五分	每本洋貳元貳角半	每本洋貳角五分	每本洋貳角五分	每本洋貳角	每本洋參角	每本洋肆角	每本洋伍角

商務印書館出版類

政治學

每部一册
價洋四角

德國那特遜著日本李家隆介小崎哲藏譯述房縣戰雲東湖王嘉陶合譯○按那特遜曾為日本帝國大學教授數年彙集講義共成政治學三編是為其上卷國家編首論國家之要素次論國家之生理搜羅衆說討論不偏譯筆豐達亦足與原書相稱

政治汎論

每部二册
價洋一圓二角

美國威爾遜著日本高田早苗原譯本館重譯○是書綜論歐美政治遠溯希臘羅馬以迄今世列強凡中央政府與地方制度靡不窮源委委綱舉目張都十六章約三十萬言有志政學者不可不家置一編也

政治一斑

每部四册
價洋七角五分

日本檢前保人上野岩太郎池本吉治緒方直清合著出洋學生編輯所譯○是書開論普通人民各具有政治思想知國家為人民所公有人人有擔任國家之義務○中於各國政治之要領彙錄詳明曰一斑者作者謹詞也

歐美政體通覽

每部一册
價洋二角

一日本上野貞吉著出洋學生編輯所譯○歐美兩國政體互殊而各有所以政治之道是書歷舉德奧英法美等國君主民主之義在議院之組織政體之

商務印書館出版
政治類

萬國憲法比較

每部一册
價洋三角五分

日本長巳小二郎著房縣翼軍譯○是書於各國政體之得失憲法之異同比較明晰評論精確讀之可知各國憲法之體裁及憲法之沿革

憲政論

每部一册
價洋四角五分

日本菊池學而君著侯官林孝譯○凡事皆先有理論而後有實事我國憲法政已久應理論尙未完備是書陳義甚精而譯者亦能達其論指不失分毫

議會政黨論

每部一册
價洋五角

日本菊池學而君著譯○歐洲政界其柄者爲議會爲政黨日本步武泰西遂雄東亞肝衛中原大勢必當同循此軌菊池法學士政學湛深者爲是書夙推注本而譯印行以爲將來立憲之先導

萬國國力比較

每部六册
價洋二圓五角

英國歐爾化著日本專門學校譯出洋學生編輯所重譯○是書廣集各國政府統計報告而成於五洲萬國貧富強弱又野程度之差別察精詳無遺分領地人口動力蒸汽力農林漁礦製造等業皆爲詳論銀行貨幣租稅公債諸三編分目數百餘表百餘圖詳盡

國際公法大綱

每部一册
價洋二角五分

德國博士特著本館編譯所譯○國與國交必有交誼交誼必依法律然後無侵暴之虞此國際公法所以行於今日也此是書也其大旨言簡意賅凡三十四章首言其淵源中言其作用末言其條例次序井然足為學者尋途之助

德國學校制度

每部一册
價洋四角

日本加藤駒二著中國國民叢書社譯○德國學校制度舊時雖有譯本然編舉一二殊多挂漏是編採德國初等高等文科實科平民專門大學等公私學校一切章程規則課程費用及養成教員試驗任用之法官吏監督之法無不詳列德國學術發達其教育之法自必處於最優我國應與學教育者當為師範也

日本學校章程彙編

每部一册
價洋八角

曾鄉陶森甲編輯○我國創立學校不得取法他國日本學制本同我國維新以後兼資歐美沿革之故為我先導築林觀蔡前游彼國調取各學校章程彙為一編以政法理財文學美術理學工學商學農學醫學語學普通學藝學文學雜部十三類次之所學官立公立私立之學校百三十餘所表其課目條其規圖博而有要言學務者宜取法也

商務印書館出版 政治類

近世陸軍

每部一册
價洋四角

甯鄧陶森中編輯出洋學生編輯所校訂○前編敘日本陸軍後編論各國陸軍國家多故亟須修明武備
是書在兵學中最高新穎最爲詳備治兵學者不可不讀

日本武備教育

每部一册
價洋一角五分

日本某某著本館譯○日本以區區三島能勝強一誰國使非故之有素焉能獲此地步近本學方是編
軍國民主義誠以處此競爭世界有不容已之故也受譯是編以資先導

普魯士地方自治行政說

每部一册
價洋二角五分

德國莫遜著日本野村精原譯本館譯○地方自治即俗稱工部局以地方之人辦地方之事自較親切
且可以補官吏之不足近日武自府試以此命題視爲制據之事實係誤解是書詳言普魯士地方自治行
政之法應用全備我國民智雖未驟發此境然欲內政之完善不可不亟爲請求也

日本監獄法

每部一册
價洋四角五分

日本佐藤信安著中國國民羣書社譯○我國監獄之慘酷人人知之顧空言改良而無所措以爲模範亦
將無所措手日本監獄悉仿西制斟酌盡善是書言之最詳足資師法

東方雜誌第三期目錄

圖畫

- 最近旅順港地圖
- 京師文廟
- 昆明湖遠望頤和園之景
- 居庸關門
- 日本小村外務大臣
- 日本日內陸軍大臣
- 日本山本海軍大臣
- 俄國陸軍大臣苦魯巴金
- 俄國外務大臣拉斯道夫
- 俄國海軍大臣士克利索洛夫
- 俄軍在西伯利亞授旗禮
- 俄人華裝

目錄

社說

選論來稿附

總碼

分碼

論政府不可自棄	楚青	1	四十一
對客問第三	日本長尾雨山	4	四十四
論中國時局	外日報	7	四十七
論中國要事不	外日報	10	五十
可全付外人	外日報	18	五十三
論中國前途有	外日報	15	五十五
可算之機	外日報	17	五十七
論波蘭人謀自主	來稿		
論會議銀價事	來稿		
直隸總督袁奏酌擬		29	二十九
購運南米平糶摺			
安徽巡撫誠奏安徽		30	三十
省城舉辦巡警摺			

諭旨

內務

甲辰

甲辰

自 錄

內務改良彙誌 32-31
各國內務彙誌 三十二

軍事

論馬哥羅夫死後俄日戰局之變動 外日報 一百三十七
論嚴正中立 錄三月 一百四十

兩廣總督岑廣西巡撫柯會奏擬裁廣西綠營官兵改令州縣自募親兵防剿摺 十二

兩江總督魏飭南洋各營一律改練日操札 一百四十四

練兵設廠 添築砲臺

廣西軍事紀要 四十四

藏英戰事彙誌 四十八

日俄戰事紀要 五十二

韓境戰事彙誌 一百五十二
旅順戰事彙誌 一百五十二

二

三

俄國防務彙誌
日本防務彙誌
戰事雜記
中國中立彙誌
俄德滿洲交涉請要彙誌
各國中立彙誌

各國軍事彙誌 71

外交

論歐洲外交之變遷 錄甲辰第三號外報 日本國民新聞 75

駐京日使致外務部保全韓國主權土地照會 四十九

外務部咨北洋大臣查照英官從人文 四十一

中外交涉彙誌 四十一

各國交涉彙誌 四十三

教育

中國國學保存論之一節 錄政 85

四十九


目 錄	商部奏請擬辦實業	88	五十二
	學堂大概情形摺		
	山東臨清州堂邑館陶等縣詳請	89	五十三
	巡撫周奏旌義巧武訓興學稟		
	湖南湘鄉縣職婦李曾氏捐	50	五十四
	助學務處田產稟並批		
	新定學務綱要	92	五十六
	未完		
	各省學堂彙誌	109	七十
	美國會議銀價大臣條	109	三十七
	議中國新圖法覺書	續第二期	
	各省理財彙誌	133	六十一
	各國財政彙誌	134	六十二
	實業		
	論煤鐵鑛之利 <small>錄甲辰年第六期商務報</small>	137	十九
商部奏擬訂鑛務章程摺	142	二十四	
外務部通飭南洋各屬	143	二十五	
承辦鑛務文			
兩江總督魏飭江南機杼製造局	144	二十六	
總辦沈等議整頓裁併事宜札			
奏定暫行鑛務章程	145	二十七	
各省農桑彙誌	152	三十四	
海外殖民			
暹羅實業誌略			
各省鑛務彙誌	155	三十七	
各國鑛務彙誌	156	三十八	
各省工藝彙誌	157	三十九	
交通			
論中國鐵路 <small>錄甲辰年第三號外交報</small>	161	二十七	
商部奏重訂鐵路章程摺	164	三十	
兩江總督魏通飭各關道札	165	三十一	
商部重訂鐵路章程	166	三十二	

三


甲辰

各省鐵路彙誌	170	三十六
各省電線彙誌	171	三十七
各省郵政彙誌	172	三十八
各國鐵路彙誌	173	三十九
各國電線彙誌	174	四十
商務		
興商為強國之本說 <small>（蘇甲長第 八期附錄）</small>	175	四十一
署浙總督李奏閩省籌辦商 務設局派員辦理情形摺	178	四十四
商部咨外務部商標註 冊應由商部管理文	180	四十六
商部咨復外務部美使函詢商 標版權專利等辨情形文	181	四十八
改訂商標條例	181	四十八
各省商業彙誌	184	五十

賽會誌略	185	五十一
各國商業彙誌	186	五十二
宗教		
論孔教與中國政治無涉 <small>（謙三第 三卷）</small>	189	十一
直隸總督袁批甯晉教案稟	191	十三
直隸總督袁批趙州知州 查復甯晉縣教案稟	192	十四
廣東海縣杜查復日 本僧人傳教稟	193	十五
各省教務彙誌	194	十六
各國教務彙誌	195	十七
小說		
	197	十三
叢談		
	221	



昆 明 湖 遠 望 願 和 園 之 景



居 庸 關 門



日本山本海軍大臣



日本小村外務大臣



日本寺內陸軍大臣

金巴魯苦臣大軍陸國俄




夫道斯拉臣大務外國俄



夫洛索利克士臣大軍海國俄

(商務印書館印行)



德 雷 在 西 伯 利 亞 擲 旗 禮



俄 人 華 裝

社說

選論來稿附

論政府不可自棄 本社撰稿

楚青

今試曰政府者爲少數之貴族建設乎抑爲多數之民族建設乎則必曰爲多數之民族建設又試曰政府對於國民爲其僅能享受一切租稅貢賦之權利乎抑爲其能盡保護國民生命財產之義務乎則必曰惟盡其義務然後能享其權利總此兩義無論其爲君主政府爲民主政府爲君民共主政府要皆不能出此範圍不然者謂之無政府

耗矣哀哉吾中國人數千年來專以倚賴服從爲事而失其獨立自治之特性一旦遇外力之排擊遂無復能爲實力之抗拒至於今日國際艱難之問題其日接於吾人之耳目而呈種種之慘劇者尤極不可思議之狀眈眈列強將實施其十年滅國百年滅種之強硬手腕吾大陸一片淨土不啻机上之肉吾同胞四百兆衆不啻釜中之魚爲問今日吾中國政府已能盡其對於國民之義務乎抑放棄其責任而聽其若存若亡乎則吾於今者東三省日俄構兵英人猛擊西藏美人虐待賽會華人三事竊不能無蓄疑之問題也

東三省非吾之土地乎其人民非吾之同胞乎願自日俄開釁以來 朝廷名雖守中立之

社說

四十一

甲辰

旨。而東三省之土地。不能嚴拒兩國之認爲戰場。斯已不能實行中立之旨矣。然遼河以西爲中立地。劃歸戰地以外。戰國不得任意攔入。俄人固已承認之。而何以近日俄兵之侵入遼西中立之地。其散處於新民屯溝帮子白旗堡梁家屯廣甯雙台子錦州等處者。乃多至二千二三百名之衆。而又收吾三省警兵之器械。奪我三省商民之財產。壞我三省子女之名節。近人詩云流血殷邊草蒼生大可哀。其言沉痛使我心海矣。起視政府所訂局外應享各項權利。曾有一毫之留人心目耶。而又加以鬻匪馬賊之出沒。颺忽。妄肆劫掠。殺害平民。視官吏如腐鼠。或毀拆俄人行兵鐵道。混混莽莽。么麼日甚。由前之說土地之佔據。不敢與爭。人民之塗毒。無可告訴。是自吾內部觀之。不得謂之有政府。由後之說鬻匪馬賊之充斥。破壞國際之交涉。而吾曾不能過問。是自外交上視之。亦不得謂之有政府。

奈何東方之慘霧方濃。而西北之悲風又起乎。西藏之爲我藩屬。垂二百年。今英人無端欲奪。而奪之食。而吾政府不聞與英政府嚴正抗辯。夫禍機之發。其來也漸。吾見外人之研究西藏問題者。不曰俄人陰伸其勢力。即曰英人竭力以經營。而曾無一語道及中國者。是已默認其爲非吾之藩屬矣。乃今值英人進兵西藏。而吾政府果無對付之策。坐視西藏之亡。低首下心。怵怵俛俛。彼不折而入於俄。即轉而入於英耳。昔秦不得志於山東諸國。恃韓

魏爲之蔽。山東諸侯。不悟所以保護韓魏之疆圉。而聽其先折而入於秦。而各國隨以自斃。今西藏爲川黔之保障。西藏亡而川黔隨之矣。況俄自通裏海之道。收蔥嶺以西諸回部。歸入版圖。與西藏成逼處之勢。英人果唾手而得西藏。俄豈甘心爲之下哉。顧俄方有東方戰事。不暇兼顧耳。則吾正幸乘此時會。僅須籌應付一夙同盟好之英國。苟能仗義執言。亟起而與之爭。彼亦何說之辭。乃計不出此。而駐藏之大臣。駐英之公使。猶復憑公牘之往來。仰外部之鼻息。而虛與之委蛇。嗚呼。吾仰睇太空。彼須彌山下之風雲。抑何其慘淡耶。吾聞之研種類之學者。謂西藏高原爲吾人類發生之地。今其危殆若此。得無吾黃族子姓。真有苦海沉淪。萬劫不復之苦痛。而無可逃避耶。吾思之。吾重思之。徬徨沙漠。徒倚冰天。吾同胞之前途。其不遠矣。

若夫美。非所謂文明之國。行共和之政治者乎。其往日陵侮吾華人之流寓彼國者。猶不過勞働社會之一部分耳。請姑置不論。至今日賽會。則並吾上流社會。而亦加以種種無禮之陵侮。觀於方君守六日記。與游學稽君手書。直不以人類待我。吾不知此時我國專使處此。將生如何之感情。況賽會之事。乃吾受請而往者。與平日之交際。不同。夫無禮之招。且不可施之於個人之交際。況國與國之交際乎。吾度政府是時。經種種困難之問題。必無據理直

社 說

四十四

三月

爭之勢。顧有可以操之自我者。則電召賽會。專使及一切赴會。華商立行反國。賽會品物。盡數撤回。即用前日新中國報抵制美禁華工之策。所謂辦貨者不辦。美人之貨用物者不用。美人之物。備力於碼頭者。惟美貨則不起。買賣於市上者。於美貨則有禁。爲今日獨一無二之抵制術。然吾以爲彼之抵制之術。要之於多數散漫之衆。其勢渙而難齊。此則操之一政府之手腕。其效明而易見。不觀於辛丑之歲。醇親王赴德謝罪。德皇要王行拜跪禮。王不從。留滯邊境不進。電奏朝廷。按國際公法力爭。其後乃收通融之效。聯玉帛之懽。又去年日本開博覽會。設人類館。有損我國體之處。我國留學生出全力以爭之。未幾日即撤去。此非其明效大驗耶。獨奈何並此而不敢較。是可忍。孰不可忍。嗟我同胞。九幽沉白。晝冥冥。猶太波蘭殷鑒不遠。政府諸公。卽不爲吾民族謀生存。而覆巢之下。甯有完卵。獨不自爲謀乎。況今值日本戰勝強俄之時。正黃白種族榮落起伏千載一時之會。吾願政府聞吾言而亟起直追。吾同洲強國之後。相與左提右攜。出此淪胥。誕登彼岸。終必有暢然滿志之一日焉。則雖舉吾今日之危詞。等於飄風之過耳。甯非吾國民之大幸哉。

對客問 第三本社撰稿

日本長尾雨山

支那之患。與其謂在察亡微而濟之不得其道。不若謂在察興兆而理之不得其宜。苟能察

其所以興而興乎。雖有百亡徵。不足以爲患矣。今之言政者。二曰守成。曰變法。主守成者。知其興不知其亡。苟且因循。偷安一時。惟不能保己威福之懼。主變法者。知其亡不知其興。喜新厭故。取決於口舌。不顧實行如何。二者互相反目疾視。黨同伐異。冰炭不容。非國家之利矣。夫可變而變。可守而守。應機制宜。徇公舍私。轉亡爲興。化禍爲福。正政要治理之所存。而今乃如是。嗚呼。余復奚言。雖然。不言則不達。余姑言之。蓋國之本在民。民心離反而上獨存者。古未有之也。是故欲保國。則先保民。欲開國。則必先開民。教育也。產業也。交通也。財政也。兵制也。法律也。行政也。風俗也。所以保民開民。卽所以保國開國也。八者相持相因。無有後先。嘗觀於世界列國之形勢。智術日進。文化日開。駸駸乎無一日或休。今支那風氣閉塞。文物不振。自非破舊蔽開新智。何以能與列國聯鑣馳騁乎。破舊蔽開新智。不可不由教育焉。何謂破舊蔽。堯舜禹湯文武周公立道垂統。孔子集其大成。詩書禮樂之教。綱常倫紀之道。昭昭乎與日月爭光矣。百王代興。莫之能更也。逮至後世。有儒家者。挾孔子之書。講孔子之道。自謂孔子之徒。而曲學阿世者有之。銜奇詫異者有之。管窺蠡測。立門戶之見。誣聖矯道。沾沾自喜。曾不知賊彼人之子。於是三代直道日以泯矣。風氣日以塞矣。訓詁之學也。理氣之學也。良知之學也。莫非學蔽。而至考證之學。蔽亦已極矣。余嘗曰。亡孔子之道者。所謂孔

社說

四十六

三月

子之徒也。從古儒者。徒知抱孔子遺經而死。不知於孔子以外立學。開智。其所謂學說者。不出章句文字之間。苟非孔子之道。視爲異端邪說。力斥不假。風氣之不。開智術之不。進不亦宜乎。雖然。孔子大聖也。其道昭昭乎。與日月爭光矣。百王代興。莫之能更也。學者誠能明孔子之道。則於修齊治平。乎何有。而今之所謂孔子之道者。儒者之道耳。誣聖。矯道。門戶之見耳。朱之所道。非王之道。陸之所道。非朱之道。儒者益多而去孔子益遠。甚矣哉。道之混而學之蔽也。余故曰。亡孔子之道者。所謂孔子之徒也。而今之主守成。沮開發。進取者。亦所謂孔子之徒也。是以不破舊蔽。則孔子之道不明。而新智亦不開。何謂開新智。覆轡之間。庶類羣物。森羅萬象。萌芽芸芸。有形無形。有機無機。日月之所以光明。雲雨之所以行施。品物之所以流形。格其物。窮其理。則天地所有之物。無一不可取以爲人用。而格其物。窮其理。求之有形。推之無形。深究而精研。學術門流。雖甚多。要之皆利用厚生之道焉。文明與野蠻之所歧。在利用厚生之道。精與不精。野蠻之民。雖禽獸蟲魚。崇祀以爲神靈。文明之人。驅使雷電水火。以造機器。助人力。語曰。人爲萬物之靈。文明人之謂也。野蠻人則禽獸之不若。何也。智之開與不開也。故智開。則天地間之物。可取以利人。用厚人生。歐美列國所以富彊是已。蓋文明者。由簡單進繁。復由粗淺詣精深。由薄弱造鞏固。人人皆能具有恆識之謂也。夫結繩之

政。不可以理亂秦之緒。當今之世。獨守其舊而不務廣開新智。豈可謂知時務者哉。余曾觀奏定學堂章程矣。其不合教育公理者。不一而足。如課初等小學以讀經。其最甚者也。夫經固不可不讀。然幼童六七歲始就學。目不識丁。且所教學科門目。即令識淺近之意。猶病其難。而乃教之以皓首難解之經。豈不悖耶。且學務綱要所舉條目甚多。而其大半適足以沮開發而已。往年政府下令各省興學堂。而至今絃誦之聲。未徧州閭。偶有設一二學堂者。多以高等專門爲先。至所謂國民普通教育。則茫乎如不經意。而諸生就學者。亦不過藉以干祿。夫如是。則舊蔽何時而破。新智何時而開。國家何時而得文明乎。夫國之疆弱。雖由於兵之疆弱。然未始不源於民智之開與否也。民智不開。則民不知有國家。所謂國民者。非彼蠢蠢者。蚩蚩者之謂也。能知有國家。能辨臣民之義者之謂也。民不知有國家。不辨臣民之義。是國無民也。非無民也。雖衆矣。無益於國也。無益於國之民。謂之非國民。亦無不可也。有國者。虛擁無益於國之民。以求國之治安富彊。吾恐其難於緣木求魚矣。

論中國時局 錄三月中外日報

近日中國時局。蓋與宋代有極相似之一境焉。北宋未亡以前。嘗爲契丹所苦。及金源氏崛起。約宋以出師伐遼。許返其先後所失地。宋人喜而從之。及遼亡而北宋亦隨之矣。南宋之

初。大受金人之辱。及蒙古起於漠北。約宋以出師伐金。以報九世之仇。宋人喜而從之。然金亡而宋之命運亦告終矣。此二端者。皆由外人爭爲雄長。皆與中國有牽涉之處。及乎交戰之國。一興一廢。而中國則必與之偕亡。此殆爲今日中國之前車也。其所異者。則宋朝兩次之舉動。皆欲藉新造之邦。以傾其舊怨之國。而今則兩無偏倚。欲坐觀其成敗。以冀收中立之效耳。是則今之執政。更不如宋以宋人。雖曰因應失宜。戰守乖方。而猶有規復故土之思想。報復舊仇之思想。今則并此而無之也。

當日俄未開戰之前。中國即宣告中立。蓋自日俄兩國以及海外諸強國。無不願中國之中立者。而其意則有異。俄人之意。實欲中國於日本一方面。則嚴守中立之例。以杜中國之助。日而於俄國一方面。則又願中國勿拘泥中立之例。以獲接濟之利益。此其大略也。若日本之意。則誠不願中國之干與。以致兵強之國。爲兵力不足之國。所累。且中國如助日。則他國必出而助俄。然中國助日。日人之所益無幾。若因此而致他國助俄。則日本之所損實大。利害之間。相去較然。此日人所以願中國之中立也。其他諸國。則亦視其所袒之爲何國。以表其同情。至其深意所在。則固因東三省本爲中國之地。今中國既告中立。其於東三省儼如胡人之於越人。不復視爲己有。則日後各國處置東三省之法。亦皆可擇利而爲之。不復向

中。國。願。問。而。東。三。省。休。矣。而。且。無。論。東。三。省。爲。誰。所。得。而。有。得。者。則。必。有。失。者。得。者。固。甚。願。而。失。者。豈。肯。甘。心。其。旁。觀。而。不。得。者。亦。豈。肯。束。手。勢。必。別。指。一。地。以。爲。取。償。之。計。則。除。東。三。省。而。外。其。餘。諸。行。省。亦。豈。有。幸。耶。此。則。中。立。之。惡。果。殆。斷。乎。其。不。能。免。者。也。

然。而。爲。政。府。者。則。亦。自。有。說。矣。以。中。國。兵。力。之。不。足。軍。實。之。不。備。軍。餉。之。不。充。豈。能。與。強。俄。相。抗。故。當。俄。人。海。約。佔。地。時。中。俄。兩。國。惟。以。空。文。相。往。還。而。不。敢。以。干。戈。相。見。此。固。當。局。者。之。苦。心。也。既。已。示。弱。於。先。豈。能。奮。發。於。後。則。除。嚴。守。中。立。而。外。更。有。何。策。是。則。中。立。之。說。在。政。府。視。之。殆。以。爲。是。固。無。可。設。法。中。之。一。法。歟。雖。然。中。國。既。告。中。立。矣。而。臨。時。防。備。之。方。與。夫。事。後。調。護。之。術。則。豈。得。不。預。爲。計。及。乃。靜。觀。時。局。則。京。朝。諸。公。全。不。以。此。爲。意。上。者。方。招。權。納。賄。之。不。遑。近。日。方。且。以。收。拾。黨。人。修。復。舊。怨。爲。事。次。者。方。且。飲。食。徵。逐。如。故。鑽。營。差。缺。如。故。一。若。中。國。既。告。中。立。即。可。泰。然。無。憂。不。致。復。有。後。患。也。者。至。如。各。行。省。疆。臣。則。除。一。二。人。頗。能。有。所。建。白。而。苦。於。不。省。外。自。餘。諸。公。無。論。其。爲。何。如。人。而。皆。從。事。於。枝。葉。全。不。以。東。三。省。爲。意。夫。今。日。中。國。之。問。題。不。過。兩。端。一。問。東。三。省。地。方。將。來。如。何。處。置。二。問。除。東。三。省。外。餘。省。有。何。法。可。以。保。存。此。二。者。皆。本。也。若。本。之。不。存。而。徒。從。事。於。枝。葉。則。日。後。結。局。亦。必。同。歸。於。盡。而。後。止。東。三。省。已。矣。諸。省。何。以。自。存。奈。何。不。計。及。此。也。

社 說

五 十

三 月

今者俄人毀壞中立之舉。已彰明較著矣。遼西爲中立之地。中國久有成言。而俄人則屯軍其地。非特顯違成約。抑且實貽後患。頃者又知增祺忽徇俄人之意。電請政府。飭令東邊道代俄人購辦軍糧。否則即行拿辦。此事實爲駭聞。俄與日戰。豈得強令華官代辦軍糧。以破中立之約。其可駭者一也。且俄人如謂東三省尙爲中國地。則固不應以此法施諸中國也。若謂東三省爲非中國地。東邊道爲非中國官。則俄人逕自逼勒之可矣。何必請諸中國以張其威權。其可駭者二也。增祺雖爲俄人所束縛。然猶是中國之官也。今乃順從俄人之意。以至難應付之事。威逼政府。不知其自命爲何等。人其可駭者三也。然自此而東三省地方。已可証實其非中國有矣。日後無論日俄勝敗。何若而處置東三省之法。殆可懸揣而知。東三省既非中國有。自餘諸省亦豈尙能爲中國有耶。自今以後。東三省之事。若更無法可挽回。則保存諸行省之法。亦殆於無可措手也。

論中國要事不可全付外人 錄甲辰第五號外交報

中國地大物博。教化夙成。斷不能謂無人材。惟自昔以閉關爲治。所成之俗。所造之材。其天演所陶冶而成之者。自與泰西殊異。一濱東海。一濱西海。蔚然兩大文明國。遙遙對峙。而中隔中亞細亞高原。高山沙磧之險。野人蠻俗之阻。東西二岸。因以不通。使命之往來。曠千載。

而一遇商人旅客轉展傳說。以備異聞而已。使其長此終古。則中國之事勢。可以不變。即中國之政體。可以不改。而中國之人材。亦永覺其可以足用。觀二十四朝之史。其盛衰無大殊矣。雖百世可知也。乃好靜之俗。可以終古不逾域外。而好動之俗。則不能不梯山航海。以至其地。東西。年合風俗殊異。如二種原質相遇。將欲變為新質。而中國遂不能守其故常。通商以後。至今凡六十年。其變以黃帝至今六千年較之。無其大也。所成之勢。既為古之所無有。則所謀之事。亦必為古之所無有。即所用之材。亦必為古之所無有。非惟無此學術而已。乃至此類風俗種性。亦為古之所無有。非必我之劣於人也。事出於前聖之所不及。料已無其備。而人乘之。其狼狽失據。亦不足怪耳。既以漸困。斯不能不改其舊政之一二。然舉一從古未有之事。即將需一從古未有之學。既迫於不得已之材。又無能任其事者。於是用客卿聘洋師之說。遂如鐵案之不可易據。理勢論之亦誰能謂為不然也。然就數十年之已事觀之。則所成者。輒與所期者反。最初設者船政局。其次稅務司。其次招商局。又其次電報鐵路。而最近者為郵政局。方各事創設之始。政府之意。莫不謂事方創舉。不能不借材。或俟本國人習練已成之後。則以本國人任之。乃數十年間。非惟此各局之首領。依然歸之外人。乃至一商船之船主。一海關之巡丁。一製造局之工頭。亦從無以中國人任之者。夫平心

社說

五十年

三月

而論。極繁密重大之事。或非華人所能勝任。若謂中國人乃無一能具船主巡丁工頭之資格者。此非但吾人所不信。想亦西人之所不敢言。然而其事則竟至無一船主巡丁工頭。且不惟無此而已。駸駸乎反客為主。以中國之地。中國之財。中國所創意而傭雇外人之事。日變月化。彷彿如外人之在。外國辦事而中國人爲依附。末光沾漑餘瀝之人。此等彼主我奴之景象。幾於無時不然。無物不顯。凡一附郵船一遊機廠之人。無不能領略之。惟相習已成。往往安之若素。然苟一思其故。輒有令人大惑不解者。蓋我之失其權者。由來遠矣。當外人之始至也。未便不自知主客之分。其後見爲主人者。置其事於不問。則一局之內。主權必有所歸。外人遂不得不操之一。既操之而覺其可樂也。則又思爲蟠據把持之方焉。再其後則彼之政府知之。即利用此爲機關而謀。遂其無窮之慾。蓋其始本無久假不歸之意也。其後則雖不肯遽去而猶可爭者也。最後則爭無一爭。主人稍欲過問一二。且張目攘臂以爲大詫。不情矣。至此則爲主人者。始病之。惟病之而亦無如何耳。雖然病之猶愈於不病。使主人真能覺彼反客爲主之可惡。則主客之名分固在。未嘗不可據理以力爭。即爭之而不能得。亦可臥薪嘗膽以謀恢復之道。終至光復舊物而止。惟爲主人者。絕不以外人之把持蟠據爲非。且樂外人之積著威信於我民也。反借外人爲機關以加其力於民。於是外國政府借

此。等。人。以。為。機。關。而。加。其。力。於。中。國。政。府。中。國。政。府。再。借。此。人。為。機。關。而。加。其。力。於。中。國。平。民。則。其。效。遂。不。可。問。矣。夫。舉。一。事。者。為。國。家。全。體。謀。公。利。也。乃。舉。一。事。即。延。一。客。而。客。皆。一。來。而。不。去。則。未。舉。事。之。先。不。過。此。事。未。顯。而。已。而。此。事。之。原。力。常。隱。伏。於。國。羣。已。舉。事。之。後。其。事。雖。若。有。效。而。其。事。之。原。力。已。輸。送。於。外。國。再。其。後。則。外。國。不。僅。吸。收。此。原。力。而。止。乃。至。據。此。為。根。本。而。謀。其。吞。蝕。全。體。之。舉。咄。哉。世。安。有。此。怪。事。此。豈。曾。胡。諸。公。議。辦。新。政。之。時。之。所。及。料。者。哉。本。報。此。論。非。謂。當。因。噎。而。廢。食。但。謂。國。權。未。失。則。用。外。人。與。用。本。國。人。無。異。西按

乙凡。甲。國。人。任。於。乙。國。者。必。入。國。權。既。失。則。多。一。外。人。即。多。一。敵。國。天。下。未。有。無。量。敵。國。布。於。國。家。之。要。害。而。國。家。可。以。無。事。者。也。今。往。事。已。不。可。追。矣。深。願。執。政。諸。公。致。謹。於。將。來。而。毋。以。外。人。為。必。可。恃。也。

論中國前途有可望之機 錄三月中外日報

自來天下之局。皆以戰事成之。未戰以前。無人能料之也。往往竭百十年中聰明遠識之士。相與討論之力。仁人志士。相與縹緲之功。當時亦自信其近似矣。而經一大戰之後。所成之局。乃無一為前人所及料。此三十年來。歐美之形勢。則由普法之戰而成。此十年來。東方之形勢。則由中日之戰而成。其所關亦甚大矣。然皆無如此次日俄之戰之所關為尤重大也。

社說

五十三

甲辰

社說

五十四

三月

此戰之後。則天下之局。殆將全改。數十年中。東西人士之所思議者。皆成往事。又有一新世界出矣。然此新世界。必須日勝俄。敗而後出現。若俄勝日。敗則世界不能更新。今則日俄之勝敗。其象漸分。而吾人之擬議。亦稍有起點矣。案此戰於世界最大之關係有二。一則黃種將與白種並存於世。黃白優劣。天定之說。無人能再信之。二則專制政體。爲亡國辱種之毒藥。其例確立。如水火金刃之無可疑。必無人再敢嘗試。此二者改則世界之面目全換矣。其關係之至重者。則在中國。而日俄次之。英法德美。又其次也。案此十年間。所以天下洶洶。若不可終日者。一由於俄國之弄兵。一由於中國之召侮。今俄國經此挫折。若政體不改。則將爲突厥支那之續。其力不復及於他國。若改爲憲政。則其政策必與今日之俄國大異。如此則俄國之弄兵改矣。若中國則黃種之專制國也。鑒於日本之勝。而知黃種之可以興。數十年已死之心。庶幾復活。鑒於俄國之敗。而知專制之不可恃。數千年相沿之習。庶幾可捐。此二者之觀念。入人至深。感人至捷。數年之間。必有大波軒然而起。雖政府竭力沮之。吾知其不能也不見。夫甲午乎。當中日戰事將畢未畢之時。豈有人能料及將來有戊戌之局。又有庚子之局耶。如此則中國之召侮。改夫中國者。世界之主人翁也。試觀今日因中國之危。而舉世爲之騷騷。即可知他日必因中國之強。而天下賴以安樂。無他國國可以自存。而無可

爭也。然而中國則不特有所觀感而興今日之事。殆其是矣。吾輩中國人固當望中國之興。即他國之人亦豈不望和平之幸福耶。然而中國人中尙有以俄勝日敗爲希望者。吾不知其何心也。雖然竊料此一派人數年間必歸於自然淘汰之例矣。

論波蘭人謀自主 節錄三月同文週報

余讀昨報有波蘭人謀自主一事。不禁手舞足蹈。歡呼而起曰。幸矣乎波蘭人。壯矣乎波蘭人。繼讀至爲俄人所知。極力防禦。而事遂不成。則又不禁頓蹙而嘆曰。悲矣乎波蘭人。終矣乎波蘭人。夫波蘭有二十餘萬方里之地。有二百餘萬之衆。地廣而開濬之。講求之。未始不可以富人衆而訓練之。振作之。未始不可以強。乃竟棄膏腴之地。棄精壯之民。君臣酣嬉。執迷不悟。而孰知強隣逼處。卒致瓜分之禍哉。嘗攷波蘭之分。始於一千七百七十二年。然主權猶未盡失。泊一千七百九十二年。俄普再分。則亦幾不可爲國。時有志士杜西亞士艾。及潘尼亞道士幾者。嘗從華盛頓獨立之戰。因慕美法之自由。而慨祖國之受制。於是起而與俄普爲難。以冀恢復版宇。方謂戰勝攻取。指日可定。而俄普之屢戰屢北。幾可達其目的。乃奧人從而助之。致令之二人者。既無援救之師。復少接濟之國。卒以敗死。雖繼起有人。要皆無濟於事。一千八百三十二年。改屬俄國。自是而主權盡歸他國。然其地之屬於俄者爲最

社說

五十六

三月

多。而其人受俄之苛待者爲最甚。印度之屬於英也。英人初未嘗視懷柔之道。惟恐不盡。祇以其人之愚頑無知。故不得不設官以隸之。俄之待波蘭則不然。波蘭人非印度比也。材力聰明不無可取。俄人於此宜有以開其教化。殷其撫育。使波蘭之人均欣得樂士之依。併轡之覆。而後盡字小之道也。胡爲視之若奴隸。驅之若犬馬。接諸一視同仁之義。竊有未安。又何怪其含憤積怨。思得一逞耶。今者俄以滿洲之故。與日本開釁。每戰輒北。精銳殆盡。又思有以報復。將傾國之兵。調駐東三省。藉爲背城借一之舉。而且各處會黨乘機蠢動。則政府之所注意者。必有兼顧之不暇。苟於此時。合全國之力。集同心之衆。一鼓作氣。固不難轉敗爲功也。雖經俄人察覺。肆行阻遏。而其國內空虛。勢有不及衆志。可以成城。匹夫不可奪志。俄人雖狡。亦將若之何哉。此誠千載一時之會也。若因俄人阻止。遂生坐失事機。不良可惜乎。昔華盛頓以一旅之衆。當英國全盛之時。猶且血戰數年。卒能建自由之旗於美洲大陸。至今稱爲強國。非所謂一時之豪傑哉。吾願波蘭之人。慕華盛頓之風。而蹶然起。吾尤願波蘭有枯西亞士戈及潘尼亞道士。幾其人者。不以死生易其志。當此可爲之勢。可乘之時。脫彼專制之樊籠。立我自由之政府。甯自由而死。不以不自由而生。吾誦斯語於憂喜之餘。不禁於波蘭人有後望焉。

論會議銀價事 來稿

辛丑和約。償金償銀。未有疇白了語。金銀差率。出入甚鉅。吾政府惕於銀價跌落之敝。欲美國爲我一謀。又英美日三國與吾新改商約。亦慮吾國法墮壞。害中互市。遂有要吾整理國法之專條。適北美墨西哥國。夙以產銀聞於世者。亦以比年銀價跌落。虧損國力。欲得美國出而圖維。以持其險。乃共遣專員。游說歐洲。覘燭情實。更東來以察吾國意嚮。美國又以所屬斐律濱之財用。與亞洲太平洋岸。呼喻相通。更遣專使。詢稽於斐。既卒事矣。乃來吾國。此斯事之概要也。蓋美爲資本充集工業新富之國。吾與墨又最承用銀之敝者。則彼之來吾國。固將以所得經驗。爲末後之取決也。觀其維持之議。所掙樞挈要者。則裁制銀鑛。使歲出有定數。又使諸國稱量其用。歲購銀塊若干。以定消場。而折中比年金銀差率。以定日後金銀價值之恆準。無使或騰或降。更於吾國有齊一泉幣之請。大率欲吾所鑄銀幣。輕重肉好。略等於墨西哥。斯事條理繁曲。數往知來。殆非潛研湛思者。不足以知其流變。竊意可斷言者。則以上諸議。如能事事實行。未嘗非補苴一時計也。

顧十九棋中葉以後。世界國幣。吾尙用金。其未用者。寥可指數。於美惟墨西哥。於亞惟吾國及斐立濱與英數屬地。其他歐美小邦。尙間用銀。以無關宇內大勢。本論可闕略不備舉。夫

社說

五十八

三月

行用金幣。首始於英。昔吾國古時亦嘗以金銀銅三品並用。諸國僕緣紛紛效法者何哉。誠以天下之物。惟貴可以馭賤。簡可以馭煩。以金為幣。定為本位。而施於易中。即以貴馭賤。以簡馭煩也。蓋萬形森列。種種色色。自其組迹而觀之。固見有渙醇漓本。散樸為器之勢。自其精義而察之。則皆由煩難而之簡易。由歧分而趨統一也。泉幣之事。甯獨不然。輒近國家學者。發明國家元素。為至尊無對之物。金之於幣。亦猶是也。竊以為吾國銀錢雜用。無有紀極。敵在於無最高之主幣。以為本位。而其害之中於內者。則相受之率。不能確定。便於奸欺。詭詐。不能有推行盡利之效。其害之中於外者。則壓抑於尊貴之金。受其傾危。儼然如二三等國。遇一等國。此其害不待今日。償外債而始著也。特政府嚮者於通國生事。未嘗深考。消耶長耶。任其所至。至災患剝牀。乃始覺其害也。

今日欲求補救。苟如美使所計畫。未始無一日裨助。然以如此。即可永賴。是則吾心滋惑。而不敢信者存也。蓋裁制銀鑛所出者。固以人力窒其天產。而使諸國。歲率認購若干。亦必不能密合於實際之所需。是以供者。要劫求者。殆無可以久行之理。而強定中數。以為金銀相差之率。是皆以人力。故塞其竇。而悖於天然者也。世固有以人力強為之者矣。大氏強為而有成者。必其人力強盛。而有不相敵者也。若乃五行百產。此所資待。與彼所供出者。皆有

自然蕃變之秩序。今欲以劫持之術。使必循循於吾意計中之軌道。其勢固已難矣。然此事固微曲而難知也。而用他事以爲證實。則如歐洲都會變遷。自古及今。由政治趨嚮。以流於商業趨嚮。雖有大力。莫能逆也。今美使之計畫。其所恃以持行者。不過得諸國許諾。立契徹而止耳。其力甚微弱也。願欲以詳物產之天然力。能有成者。亦僅矣。蓋制治之術。有宣導而無壅遏。智者觀於極微。隨時當可奔機。逗節無篤守之道也。故墨西哥銀產極盛。今鑒於衰敝。已有改行金幣之傾嚮。而英人又已遣專員。討究亞洲屬地情狀。亦將有改行金幣之事。然則後此受掎挈靡敵者。獨吾國耳。吾不敢謂循美使決策。吾國卽能長獲利賴也。或以美使計畫。本爲兩利。蓋金銀差率。既有恆準。則互市之外商。不虞有不測之傾危。有無懋遷。其業自盛。國外資本。亦可因而流入。以濟吾興作之窮。以兩利故。則金銀價值。恆得保持。而無渝越。故吾今日。利不在驟行金幣也。夫爲此論。亦得其一。而失其一矣。金銀差率。旣信且貞。專圖兩利。以吾度之。殆難必得。借曰得之。利在用銀。國者終不如用金。國其故不難知也。蓋彼重矣。而我則輕彼高矣。而我則下此。無論欲乘金貴銀賤之時。通流吾值微之物。產以巧取於一日者之無望也。卽令物產。因值微而流通矣。以我值微者。以彼值巨。相易。是以我二而易彼一也。國力消耗。固不細矣。矧互市者。一彼一此。吾因去者之值微。其喪失旣

社說

六十

三月

如此矣。而彼來者。又令吾以價二購一。而有生事不贍之患。是兩害均中於吾也。長此不變。日演日甚。且使吾通國財力。借銀陷落。沈淪驟劫。其勢岌危。殆無殊於日蹙百里也。然則承今之敝。建小康之術。其無當於宏遠者。昭昭然若黑白矣。吾為此論。其詞若紛。素糾射然。蔽以一言。則今日會議銀價補塞罅漏之不足。恃而為吾至計。當亟改行金幣也。

當丁酉戊戌之際。吾國亦嘗有議行金幣者矣。論者乃以金貴銀賤。則吾物產乘以消行。可為國富之補助。證於實際。乃得其反。此蓋不知互市之道。主於相劑。泉幣之權。存於馭物。而誤以物產。斥去銀泉。流來即可富國也。吾國俗以講銀為富者。古語謂之守錢龜。亦不知此理之弊。然則改行金幣。使易中之權。較於外者。無以重輕。高下見絀。固當務也。而所以擴宏國力之原則。須致力於農工商。致力於農工商。又必去其淹隱。起其幽廢。其事為平治。莽塗而使便利。五行百產。乃不陳腐於鄉。其他關合於此者。尤非可一二計數。非本論所未能詳盡。蓋天下之事。皆相因而後效。非審一端。執一曲。所能為也。

諭旨

上諭昨已有旨貝勒載洵之第一子命名溥健健字著改為仇欽此 上諭裕德現在出差翰林院掌院學士著榮慶署理欽此 上諭裕德現在出差兵部尚書著溥良兼署欽此 上諭裕德現在出差兩廣旗漢軍都統著軒斌兼署欽此 上諭張百熙現在出差吏部尚書著瞿鴻禨兼署欽此 上諭陸潤庠現在出差都察院左都御史著鹿傳霖兼署欽此 上諭戴鴻慈現在出差戶部左侍郎兼管錢法堂事務著郭曾新兼署欽此 旨兵部司務著姚文清補授湖南寶慶府同知著何煒補授廣東廣州府佛山同知著吳漸補授湖北荊州府通判著程誠補授四川夔州府通判著廷蘭補授河南確嘉縣知縣著周兆麟補授湖北京山縣知縣著龍燦章補授廣東陸豐縣知縣著吳葆真補授浙江安吉縣知縣著鍾大焜補授河南鄆陵縣知縣著劉德新補授廣東龍川縣知縣著蘇育仁補授廣東廣甯縣知縣著鄭世璠補授廣東長樂縣知縣著王景沂補授浙江麗水縣知縣著李樹聲補授山東海豐縣知縣著楊增輝補授山東霑化縣知縣著鍾樹森補授安徽黟縣知縣著李有矩補授江西會昌縣知縣著劉炳輝補授山東即墨縣知縣著周尙鏞補授甘肅華亭縣知縣著陳翰聲補授江西安仁縣知縣著李璋堂補授福建寧化縣知縣著秦德凝補授截取與人保清還著以知縣用戶科筆帖式著修茂補授工部筆帖式著榮耀補授刑部筆帖式二缺著寶耀明德補授都察院筆帖式著翁瀛補授詹生毓揆祺震俱以七品筆帖式用翰林院侍讀二缺著達壽崇山補授刑科給事中著吳煦補授京察官禮部郎中隆端著准其一等加一級交軍機處記名以道府用截取兵科給事中楊士燮禮部郎中陶福同鑾儀衛經歷蕭廷震俱照例用保送知府翰林院檢討桂站著以知府分發省分補用卓異廣西潯州府知府張祖祺著准其卓異加一級仍

諭旨

二十七

甲辰

職 官

二十八

三月

註冊回任候升保舉在任候補道補授吉林府知府朱材濟著准其補授照例用保舉陝西候補道潘民表山東候補知州魯珍山東候補知縣李炬山西候補知縣譚家駿俱照例用補授新疆烏什直隸廳同知易壽崧著准其補授明保直隸遵化州訓導張體信著以知縣在任候選擬補國子監助教景格盛京開原城守尉衙門筆帖式廣喜俱准其補授烏里雅蘇台辦理內閣事務章著繼榮去擬補兩浙嘉興批驗所大使林祖培著照例用年滿四川總督衙門筆帖式祥泰著發往原省照例用俸滿北城兵馬司副指揮郭清著照例升用俸滿四川射洪縣青提渡鹽大使慶綏著回任欽此
二月初七日

上諭兩淮鹽運使仍著江蘇按察使恩銘署理著即切實整頓以裕餉源欽此初九日

上諭甘肅鞏秦階道員缺著慶恩補授欽此初十日

上諭甘肅蘭州府知府員缺緊要著該督於通省知府內揀員調補所遺員缺著高熙詰補授欽此 上諭安徽學政著

毓隆去欽此十二日

旨蔭生薄銘著以七品筆帖式用翰林院侍講二缺著榮光錫恩補授保送撫民同知與亮寬序克蒙額岑斌恆康桂昌松齡恩榮資相文並著交部記名以撫民同知用保送撫民通判連陞恆毓勝克福克津錫興恆讓志熙著交部記名以撫民通判用分發江蘇道恩煥直隸知府宋穉江西知府潘宗儒湖南知府滕梅甘肅同知劉秉權廣東同知夏錫麟貴州同知陳湘濤江蘇通判常文炳山東通判董標河南通判連恩恩楊崇宣甘肅通判榮勳四川通判徐孝齡廣西通判胡承業雲南通判張國勳山東知縣朱作梅江西知縣王朝賀湖南知縣張超南山東知縣邊嘉輝山西知縣姜德遠甘肅知縣郭世選江西知縣張家駒湖南知縣王家槐浙江候補知縣常松壽廣西知縣陸葆真湖北布政司

庫大使黃厚炎山東鹽大使富忠福建鹽大使何福鴻廣東鹽大使甘世茂俱照例發往截取掌陝西道御史王乃徵著照例用擬補吏部郎中裕隆內閣中書致善單溥元朱翰章俱准其補授戶部郎中著熙煜補授東陵工部員外郎著增和補授傳滿南城兵馬司副指揮劉宗泰著照例升用保舉奉天補用知縣雙琦著照例用欽此十三日

上諭本年十月初十日恭逢 慈禧端佑康頤昭豫莊誠壽恭欽獻崇熙皇太后七旬萬壽京外實任大臣老親有年逾七十者承歡祿養愛日方長允宜錫類推恩優加賞賚外務部尚書步軍統領那桐之母李氏著賞給御書匾額一面紫檀三廂玉如意一柄大卷江綢袍褂料二疋大卷八絲緞袍褂料二疋兵部尚書徐會灃之母管氏著賞給御書匾額一面紫檀三廂玉如意一柄大卷江綢袍褂料二疋大卷八絲緞袍褂料二疋盛京將軍增祺之母瓜爾佳氏著賞給御書匾額一面紫檀三廂玉如意一柄大卷江綢袍褂料二疋大卷八絲緞袍褂料二疋正紅旗蒙古都統吏部右侍郎繼祿之母尹氏著賞給御書匾額一面紫檀三廂玉如意一柄大卷江綢袍褂料二疋大卷八絲緞袍褂料二疋正白旗蒙古副都統誠全之母郭氏著賞給御書匾額一面紫檀三廂玉如意一柄小卷江綢袍褂料二件小卷八絲緞袍褂料二件浙江巡撫聶緝槩之母張氏著賞給御書匾額一面紫檀三廂玉如意一柄小卷江綢袍褂料二件小卷八絲緞袍褂料二件浙江乍浦副都統柏梁之母楊氏著賞給御書匾額一面紫檀三廂玉如意一柄小卷江綢袍褂料二件小卷八絲緞袍褂料二件副都統銜西甯辦事大臣準良之父恩元著賞給御書匾額一面紫檀三廂玉如意一柄小卷江綢袍褂料二件小卷八絲緞袍褂料二件以示教孝作忠之至意欽此十五日

上諭李興銳奏舉劾文武各員一摺福建鹽法道鹿學良署興泉永道補用道蔡國慶福州府知府玉貴候補知府程祖福平日政績既有可觀均著傳旨嘉獎試用同知李鍾輝辦事乖方習氣太重前署平南知縣試用同知李紹綬不洽

諭旨

三十

三月

與情操守難信署閩清縣知縣候補知縣倪源壽縱容丁役被控有案署永平縣知縣試用知縣徐元治性好嬉游頗招
 物議署長泰縣知縣候補知縣羅德聰才識庸懦聲名平常候補知縣余玉君辦事乖謬不洽商情捐升知縣田從禾術
 等鑽營行止卑鄙雷德縣周墩縣丞賈世忠貪婪無恥試用縣丞張探源素行不端候補巡檢毛殿湘聲名卑鄙署督標
 中營副將順昌協副將謝國恩辦事顛預營務廢弛署督標水師參將准補烽火門營參將賴雲品陋才庸難資得力
 閩安協右營都司潘玉泰庸懦無能不諳軍紀降補守備賴文華鑽營貪鄙小人之尤浙江湖州協右營守備委國祥遇
 事任性不堪造就湖州協右營候補都司王國雱年力就衰難期振作均著即行革職福建邵武縣知縣翁立德清流縣
 知縣李夢斗才欠開展文理尚優均著以教職歸部銓選另片奏參道府等語前與泉水道延年罔利營私不知大體著
 即革職分省試用知府彭思桂擅權納賄聲名狼籍著革職永不叙用餘著照所議辦理該部知道欽此十六日

上諭太常寺少卿著王彥威補授欽此十七日

上諭本日召見之在任候補道廣西潯州府知府張祖祺著在任以道員仍留原省補用並交軍機處存記欽此二十一日
 上諭趙爾巽奏舉劾屬員一摺湖南長沙府知府顏鍾驥辰州府知府劉若會衡州府知府唐步瀛署澧州直隸州候補
 知府金遠署長沙縣知縣候補同知直隸州知州沈瀛瀾署善化縣華容縣知縣胡揚祖衡陽縣知縣楊永芳調署武陵
 縣平江縣知縣羅葆祺署零陵縣石門縣知縣譚承元候補道任國均俞明頤候補知府朱其懿候補直隸州知州方
 基既據該撫臚陳治行卓著著傳旨嘉獎江蘇鹽同知前署永順府知府顏連沅丁書索賄漫無覺查與寧縣鄭以蒸
 積久玩生差驕吏肆永明縣知縣王毓藻約束不嚴物議頗與湘潭縣朱亭縣丞鄧銳宗濫用書差沅陵縣馬底巡檢曾
 啓昌奉職不謹瀏陽縣永興巡檢呂元吉不守範圍與寧縣典史鄧繼芳不洽輿情均著即行革職寶慶府學教授李昇

瀛洲陽縣學訓導胡壽松保靖縣學訓導伍斌精力衰頹實慶府經歷陳壽仁委靡不振均著勒令休致候補知縣秦廣翰職獄粗疏著以府經歷降補城步縣知縣楊瑞麟才短識開湘潭縣知縣劉峻厚重鈍拙難勝煩劇湘鄉縣永豐縣丞江洪人地未宜均著開缺另補餘著照所議辦理該部知道欽此 上諭光祿寺少卿著陳鍾信補授欽此 旨常山現在穿孝正藍旗蒙古副都統著德崇署理欽此 旨廕生悅澐著以文員用內閣侍讀學士著奎善補授國子監司業著柯劭忞補授翰林院撰文二缺著貴福蔭桓補授截取光祿寺署正周守信國子監助教韓杜吏部司務趙國璠國子監助教劉鳳陶內閣典籍蘇元龍內閣中書馬師周俱照例用擬補吏部主事春元廣西慶遠府南丹土州州同譚文翰俱准其補授廣西太平府憑祥土州州判著沈慶平補授黑龍江綏化廳巡檢著馬鴻圖補授黑龍江呼蘭廳巡檢著陶克修補授吉林五常廳巡檢著喬楫溟補授吉林綏芬廳巡檢著金士驥補授奉天寬甸縣六甸巡檢著英桐補授甘肅新羅巡撫衙門筆帖式二缺著誠敏世勳補授盛京刑部蒙古主事職銜著德順補授擬補盛京義州城守尉衙門筆帖式麟春盛京將軍衙門筆帖式倭凌阿俱准其補授欽此二十三日

上諭周覆奏山東利津縣王莊等處堵築合龍一摺此次王莊等處凌汛暴漲漫口情形其重經周覆督飭各員趕緊堵築於本月中旬合龍辦理尙稱妥速所有在工出力各員自應量予獎敘道員朱式泉試用知府高令蒞遊擊王得坪均著賞還頂帶補用道丁達意著賞給三代正二品封典候補知州何福慶著俟補缺後以直隸州知州用並加四品銜試用府經歷袁士芳試用縣丞丁樂沅林介策均著免補本班以知縣仍留原省補用候補縣主簿何國順著免補本班以縣丞仍留原省補用記名總兵朱康仁著賞加提督銜補用參將黑鴻甲著免補本班以副將儘先補用游擊何東來朱長安著免補本班以參將儘先補用都司東兆瑛劉福元均著免補本班以游擊儘先補用守備李得順史殿舒周玉美

諭 旨

三十二

三月

均著免補本班以都司儘先補用千總安鳳山著免補本班以守備儘先補用餘著照所議辦理該部知道欽此 上諭
翰林院編修吳士鑑著仍在南書房行走欽此二十四日

旨杭州織造著盛柱去欽此二十五日

旨巡視南城事務著蔣式理去欽此 旨刑部郎中著丁體晉補授案儀衛經歷著劉廷彥補授雲南鄧州知州著曾
廣閩補授山西汾西縣知縣著賀壽齡補授雲南廣通縣知縣著沈宗傳補授四川鹽源縣知縣著王春澤補授雲南
甯縣知縣著范金鏞補授廣西天河縣知縣著王錫侯補授廣西富川縣知縣著李恆春補授山西臨縣知縣著趙宗林
補授截取舉人周恆昌著以知縣用欽天監筆帖式著善升補授工部筆帖式著玉海補授江南道監察御史著王誠義
補授福建道監察御史著蔡曾源補授保送直隸州知州刑部主事何錫慶著交部記名以直隸州知州用擬補內閣中
書謙福著准其補授截取國子監監丞張維彬著照例用升補貴州獨山州知州沈福鑾著准其升補保舉陝西候補知
縣崔銘新馬蔭梧廣東候補知縣李炳文胡道源黑龍江即補屯站官恩綿俱照例用開復知府用在任候補直隸州知
州前山東莒州知州蔣楷著准其開復原官仍發原省照例用欽此二十九日

上諭太僕寺卿裕庚奏因病懇請開缺一摺裕庚著賞假六月毋庸開缺欽此三十日

上諭浙江定海鎮總兵員缺著吳元愷補授欽此 旨著改於三月十五日開缺涼補欽此三月初一日

上諭商部奏江蘇在籍紳士創設商業公司卓著成效請破格獎勵作為商部顧問官一摺翰林院修撰張寒著賞加三
品銜作為商部頭等顧問官欽此 旨本月初三日所有進內奏事當差之王公百官均著穿蟒袍補褂欽此初三日

上諭前據御史蔣式瑗奏慶親王奕劻有存放匯豐私款當經派令清苑鹿傳霖帶同該御史前往該銀行確查具奏茲據覆奏稱該銀行往來帳目不以示人詢以與慶親王有無往來據稱未經見過詰之該御史所稱何據則稱得之傳聞言官例准風聞言事是以冒昧上陳等語言官奏參事件自應據實直陳何得以毫無根據之詞率臆陳奏況情事重大名節攸關豈容任意污蔑該御史著回原衙門行走姑示薄懲嗣後凡有言事之責者務當一秉至公殫心獻納如有應行彈劾者仍著據實糾參以副朝廷廣開言路實事求是之至意欽此初四日

上諭劉光才著開缺廣西提督著丁槐署理欽此 上諭岑春煊奏特參不職之鎮道等員各摺片廣西管帶威字營署柳慶鎮總兵楊發貴所部勇丁挾槍逃潰平日既未能認真鈴束事後又不迅速追緝著革職永不叙用關署太平思順道本任右江道易順鼎自便私圖不顧大局著即行革職代理象州知州候選通判周彭壽遇案苛罰妄拿無辜辦理匪愾怯肆行虐民著革職發往軍台効力贖罪貴州都勻協副將張興國派赴象州剿匪於匪攻鄉村時擁兵不救並濫混領餉縱勇搶殺著革職永不叙用並不准投効他省軍營以示懲儆餘著照所議辦理該部知道欽此 上諭岑春煊奏特參庸劣不職文武各員請分別懲處一摺廣東候補知府沈秉模巧於營務守難信署佛岡廳同知補用同知黃晉銘性情執拗固執治理信宜縣知縣葉祥麟貪酷任性縱丁擾民代理封川縣知縣補用知縣向森藉差苛派操守平常署順德縣知縣候補知縣張式恭縱容丁役賄釋匪徒開建縣知縣李章銘羣下弄權濫押斃命補用知縣華承謨居心險詐聲名狼籍試用知縣李之詔殘酷卑鄙劣聲昭著試用知縣白懷清貌似有才性頗近利候補知縣文斗前帶鹽務緝私輪船缺額冒餉船務廢弛瓊州府教授陳鍾龍藉名送考在外逗遛儋州學正黎秉鈞擅離職守不知去向合浦縣教諭趙錦封久病曠官難圖振作試用訓導龐鳳周惟利是圖士林不齒高要縣錄步司巡檢胡香曾行止有虧被控有

憲旨

三十四

三月

案龍門縣典史黃繼金招搖無忌貪劣頗著試用從九品呂國鈞行徑詭僻任性妄為試用從九品王之湘貪鄙著聞官場敗類著即行革職葉祥麟文斗並著發往軍台効力贖罪記名總兵廣州協副將李先義辦匪不力聲名尤劣守備惠來營左哨千總方億捕務廢弛不知約束儘先補用守備方彪徇庇營勇毫無整頓均著革職永不叙用並不准投効各營已革陸路提標後營遊擊豐壽貪鄙狡滑已革都司莊長勝縱勇擾民均著發往軍台効力贖罪高州鎮總兵吉瑞年老昏惰疏於約束著勒令休致管帶瑞字營陸路補用游擊王樹芳縱容劣弁橫肆誅求大陸協右營守備廖發秀縱兵通匪缺額甚多均著革職訊辦另片奏署恩恩縣知縣補用知縣吳榮澤常匪徒攔入縣街事前既未防備事後又捏辭欺飾等語吳榮澤著即行革職恩恩汛外委東蘭營考棚汛外委羅家豐該管守備龍金寶扶同隱飾著一併革職以示懲儆餘著照所議辦理該部知道欽此初五日

上諭廣西右江道員缺著張星吉補授欽此 上諭廣東高州鎮總兵員缺著吳祥道補授欽此 上諭錫良奏特參哨弁缺額扣餉請旨懲辦等語四川安定營破船哨弁候補守備萬鴻林缺額多名侵蝕餉銀並在汛地販貨實屬有干軍紀萬鴻林著即行革職監追所存餉項俟繳清後發往新疆充當苦差候補游擊張玉春雖未侵餉入己惟報繳截贖意存弊混著一併革職以肅戎政該部知道欽此 上諭前據御史王乃徵奏參四川省資州縣請飭查辦當經諭令錫良確查茲據查明覆奏成遠縣知縣徐樹既據查無劣迹即著免其置議馬邊廳同知陳在廉庸暗無能任丁舞弊前署羅江縣知縣本任營山縣知縣翁在明昏瞶糊塗玩視民命均著即行革職以肅吏治餘著照所議辦理該部知道欽此

六日

內務

直隸總督袁奏酌擬購運南米平糶摺

竊准戶部咨議覆御史瑞璐奏請由南省運米平糶以代漕運一摺奏明請旨飭下順天府尹臣查照光緒十七八兩年招商購米平糶參以二十七年奏擬廣勸商運暨近年順直招商派員諸辦法通盤籌畫體察情形奏明辦理等因奉旨依議欽此咨行到臣伏查順直各屬地瘠民貧蓋藏素鮮頻年師旅饑饉竟至十室九空近年蘇浙漕米起運本色僅止一百萬石餘俱改折南米之來源愈少民間之生計益艱於此而謀接濟之方舍招商購運別無良圖查光緒十七八年前督臣李鴻章招商購運南米每年多寡不等並無一定數目臣於二十八年春間奏准每歲辦運六十萬石經過關卡免征釐稅期以三五年後察看民情再行陳奏嗣與前兩江總督臣劉坤一商定二十八年免稅四十萬石二十九年每年免十五萬石四年後常年免二十萬石當由津海關道唐紹儀前通永道沈能虎分別招商給照運至京師保定天津設局平糶年餘以來商民交便上年九月間復據津海關道唐紹儀等照案請發護照招商購運旋准兩江督臣魏光燾以南省米價未平民食拮据現值開

內務

二十九

甲辰

內務

三十

三月

辦冬漕需米尤急先已通飭將滬鎮米糧一律仍禁出口且新約弛禁之後如准無論何項米穀出口則視禁令已弛請俟滬口弛禁後照案購運等因見復然畿輔爲根本重地浩劫遺黎實藉南米爲養命之源豈能因噎廢食況禁約中亦未指定順直平糶運米一項自可切實聲明擬請自本年爲始每年准運南米十五萬石在京津一帶平糶稍補漕糧之缺經過關卡免完釐稅與漕糧出口一律辦理他省不得援此爲例相應請 旨飭下兩江江蘇督撫臣通飭關卡一律照辦至臣處所給印照及各關卡驗放各事宜仍照二十八年奏案辦理以免紛歧謹 奏

安徽巡撫誠奏安徽省城舉辦巡警摺

竊維警察一事足以禁暴詰奸故各國視爲要圖上年欽奉 諭旨飭令各省一律仿辦當經前撫臣聶緝癸先於蕪湖通商口岸開辦巡警奏明在案奴才蒞皖後察看形勢安慶介江淮之交富南北舟車衝要姦宄易於混跡亦未可置爲緩圖惟需費不貲皖省財力匱乏公款既有難籌省城商務不繁民捐亦未易驟舉籌思至再惟有因時變通查安慶向設保甲局且駐有練兵若改保甲爲警察撥練勇作巡兵則事可立行而民無擾累隨督同司道悉心籌議釐訂章程即將保甲局裁撤一面於省垣設立警察總局別設大小分局選派委

員按按梭巡並以駐省之練軍親兵一營改爲警察營遴委委員管帶計弁兵三百八員名分布城廂內外凡稽查彈壓緝捕巡防責成管帶督率認真經理已於十月初一日開辦俟有成效再行籌款添設警務學堂並推行此外各府州縣以仰副 朝廷綏靖地方之至意計每月所需經費以原有保甲款項及向設練軍親兵新糧抵算外不敷銀八百餘兩開辦置備衣帽等項費用尙不在內已飭藩司暫行借撥將來據實造報作正開銷謹 奏奉 硃批該衙門知道欽此

內務改良彙誌

北京 聞政府於編修刑部新律例一事以伍侍郎係律學專家故即以伍侍郎爲則例館總辦又聞則例館擬將各獄大行改良雖不能仿照泰西辦理然必須清潔且嚴辦獄卒之虐待犯人又聞將來新例除十大惡不論外餘可酌量贖罪藉爲籌款之助又聞已由葛大司寇聘定德國律士一員不久即可來京 近聞步軍統領衙門議改警部各省警察可有歸總之所且可藉此更改該衙門監獄等處一切弊政云

湖南 湖南各州縣詞訟自湘撫趙中丞整頓以來莫不當堂收詞立予訊問積案爲之一清署華容縣孫令擬於真正命盜等案仍准照常呈報自餘尋常訟案悉令親身到堂口訴

庶訟棍無從播弄控訴全露真情且隨到隨審當堂斷結是一舉而數善備焉近已具稟撫轅請准試辦旋奉趙中丞批示嘉許除刊列官報外行文按察司通飭各屬一體仿照辦理即院司收詞亦均照辦

各國內務彙誌

美國 美國爲爭總統之事異常搖動民政黨堅欲推選現任總統羅斯弗爾特仍爲民主而候選民主即爲總法官巴爾克及某報主人豪富希爾司特兩人此即前任民主克禮夫蘭及前候選民主白來安二人所助者也惟巴爾克君似可有推選之望希爾司特君之資本及信任產皆有不實之處恐難符衆望也 聞美國上議員紀令嘉上書議院請議加俸每年總統擬給美金七萬五千元下議員長擬給一萬二千元各部大臣各給一萬五千元上下議員各給八千元當於一千九百五年西三月四日通行

英國 英國自十六世紀以降所行政策至今不變者有二大端一於財政及海權上爭莫大之勢力一阻尼德蘭西班牙和蘭興復其舊日之國勢而法國則不遺餘力以反對之今已入二十世紀矣試問法國能攘退英國之商務工藝海軍乎曰不能環顧大陸列國間能於商務工藝海軍上占優勝之勢使英人驚怖而却步者舍德意志莫屬矣

俄國 聖彼得堡某博士勾引少年子弟演說民權並出石印報紙名曰民衆全權又在各處結立私會有總會分會又有學生十五人攜帶布票赴京正在密室商議爲警兵拏獲並於布票上查得猶太人入會姓名又聖彼得堡著名大律師梭哥羅夫被俄廷內部大臣命人拘獲下獄因前曾以俄人屠戮猶太人爲大害天理今又以民權反對政府黨爲因遂逮捕繫獄旋經多人明證力保方被釋放 近聞俄皇議定凡婦女有精通醫道自願充當軍營病院醫員者准其與男子一律考試充當如出使之例凡緊急之際亦可暫攝使臣事務惟入伍統兵此時不便舉行

韓國 韓政府改正議政府官制如下 第一條議政府設議政一參政一贊政五任事內部大臣外部大臣度支部大臣軍部大臣法部大臣學務大臣農商工部大臣以上一等參贊一三品以上二等參贊三品以上 第二條議政統率參政贊政各部大臣任國家經綸之責遇有庶政命主任大臣施行 第三條參贊輔佐議政參政各部大臣整理府務 第四條議政如查參政贊政及各部大臣參贊等員或不盡其職或有過失會議後務須入奏 第五條所有法律命令議政及主任大臣均行副署簽押 第六條議政如有事故參政即代署理倘如議政參政均有事故贊政員須俟奉有敕旨臨時署理 第七條各部署理大臣亦均有贊政權 第

內 務

三十四

三月

八條下開各項會議之後均須奏候敕旨

一法律敕令案之制定及撤裁改正事二議入議出議算及決算等度支之事三內外國債之事四國際條約及重要之國際

事件五委任及任各官進退之事但武官及司法官卒業者不在此限六地方官廳之設裁分合各部之事與否及整理改革等一切事項七各部主管權限之爭議八有勳者之上疏奏上依於此旨之件九豫算以外度支之件十關於租稅之新設改定存廢並官有土地森林建造物及船舶等之管理處分及電信鐵路礦山等施設之事十一遵照特旨交付會議之件十二內地有變之時按撫等特別事務之件 第九

條議政府會議有時大皇帝陛下躬親臨幸 第十條議政以下官吏各因意見不論何等

事項務須提出請議書 第十一條各部大臣如遇疾病其他事故時使得各協辦代參政

府會議 第十二條本令自宣布之日施行 第十三條光武二年敕令第十八號即自本

令宣布之日作廢 近聞韓國議政府議決三事一全國皆得言論自由二現在奏任判任

各官吏均得隨意面奏韓皇凡曾經判任之官亦得在中樞院建議又對於韓國內部議決

三事一凡任用郡守概依次序二凡郡守觀察使之以聚斂爲事者一經發覺當即處罰三

修築韓京內外道路 日本前外務大臣現任樞密顧問官子爵青木周藏氏被聘赴韓國

充當頭等顧問官

軍事

論馬哥羅夫死後俄日戰局之變動 錄三月中外日報

本館得東京專電。及俄人公報。知旅順俄國兩水師提督馬哥羅夫密拉爾。因乘坐丕脫羅怕夫羅夫戰艦。率領艦隊復入旅順港口。誤認日本所沈機械水雷。徒遭擊斃。竊謂此固大變也。從此東方俄日之戰局。不日即有一大變動起矣。夫俄國之旅順艦隊。自二月八號日本初次攻擊時。以魚雷艇擊壞俄艦三艘之後。俄已失其制海之權。而戰艦均倚於礮臺防護之下。不敢出海。故每次攻擊。皆係日艦來。而俄艦莫能往。其死生之機。主客之形。已明判矣。既而俄廷改計。亟以馬哥羅夫統帶水師。苦魯巴金統帶陸師。以爲阿列克塞夫之代。自馬哥羅夫統帥水師後。俄艦即漸敢出海拒敵。繼則又敢出海巡駛。駸駸有恢復海權之望。然受挫以後。艦隊組織。究難完全。士卒暮氣。究難立振。然日人因此而停戰者。幾有三禮拜之久。夫豈真懼俄人哉。亦欲誘俄艦出海。再加以痛創。使其隻輪無返而已。至四月十三日晨。日艦五艘。與俄巡洋艦畢雁。戰於海上。傷畢雁艦。而助之之三艦。亦終不敢在海上久拒。則其兵艦之不能大用。已可概見。乃再創以後。又喪宿將。而於是俄艦不滅而自滅。旅順

軍事

一百三十七

甲辰

不破而自破。此其中抑。若有天助焉。嗚呼。奇已。

俄將既亡。俄艦既靡。於是日兵必速集其水師全隊之力。乘機而圍困旅順。盡其礮火之能力。掃蕩其礮臺藥庫建造物。一面再以軍艦護送運兵船。四面肉薄登岸。以次而牛莊。而大東溝。而海參崴。料其所至。當無有如其志。而俄之旅順戰艦。既遭覆滅。則其餘各處之艦隊。亦無足當日本之水師者矣。故逆料自今以後之日本水師。必利於急攻而不復爲持重審慎之謀矣。此馬哥羅夫既死以後。戰局之變動者一也。

由此以言。日本其竟長驅而不止兵乎。是又不然。日本止兵之期。必在占旅順。得牛莊。規取海參崴以後。蓋日本既得此數地之後。必將稍休兵力。以經營根據地。而徐俟俄之自斃。俄之自斃。果何在乎。余料其必起於阿列克塞夫與苦魯巴金之爭功。而結局於內亂。蓋苦魯巴金本係宿將。其於戰事。以持重爲主。而阿列克塞夫。則係少年之將。且又恃得俄皇之寵。其心中祇知誇功爭勝。而不知爲大局計。以阿氏與苦氏共事。猶如中國古時用觀軍容。使以監軍不計全局。而一味促戰。坐使謀臣勇將一敗塗地。然也。西報言阿氏與苦氏意見乖違。此必爲俄國陸軍致敗之根。倘陸軍中人一經內鬪。則朝黨之中亦必角立。阿黨之比來。柏素勒夫與苦黨之威第藍姆斯道夫。必在俄皇之前。互角勝負。朝黨一經角立。其下之黨

人亦必乘機試其反抗。而俄國之大局遂成土崩之勢。必致餉無可籌。兵無可用。而西伯利數千里之鐵路。建如未建。遠東數千里之廣漠。占如未占。此又馬哥羅夫既死後。戰局之變動者又一也。

然而中國當此之際。則不可以俄敗日勝爲可喜。而忘自處之難也。何則。以馬哥羅夫雖死。而苦魯巴金猶在。苦氏之主義。向來反對遠東經營中亞之政策。當此海軍失帥。大局方危之時。正苦氏可實行其主義之時。加以俄人當此創敗之後。內憂外侮。交迫而至。必求所以自全之策。其自全之策。必將速以東三省之陸軍。急破遼西之中立。而占內外蒙古。又一面藉口於西藏防禦之事。而急遣大軍。占我天山南北路。如是則失地得地。仍可以上安政府之憂。下塞黨人之口。夫得協商以外之地。日本不能以兵爭者也。不特此也。俄人既破中國中立之局。必將求助於法。然法人明助俄國之戰。則英必起而助日。以英之水師。直搗俄之波羅的海。俄將何以禦之。故法人與其助俄以敵日。使英與之爲難。不如破壞中國。以助俄而使英日無可干涉之爲得也。觀於廣西督師鄭京卿之電奏。謂法人屯兵龍州。蓋卽法人助俄。破中國中立之見端矣。果使法國一進兵於雲南廣西。則中國自救南疆之不暇。必不能全神北顧。且法兵一進於南。則德人亦必將由山東推廣勢力於長江。

北岸。夫俄使法人突起。而擾亂中國之中立。則可使英美兩國。不能藉口於保全中立。且可使日俄之戰。因此而爲之停頓。而俄國救亡之策。則可借此得行矣。故但就馬哥羅夫密拉爾二人之死。以觀固大爲日本之利。然就法國進兵龍州以觀之。則中國之中立。必將不日破壞。而日本與俄之戰。亦將因此而不竣。其全功是又馬哥羅夫死而戰局又一變者。此其一也。

夫馬哥羅夫一死。而大局之變。一至於此。此雖非人事之所爲。然中國至此。亦必無可以倖存之理。然則中國將何以自處乎。曰。惟仍有就俄人欲破壞中國中立之時。我立即與俄決裂。乘日本利於急攻之時。夾攻其後。如是則自行其破壞。即所以自善其保全。我而得勝。則法德之謀。必不復逞。而即與俄離矣。我而不勝。英美亦可出而責言。而我亦可借以自全。否則外人之環而謀我者。四起未已。我或頭痛救頭。不知握要以自分其力。抑或委靡不振。坐聽他人之分割。則適以自斃。而且貽累於日本。深負於英美。其爲禍患。豈直不能自全而已哉。

論嚴正中立 錄三月新聞報

當兩國戰爭之時。非特戰國之精神心力。不容稍懈也。即中立國之精神心力。亦不容稍懈。

其在強大之國。一舉一動。易啓兩國之猜疑。若精神心力稍有所懈。則交誼漓矣。其在弱小之國。左支右絀。易於受兩戰國之詰責。若精神心力稍有所懈。則遺患深矣。是故中立云云。者。不過使戰爭之禍不致蔓延。而非聽其自然。概不與聞之謂也。況乎戰爭之地。爲中國所屬。戰爭之端。爲中國而發。中國當日。苟非有萬不得已之苦衷。斷不能出此下策。是以當吞聲飲泣之時。必求所以自脫於萬不得已之中。而超出於下策之上。則其精神心力。專注於瞬息千變之戰局者。更不容稍懈也矣。中國政府。苟能用其精神心力於此。則可知當日所謂萬不得已之苦衷。今已解其半。而可以籌一策以超出於下策之上矣。嚴正中立者。下策中之上策。而中國中立以來。所未能者也。夫自古豈有中立國之地。而爲戰國所佔據者。自古豈有中立國之人民。而售軍糧於戰國者。自古豈有中立國之人在中立國之地。而聽去留於戰國者。是以中國之中立。不得謂之嚴正中立。中國當宣布中立之時。固已預料及此。即日本之勸中國中立。各國之承認中國中立。亦皆預料及此。而中國之仍不能不中立者。恐俄人東衝西突。而無防守之具也。日本之仍不能不勸中國中立者。恐俄人東衝西突。而分其兵力也。各國之仍不能不認中國中立者。恐俄人之東衝西突。而敗其商務也。所謂當日有萬不得已之苦衷者。此也。顧自上月底旅順一役。而當日之萬不得已者。已

解其半。蓋旅順俄國艦隊。僅存之碩果。如配特羅巴夫羅夫斯克戰艦。則沈沒。婆比大戰艦。貝揚巡洋艦。則受傷成廢。其餘各艦。亦無不受傷。而雌伏於旅順港內。威名隆重之馬哥拉夫。則陣亡。自今以後。黃海之中。當不能見俄艦之隻影矣。是則中國沿海沿江。無慮俄人之衝突。以陸路而論。英藏之戰。俄人不敢干預。則蒙古伊犁。亦無慮俄人之衝突。日本營於鴨綠江之東。中國營於遼河之西。夾而持之。則山海關一帶。亦無慮俄人之衝突。是中國今日。即與俄人戰。亦無慮也。願以中立之言。宣布於前。萬無半途。中變之理。遠爾宣戰。必有議其後者。惟仍守中立之言。而施行嚴正中立之實。苟有絲毫與中立相背者。則力爭之。萬一俄人不從。致出於戰。則我亦可以告無罪於各國。而以今日之戰局觀之。固可逆料俄人之斷不肯與中國戰也。近日俄人方以照會。逼勒奉天將軍。撤退中國巡捕隊。此正有怯於中。而特為此先發制人之計。中國今日。何懼於俄。而必曲從之。正可惜此。以實行其嚴正中立之舉。以免日後無窮之患。即不幸而竟出於戰。東三省以外之地。亦未必不保。而日俄之役。中國與有功焉。亦為索還土地之基礎。是則今日者。尙何不得已之有。而不能守嚴正之中立。以超出於下策之上哉。

兩廣總督岑廣西巡撫柯會奏擬裁廣西綠營官兵改令州縣自募親兵防剿摺

竊廣西游土各匪往來竄擾處處須防處處須剿勇營疲於奔命而匪徒仍乘間焚劫不能兜捕淨盡臣春煊迭次電奏摺奏擬飭各屬自募親兵并經飭柳州慶遠兩府屬州縣先行試募親兵百名辦匪略著成效惟餉無的款頗難持久臣逢時未到任時先經 奏請由州縣自募親兵抵任後飭局籌議各屬募齊歲需餉械約銀六十萬兩一時實難籌措伏思綠營習氣極深久成虛設西省各標協營兵丁迭奉 諭旨裁汰現計通省尙存馬戰兵二百五十七名步戰兵二千零二十名守兵三千一百八十一名零星分布且多疲弱而歲支餉銀十二萬餘兩米二萬餘石徒糜餉精全不得力臣等往返商酌廣西撫標擬酌留中軍參將及都司守備千總把總各一員馬步兵各四十名廣西督標酌留中軍參將及守備千總把總各一員馬兵二十名步兵三十名柳慶鎮總兵駐柳州府本係新設擬請裁撤而以現駐左江屬百色之右江鎮總兵移駐柳州以現駐南甯之左江鎮總兵移駐百色俾兩鎮之名與地名適合兩鎮鎮標均酌留遊擊千總各一員馬兵各十名步兵各十六名其餘官兵一律全裁應發俸餉擬截至光緒二十九年年底爲止騰出之款懇准撥作各州縣親兵餉需不敷之數另行設法湊給如此一轉移間化無用爲有用於軍務實有裨益至裁出弁兵如尙有精壯可用熟悉匪情者准由各州縣自行招用俾免廢棄其官階較大及無可位置

軍事

一百四十四

三月

者或留營差遣或咨部候選再當由臣等分別酌辦綠營額設馬匹本應變價歸公惟一時難變且爲數無多擬卽賞給各馬兵以示體恤謹 奏奉 硃批著照所請該衙門知道欽此

兩江總督魏飭南洋各營一律改練日操札

據總統南洋續備護軍新兵等營旗楊鎮金龍稟稱竊光緒二十九年十二月二十五日據兼辦護新各營旗營務處金陵礮臺總臺官王直牧世綬稟稱伏查南洋各營旗操法不一有習德操者有習英操者有習日操者參差不齊未能一致日本操練原係仿效德操而兼採各國之法取其長而棄其短學其便而舍其雜斟酌損益頗爲美善卽如肩槍手法日操改尙右肩步伐改尙彎腿彎腿固便於操亦易進功且可養其氣力夫兵凶戰危事貴專一使鋒鏑交戰之際習德操者以德操應習英操者以英操應習日操者以日操應號令不一參互錯亂害事何可勝言故兵貴精不貴多而不練與無兵同練貴專不貴雜雜而不一與不練等是操練之貴劃一明矣現在北洋湖北及各省之操均係東洋教習而學生游歷考求往東洋者爲最多卽南洋將弁學堂亦係東洋教習各營旗之雜用英德操者習之日久自當嫻熟將來將弁學生一出勢必處處盡改日操則從前所習德英各操之已有成效

者一旦盡歸無用不幾徒費操習之功乎當此訓練認真之時不如先將各營旗之習英德操者趁早改習日操以歸一律免其一改再改一旦有事雖倉猝徵調彼此合營同心同操庶軍容既整而勝券可操即無事時各營合操並無二致亦可大壯觀瞻一轉移間練成勁旅實於操防大有裨益卑職奉大帥示諭幫同督操各營旗稍有所見不敢隱默又不敢妄自擬議懇請酌奪轉稟示遵辦理等情前來據此當此內訌外侮交迫之秋時艱孔棘操練兵丁固爲目前急務而操練之法貴在各軍一律庶免紛歧伏查江蘇各營旗操練從前有習英操者有習德操者爲日已久近又聘請日本教習改練日操若不重申定章軍容恐致兩歧考西洋各國操練或用本國操法或取鄰邦新法通國總歸一律該員久歷外洋留心兵法閱歷較深稟請擬將從前英德兩操一併改習日操以歸劃一實爲因時制宜起見懇請憲臺可否通飭各軍操法歸成一律改習日操之處出自鈞裁總兵愚昧之見亦不敢妄有所議理合據情稟請示遵等情到本部堂據此除批示外合行札飭札到該營即便遵照一律改練日操切實辦理

練兵設廠

練兵處擬在山東河南兩江兩廣兩湖等處練兵四大鎮並設立製造軍械廠以備應用政

府頗以爲然現議實行

添築礮臺

長江水師提督程軍門咨商兩江總督擬在江陰添設炮臺另在鎮江東碼頭之和山兩山各添炮臺一座並挑挖地營增置防軍以資守禦江督已委員查看情形隨同辦理

廣西軍事紀要

匪首黃五肥黃和順並廖賴何黃等共九名偕其黨羽四五千聚於思恩府屬白土司地方署府傅守分統綏遠軍四營前往圍攻爲黨所敗稟報左江道請兵助戰立派衡軍三營貴字軍五營並常備軍共十五營進發 思恩府屬隆安附近女黨首覃伍氏因其夫爲官軍所殺誓死報仇招聚亂黨數百人大張旗幟上書統領伍后代夫報仇等字婦有二女長年約二十餘歲次年約十八九歲尤強悍每出必先導旗上書先鋒大營皆衣男服至各村鄉則逼迫鄉人入會拜台如不允即焚屋殺人人多畏之 南甯著匪黃五肥率黨千餘散布宣化武緣兩縣交界之甘村等處希圖起事左江道余觀察立飭各營分頭進剿正月二十六日行抵該村附近即由陳統領榮廷親率榮字春字及保安等營弁勇圍攻該村迨既攻入不見一匪知其匿伏他處恐中詭計立即退出詎未出村伏匪四面齊至陳統領左衝右

突不能出險幸督帶左江道親兵覃秋管帶衡軍左營黃錦仁率師續到內外夾擊匪始逃散而黃錦仁已中槍陣亡覃秋亦受傷甚重其餘勇丁被傷者三十餘名 上林賓州武緣等處近因土游各黨相聚日衆地方文武兵力單薄不能剿辦各遣專差到甯告急左江道余觀察以目下各營均已遣派無可再調以至各處亂黨日熾武緣所屬米花平附近有七處村莊俱被大股會黨攻入村民被殺無算 署理柳慶鎮總兵楊軍門發貴所統營勇癸卯十二月二十八九等日在洪水河與匪交鋒大敗之後該營左哨吳慶祥遂於正月初旬率勇百餘人挾帶槍礮彈子潛逃楊軍門已電飭宣化縣將吳家屬概行收押 統領督轅親軍各營祖繩武督帶所部在柳慶一帶剿匪至前在河池招撫著匪黃留芝一股編爲紹字先鋒營特派黃佩蘭管帶仍令隨營剿匪 柳州府雒容縣屬三江邨癸卯年十二月中旬旬被匪黨四百餘人圍攻先是假冒官兵五十餘人各持洋槍聲言經此辦匪片時卽去繼有大股將至邨民知係賊匪集練與之開戰被匪槍斃數人練丁力擊復斃賊數名匪黨又來百餘人該邨卒被攻入擄殺多人聞匪首係張七妹王三六等各有黨三百餘人該邨現已飛稟縣官撥勇剿捕 柳州府女黨黃九姑招集黨羽數百人到處拜台入會府屬洛容羅城永甯永福等縣近均爲所蹂躪迭經紳商稟官拿辦無從弋獲有梁四姐者另一女黨

軍 事

一 百 四 十 八

三 月

之頭目癸卯年曾降官軍此次派其出外招撫黃九姑奈黃九姑堅不允從梁四姐恐無以覆命遂亦率黨逃去 左江鎮張總戎得貴因案提省所遺之缺岑雲帥委前署提督丁軍門槐署理並帶衡軍中左右三營前張護鎮所統貴字五營亦交丁軍門接統南甯上思太平恩賓州等五屬各營亦歸丁軍門節制軍門由龍州來甯初九日路經甯州該處百餘村莊具稟請援有一挪些村被匪首陳姓率黨四五百人佔駐丁軍門立督衡軍前往救護槍斃匪黨數十名擒獲匪首陳某及其黨羽十九名均就地正法並起出被擄婦女十口

左江有游土匪勾結約四五百人圖攻州屬那摹村該村曾奉沈牧飭令嚴辦團防各團丁甚爲踴躍各匪甫至邨邊團練已准備迎敵匪不及覺被擊斃數名匪黨受創益怒猛攻入村團練二百人勢難抵禦匪黨人多械利被槍斃村中男婦多名又入村縱火燒燬房屋五十餘間并擄去幼孩多口匪黨係由羅陽土司竄來匪目龍義梁老大覃七等此次擄掠那摹村後仍竄回羅陽境更懶村附近一帶屯聚沈牧聞報即移請防軍殺新營委派中左右三哨弁帶勇協同兵練往剿匪巢然匪巢在山谷之中甚難進攻且勇練過少恐由小路包出致受其害暫紮更懶村左近又飛請陸分統派撥榮字營助剿匪黨聞大兵將至則又竄往伏蓼村而去 太平府崇善縣屬土地墟前有大股游匪黃有才由太平土縣各處竄至

約五六百人勢極洶湧沿村攻劫練丁槍械甚少致被擄掠而逸又與江州連界羅白土縣各村有陳澤廖文隆陳老其數股匪肆出搶擄附近江州各村多被攻劫該處團練齊出追剿斃匪數名各黨始散 龍州管帶衛軍右營唐啓新日前在上思州剿匪擒獲匪目梁四等奪獲槍械多件起出被擄婦女數名又衛軍中營張少松在花利剿辦股匪龍二等斃匪三名生擒二名 又歸順州屬隴宏村被匪攻入放火焚屋大甲邨團總陸某被游匪擊斃并縱火燒村隴萬邨亦被匪焚殺 鄭惠霖鎮軍癸卯年奉派赴欽州勦辦土匪親督弁勇事頗認真該處地方賴爲安靖現聞欽屬匪黨已被鎮軍率勇追越西省之上思州故鎮軍遂交卸防務回省 新甯州亂黨日盛州屬木民村有六七百人猝至奪去財物耕牛無算有生員三人亦被擄去州北十二里許之孤瑤村亦被攻入掠殺焚燒無所不至該州牧祇有保衛兵百名不敷守城之用因諭令各戶每夜城中不論男婦須派二人上城看守並遣人到甯請兵然甯地又苦兵勇無多不能分派 岑制軍致各統帶及道府電據報匪首麥志二石補天沈少英王五肥王和順周持先王持燕等股全竄思他處情形較鬆正可乘此設法聚殲應請劉提臺劉臬司由柳州進勦令祖守由慶遠進勦黃鎮由百色進勦和令由南甯進勦自遷賓至貴縣一路則由東省撥棠字三營委該軍統領陳令兆棠乘輪到

軍事

一百五十

三月

貴登陸進剿從何處爲進兵之路何處須設伏堵截何處可分兵抄包卽由各統領管帶詳細查探相機佈置彼此均須隨時約會方可漸逼漸緊一律蕩平各屬伏莽雖未大清然柳州已有土兵當無他虞此外各屬頃准撫院電已飭各募親兵於正月起餉當足以資防剿應再由祖守余道謝道等查看情形酌留營哨駐紮防堵 又電昨派各營分路進剿思恩如何布置全由統領管帶探明地勢匪情相機妥辦各匪熟悉路徑大兵進逼必圖竄越非先斷其竄越之路卽無以爲一網打盡之計務查明各屬隘口設法堵截如佈置不密仍被竄越卽查明該匪從某路竄去卽將某路統領管帶嚴懲所有追剿思恩各軍均歸劉軍門劉臬司節制調遣以一事權而期得力如有統領管帶不遵調度劉軍門劉臬司卽據實撤參 祖太守致劉臬司電忻城安勇盧管帶觀橋報稱初三夜遵諭拔隊初四卯刻抵加槎直入稿崗遇匪首鄧家隆及黨百餘人盤踞攻擊兩時之久斃匪多名生擒益日升李東雲卽李瞞二名餘匪散逃收隊回槎因該處水糧將盡初六夜仍回忻城所獲之匪踴躍不便起解明後日卽就地懲辦當飭該管帶仍往加槎扼紮以防匪竄並跟蹤追剿餘匪

藏英戰事彙誌

二月十六日倫敦露透電藏民復請英軍撤退英軍中佐楊黑司班力拒不允遂與英軍接

戰兩次藏民大挫積尸遍野其多數之藏民即逃入山內古魯地方尙有抗拒者五六十名終爲英國步軍及格爾克司英軍所據 都納消息稱有西藏大將三人從以護軍一隊皆執來福槍槍有俄國標識英甚忌之 十七日倫敦電英軍志在直抵藏京且英國擬派使駐藏審察情勢必不可少若藏民不允在甘志地方與英協議英軍尙擬前進必達其目的而後止 又電英中佐楊赫司班傳示消息謂近與藏人一戰所得之鎗均係俄人製造前曾謂俄人在西藏設法一事今已知其確情想俄人之權力曾令達賴喇嘛反對英中佐楊赫司班也 俄國維蘭姆也報載稱英國遣軍西藏爲最要之舉動若能得有統轄西藏及達賴喇嘛之權必並得管轄蒙古全地及俄屬邊界之權英國此舉實係與俄爲難也 二十日倫敦電中國政府因俄人外交之巧致欲使英中佐楊赫司班退出西藏華官所致照會有謂應復還該屬土治理之權故英人侵藏之事中國不得不行責問然至今尙未答復 又電英國西藏專使現答覆駐藏大臣云彼將於一禮拜內前往甘志望與西藏各長官屆時同在該處會晤以便議妥其事免致再有戰事 二十八日倫敦路透電派往西藏之兵已抵甘志並無一人死亡 三十日倫敦電藏民復于紅廟山峽攻擊英軍藏民陣亡三百名英軍傷十人 又電中國駐藏大臣曾致書英軍統領陸軍中佐楊赫司班聲言本擬

軍事

一百五十一

甲辰

軍事

一百五十二

三月

造謁因爲達賴喇嘛所阻故未遂願現擬往甘志地方與之會晤 三月初一日德京電英國派赴西藏之軍已於甘志地方與藏民協商至於英軍之再往藏京與否全視其結局而定 西藏大臣電咨政府云藏人前此均以服從俄人爲主義近日屢聞俄敗故已改其初轍刻下英派專使行將到藏必可妥爲安置云云

日俄戰事紀要

韓境戰事彙誌

二月初八日倫敦露透電日本大軍已至韓國北境徵調之速實過於俄且在安州建築礮臺俄將米司青科率騎兵六千人急往安州之外以便與日軍開戰 初十日俄國公電稱密會科將軍報稱哥薩克兵一隊曾於西三月二十三號往浦鎮院一帶查驗已殲擊日本看守道路之馬隊一小隊後又攻其巡守兵日人死者弁一兵一旋知浦鎮院已爲日兵所占尚有日本小隊一隊駐於河右日本馬隊不能抵抗我國哥薩克兵一經前進其馬隊卽行退後與步隊聯合求其保護 十一日倫敦露透電鴨綠江及平壤俄軍已退至鴨綠江南岸之濠溝因牙山白川安州楊根等處皆有日軍然俄軍退去時已將河橋五處拆毀是以日軍至義州之道今已不通 十三日威海電得漢城消息知初七日有日本步軍一分

隊與俄國哥薩克兵一隊戰於安州定州之間日軍大勝哥薩克兵緩緩而退日軍陣亡者五十人俄軍死傷甚衆 十四日平壤電從甯邊前進之日軍將雲山之俄兵逐退即占領之俄兵今退至朔州昌城其勢甚弱 又倫敦電有俄軍二萬五千名分兩隊向韓境東北進發其第一隊專阻日本礮隊之由圖們江一帶進發者業已行抵大靛其第二隊沿東海岸而進已抵博川日軍之先鋒現駐東浦灣之宗城 又東京電俄陸軍元帥苦魯巴金報稱西歷三月二十八號定州之役俄國將校五人受重傷哥薩克兵三人戰死十二人負傷 二十二日倫敦電二十日苦魯巴金電稱鴨綠江一帶近頗安靜俄國義勇兵出外偵探於義州附近之處小戰日軍陣亡者六人而俄軍無一損傷 又煙臺電日本先鋒隊之騎步軍盡集於安州嘉川一帶佔據小山無數運去大礮數尊因道路難行仍即撤回此外日軍亦不過向前巡探並無大軍前進 日本陸軍前隊嘗於二月十七日在鐵山地方與俄兵衝突俄軍已捨宣州而去 二十七日俄國官電二十三兩夜我國西伯利亞巡兵三十七名及兵官兩員於鴨綠江邊與日軍小戰得勝此隊本奉派至韓以擊阻敵軍在義州左近運兵之事者及渡鴨綠江遂於沙瑪連嶺島登岸見有敵國小船三艘駛近我兵即行埋伏敵軍登岸者約三四十人我兵發槍擊之日軍祇發數槍即敗而入水三小船皆爲我

軍事

一百五十四

三月

軍擊毀我軍未傷一人 二十七日晨有俄步兵三四十人意欲渡江而往義州西屬某處日本步隊見之急即前攻俄兵大敗而逃俄官死者一俄兵死者二十一日軍無甚損傷 二十八日日本細谷司令官報稱西四月十號日本軍艦海門於鴨綠江斗流浦地方見有俄兵七名乘漁船來日本陸兵在右岸礮擊俄兵即捨舟向左岸而遁死者一傷者二日本無死傷者 二十九日東京電俄兵五千人欲擊威鏡道之鏡城其先鋒隊騎兵四十名昨夜已至 三月初二日俄傅爾格少將報稱據偵探所報平壤至元山之中途近無日本兵隊其占領平壤者有日兵六千人中有騎兵礮兵是日軍固由釜山進鎮南浦再由鎮南浦而進平壤也又有韓兵一二十人由平壤轉屯漢城我偵探達於距平壤二俄里之地知日軍嚴備平壤每日有新到軍隊據海參崴韓人報告則日本兵由城津上陸以二月十九日由帽兒山進發 漢城消息俄軍之在平安北道者自定州戰敗益加退却日軍前進毫無障害前駐義州之俄兵均已退往安東日兵占領義州亦無抵抗鴨綠江右岸亦無俄兵又威鏡北道俄兵之時時出掠者亦悉數渡圖們江而退 初八日煙臺電俄國軍隊調集於大東溝日本軍隊已抵龍巖浦兩軍祇隔一江相距三英里 初十日駐韓日本副領事電稱是日俄戰艦三艘魚雷艇兩艘突入韓國元山港開礮轟擊岸上並擊沈日本小汽船

五洋丸 又東京公電稱是日午後十一鐘日本第三十七聯隊之第九中隊由伊皇及威鏡道巡閱畢附搭運兵船金州丸返元山港適遇俄國之露西亞艦於新浦灘俄艦尼其行勒令將校水口少佐八木船長及武弁二人登俄艦並逼兵士投降日兵不屈俄人遂發水雷一直攻船艙日兵迎戰俄人又放水雷一直中機器房船遂裂沈被獲者將校十七水兵八十五軍營夫役六十五兵士二十餘均戰沒

旅順戰事彙誌

第五戰

正月二十四日日軍第四次攻旅順無功而俄司令長官馬克羅甫亦日加整頓俄海軍氣復振於是日本東鄉司令官恐其時久備固乃有二月初六日第五次之戰

前一夕先遣魚雷艇數艘偵察旅順海面爲俄礮臺探海燈瞭見發礮遙擊魚雷艇即退去翌晨日本水師分三隊進發以一隊攻鳩灣餘艦痛擊旅順礮臺馬克羅甫偵知日軍勢盛不敢出戰僅率艦隊至口外藉礮臺自護日艦發礮遙擊俄礮臺及艦隊亦還礮相攻其前被擊壞之利禿斐散拍拉大二艦皆與戰自午前八鐘戰至十一鐘始止俄人所發之礮僅一彈中日艦然無所傷日本礮力直達旅順街市多所破壞旋日本艦隊緩緩退去在俄艦

軍事

一百五十六

三月

隊前經過向東而駛戰後查悉日兵傷七俄兵死五傷九日軍所發礮彈二百零八枚皆十二寸徑

是役也日艦之與於戰事者有戰鬪艦六艘巡洋艦十二艘水雷驅逐艇八艘俄艦之駛出口外者有戰鬪艦五艘曰珀利司斐鐵曰彼得阿怕羅司克曰坡界伊大曰普魯他哇曰璽伐司安坡巡洋艦四艘曰阿司可兒曰卑耶曰基阿那曰諾維茲克當日本艦隊駛至旅順時其遣攻鳩灣一隊中之富士八島兩艦由鳩灣斜擊旅順俄軍頗受損害日艦無傷而還俄艦自旅順兩次戰敗久已蟄伏港內不敢出及馬克羅甫至復能出港梭巡演習陣式礮準且冀與海參崴艦隊聯合然格於日本艦隊終不果

第六戰

日本艦隊之五次攻擊旅順也東鄉司令官欲誘俄艦出海痛擊之乃俄人狡詐雖出港而以礮臺爲護符故日軍不得如志越五日又爲第六次之攻擊兼有堵塞口門之舉二月十一日三鐘時天未明日軍遣堵口船四艘以水雷艇及滅魚雷艇護之行至旅順口俄人以探海燈瞭見發礮猛擊四船魚貫而進最前者爲千代丸直至黃金山西側自爆而沈其次爲福井丸至千代丸左欲待自炸忽被水雷擊沈繼之者爲英彥丸在福井丸左自

行炸沈殿於後者爲米山丸進至港口與俄之滅魚雷艇相撞橫經千代丸福井丸間亦被水雷擊沈惟英彥丸與米山丸間有路可通未全塞故堵口之計仍無成效而竟夕奔走護衛之逐魚雷艇及水雷艇六艘一無傷者其青鷹及燕二艘於旅順口外三里許夾攻一俄國逐魚雷艇俄艦受重傷遁斃艦長一兵六傷十二

英彥丸自行炸沈時副艦長杉野孫七死之船中諸人皆登杉板去獨艦長廣瀨武夫欲覓杉野同行往返三次卒不見而船已將沈不得已乃棹杉板行將出險忽一飛彈至全船粉碎亦死之是役也日軍除杉野廣瀨二人外陣亡者尙有水兵二傷九

先是一日俄艦隊在直隸海股擊沈日本船繁榮丸一艘繁榮丸者雖爲朝日新聞社訪事之通信船實偵察軍情者也二月初十日由煙臺至旅順距老鐵山約二十里見魚雷艇一隊船主以爲俄艦在港內此必日艦不之避及駛近知有誤欲遁去行至廟島左近爲俄艦擊傷旋有俄魚雷艇一艘駛近以水兵數人登舟擄日人十華人一去船長及水兵二人匿艙下未幾船沈幸遇中國漁船救之得免考是役堵口所用諸船皆日本之老朽商船爲日政府所購用云

第七戰

軍事

一百五十七

甲辰

軍事

一百五十八

三月

日軍以數次堵塞旅順無效乃決議再攻

二月二十六日日艦隊啓程向旅順進發十二日夜半抵旅順口外先遣第四五滅魚雷艇第十四水雷艇隊及蛟龍丸冒敵人探海燈及礮彈而前且至口門布設機械水雷事畢蛟龍丸先退其滅魚雷艇及水雷艇在口外巡察及天明第五滅魚雷艇見俄國驅逐艦一艘將駛入口開礮攻之即沈俄將士盡溺死旋又有俄驅逐艦一艘自老鐵山而來又攻之遂遁入港內

馬克羅甫知其驅逐艦在口外受攻即令艦隊中之名伐治者出援日本滅魚雷艇與之接戰適第三艦隊駛至圍攻伐治者甚俄艦隊出援者共六艘一諾維茲克一阿司可兒一代安阿一彼得阿怕羅司克一坡界伊大一拍拉大魚貫出口直攻日艦日艦佯敗誘之徐徐向旅順東南退去俄艦不知其計急追之及四十餘里日本第三艦隊急以無線電報報知第一艦隊飛駛而至勢將夾擊俄艦而第三艦隊亦猛攻之馬克羅甫知中計急下令回舵以其坐艦彼得阿怕羅司克先率諸艦陸續西駛欲避入旅順港行至口門坐艦突觸日人前夕所設機械水雷立時炸發轟及火藥房全艦破碎馬克羅甫陣亡同時坡界伊大艦亦觸水雷幸非要害傷不甚重得駛入港內其餘諸艦擾亂失措亟向水中發礮以防觸

水雷之禍幸日艦不甚相迫乃漸次入港

當日本第一艦隊之迎擊俄艦也俄艦初見即逃相距甚遠不及與戰其第三艦隊恐俄積水雷亦不窮追故俄艦得乘間而遁

是役也日軍滅魚雷艇隊中水兵二名第三艦隊中太尉一名皆受傷而俄軍則擊沈之驅逐艦將士無一生者而彼得阿怕羅司克艦中人陣亡尤多除馬克羅甫外計參謀長米拉司副提督一兵官二十三教士一畫工一副管駕一兵弁等六百餘人又陸軍大佐一其得救者又皆受傷重者爲艦長薩練尼及兵官一惟幾利爾親王及水兵等受傷略輕 彼得阿怕羅司克既沈後日本魚雷艇隊水兵皆高立船面鼓掌相慶旋日本艦隊亦停戰退歸及夜又往攻旅順第二第四第五滅魚雷艇隊先至第九艇隊則於是日三鐘至第三艦隊則於次日上午七鐘至向旅順口外偵察一周不見敵艦踪跡遂未礮擊其滅魚雷艇隊在口外覓得俄軍所設水雷三具設法起去旋遣新購之日進春日兩艦向老鐵山攻擊毀其新築礮臺午後三鐘全隊退回

日艦之與戰者爲鐵甲戰艦三笠初瀨朝日欽岳富士淺間六艘裝甲巡洋艦春日日進兩艘護甲巡洋艦高砂笠置千歲吉野四艘並滅魚雷艇十二艘魚雷艇四艘

軍事

二百六十

三月

俄艦彼得阿伯羅司克爲一等戰艦載重一萬零九百六十噸速率十七海里馬力一萬一千二百五十五匹水線帶甲十五英寸七五裝甲甲板四英寸載煤九百墩有十二徑寸礮四尊五徑寸礮十二尊小礮三十四尊價值英金百萬鎊當旅順敗耗傳至俄都時朝野震動俄后聞幾利爾親王受傷痛甚而暈云

是役也日軍艦隊誘敵力戰故能奏此奇功然皆蛟龍丸布設機械水雷之效機械水雷爲海軍中佐小田喜代藏所發明當佈設時小田氏親登蛟龍丸冒險指揮故安置得法俄人不知乃罹此禍

馬克羅甫既歿俄皇特簡黑海艦隊司令長官司廓理羅甫爲太平洋艦隊司令長官其未到旅順以前以阿力喀塞克夫攝行其事

俄國防務彙誌

海防類誌 鴨綠江已將冰泮在南岸之俄兵懼日兵追擊致倉猝不能渡江近已豫在各要所浮設木材以備之 二月十八日東京電俄國東洋艦隊之無恙者僅有海參崴港之巡洋艦數艘俄若欲以之與旅順艦隊相合則終難辦到是以俄人自將該港口嚴重封鎖爲保全之策俄人之意在欲以陸軍得終局之勝利近聞港口已以木材與水雷嚴重封鎖

二十一日倫敦電俄國義勇快艦司毛連斯克及俄里爾皆擬運載子彈等物駛赴遠東近已回至司巴司土普爾奉命前往黑海游弋以阻商船運載戰時禁物往日本云 二十三日營口信遼河冰泮在即俄人自知布置未密深恐日艦來攻故添隊加操築礮臺設水雷晝夜經營不遺餘力迨開河後未見日艦動靜而俄兵前後已到一萬又有礮兵三中隊西礮臺修理完竣昨又沈沒木質船十艘內載沙石塞窄河口然仍日夜防守未嘗稍懈 二十五日營口信俄人近在小平島安設水雷 俄人於青泥窪港口埋有水雷三百五十具

陸防類誌 俄人自與日本開衅以來徵兵調餉不遺餘力無如所來新兵大半未經操練惟哥薩克馬隊驍勁異常馬之嫻馴尤爲諸國之冠今大隊之在遼陽一帶者殆有七八千人而奉天省城則僅有礮兵五百步卒百餘東邊則有四五千其餘各處或千餘或數百不等營口一埠爲滿洲咽喉近已增添新兵約千五百人馬隊約三百人合計共二萬五千人又將礮臺重葺以兵艦巨礮移置臺上以作扼口之計 二月十五日天津電俄國遠東總督阿力喀塞克夫於二月十一日在營口施行戰時法令第一條本令自發布之日起即須實地施行凡居住營口者不問爲何等人均須遵守此令第二條凡抵營口之旅客及所攜

行李均須查驗又凡欲來營口之船不論汽船帆船概須於未抵埠之前碇泊河口礮臺外五英里聽候查驗夜間則當以小汽船導之泊於稅關附近第三條軍器彈藥不准裝載進口第四條戰時禁品不准運往日本或韓國各港第五條戰時禁品輸運至中立地者須具不得再從中立地運至日本之證書就於此項證書須交付保證金其數與該物同價第六條燈明船及目標暫不在港口設定第七條辦理戰時禁品之事當照一千九百四年一月十四日經俄皇裁可之法令第八條在營口市街及礮臺之文武官員須遵守地方廳所發之第二十三號法令 二十日天津電俄軍在遼河沿岸一帶埋設地雷二十具 二十一日東京電向駐義州俄軍現已渡越鴨綠江而九連城安東縣兩處之間近無大隊其在鴨綠江圖們江一帶以及其他各處所建礮臺均未工竣 俄人在營口港東岸鐵路第一站對面添築之礮臺將次告成現駐該處城內外之兵計有一萬奉天之南計有四萬惟防守該處江口之兵力殊形單薄 大東溝西岸險要之處俄人挖掘深溝以防日軍登岸現日軍之在韓日有進步俄人派兵前往防堵車輪馬足不能飛越一步故又雇華工平墊然無人應募俄人不得已自行運土 二十三日倫敦露透電俄陸軍大將苦魯巴金決意將鳳凰城作爲第一防護之地並有俄兵一大隊駐於海城倘日兵在遼東海灣之首登岸則可

阻止日兵前進 前日本礮擊海參崴時在烏蘇里灣中沙浦里灣前已占地步今該處已築有堅固礮臺如他日日軍再襲俄人當扼此險以擊敵艦故其陸軍當局於築臺工事頗爲精細預備土囊二萬箇婦人亦率市民助役 俄京消息俄陸軍大將苦魯巴金到奉天後即定遼陽爲用軍之地遂將滿洲軍部移駐遼陽復專修大道一條與鐵路相接且該處電線可與鴨綠江相通由北京大道可至鴨綠江其地利較勝奉天另有未詳地圖之道一條向東可通長白山現在遼陽有要道兩條一日用兵可由此兩道運送軍隊且與遼東半島營口遼河口相近若日軍恃其軍艦之便任由何處進兵則俄軍在遼陽者亦可任便取道出而迎敵苦魯巴金偕其隨從諸員居於火車如欲他往即可開車如日軍由北韓之海岸登陸苦魯巴金亦可將其本部火車之便向北而進如在鴨綠開戰即將本部火車移駐鳳凰城各營及本部皆防備甚嚴因日軍每喜乘夜攻擊故夜間益加防備四面皆設偵探軍云 二十五日營口信大東溝以西沿海各要害如大孤山花園口貔子窩大連灣等處俄兵均異常戒備蓋以甲午中日之役日軍乘隙登岸所以加意嚴防又金州爲旅順後路尤爲著意現在該處各礮臺及鞍山店均已安設地雷先鋒隊則在鴨綠江義勇隊步兵則在三山島及青泥窪附近 俄軍大隊現集於新民屯當運大礮一尊前往營口安置壘內

軍 事

一 百 六 十 四

三 月

俄人在大東溝架設筏橋兩座一連滿洲一連龍巖近已竣工沙河左近有俄兵萬人大東溝有五六十人大孤山有六七百人由沙河以迄九連城一帶堆積材木甚多所建堡壘近已告成惟九連城以北之堡壘尙在建築云 青泥窪有俄軍五千二百五十人義勇隊二百人戒備甚嚴沿海岸及衙署周圍皆埋地雷 神戶函俄於旅順附近黃金山雞冠山之間皆設欄柵以阻日軍前進 二十八日錦州函俄國兵力厚集之處有三一大石橋一遼陽一鳳凰城互相犄角蓋所謂中堅也 俄人前在距金州西二十里之南關嶺建築礮臺工事將竣內置大礮二十尊扇子山礮臺亦已削高墊窪並於附近一帶埋設地雷甚多 煙臺函俄軍近於遼陽城外築有大壕深闊均丈餘且在該處藏積黍穀甚多 三十日倫敦路透電俄政府業已宣告凡報館訪事人用無線電報者作偵探論以鎗擊之 奉天函省垣內城八門每門俄兵一人把守外圍八關門仍歸華兵把守現俄兵突將華兵逐去均歸俄兵把守出入大小車輛客商貨物均嚴密搜查又在城東八里舖挖濠築壘修理礮臺西關火車站附近亦添築礮臺 聞琿春俄兵在白頭山建築礮臺以阻日軍登岸 東京電駐屯遼東俄國司令官之最著者一爲營口之薩哈羅敷中將一爲鳳凰城之斯德塞爾中將一爲遼陽之利納維基中將一爲旅順要塞司令官之斯米爾拿夫中將趙魁桓皆極一

時之選云

轉運類誌 俄軍因遼東地方道途險惡轉運不便強役土人開築道路目下又開鑿昌家堡通遼堡間之道路又架設金家河及其他數處新橋以謀交通之便利 俄政府現出命令以西伯利亞火車運送潛行水雷艇五艘前往遠東又命於旅順設一大船渠限三月內竣工 近據俄將來維亞斯切夫云貝加爾湖以橋渡兵水程不過二十五英里路中各有船所盛備炭火優給糧食一橋載兵五人

糧餉類誌 俄兵因中國嚴守中立糧秣不能仰給近已由西伯利亞鐵路轉運故不及兼運兵員僅偶爾輸送一二十人而已 俄人在東三省設一巡撫以籌取土民糧食牲口驟馬爲專務而彈壓地方則非其所司 二月十六日倫敦電俄陸軍監督部近不向滿洲輸送食品俄軍所用全賴該處之牛隻穀類以爲供給 俄軍現於遼陽左近搜購麥磨麪以爲食品然遼陽麥及肉類均甚缺乏頗不易購故多以高粱炊食或磨黍製餅其乏食已可想見 二十六日錦州函俄軍旅順糧臺及遼陽總糧臺現已退至瀋陽西門外東清車站附近如鴨綠江陸戰失利即將糧臺退駐鐵嶺因瀋陽四週平坦并無山險扼守故也 二十七日煙臺函俄政府電飭各屬多備火車運載糧食赴西伯利亞鐵路一帶

軍事

一百六十五

甲辰

日本防務彙誌

聞日本遞信大臣以戰事既開關防務須嚴密因依萬國電信條約第八款明示限制以免漏洩軍情一由日本及韓國釜山仁川漢京發往外邦私電須用尋常日本語及英語法語禁用暗號惟東京橫濱神戶諸郵局所發暗號在所不禁然亦須用日本語或英語法語譯出留存二日本在韓官署及韓國在日本官署往來之電須用尋常日本語及英語法語禁用暗號三韓國官電局傳電至本邦各處及經由本邦以達外國之私電須用尋常日本語及英語法語此外不得經由本邦電線傳遞四凡經由本邦並高麗釜山漢京仁川官設電線之電文如有差誤遲延以及危險之時不克傳達等事胥由發電人擔承 長崎巡警官傳集該地各報館記者禁止刊佈下列之新聞事情一軍機事宜二軍兵將來之舉動三艦隊之調度四戰船與雷船運船所致之損傷五出戰陸軍之佈置六大礮擊射之遠近及子藥之多少七軍兵團聚處所之地位或名目及用何地以爲行軍根本八戰船雷船運船停泊之處所九戰船雷船運船之煤炭食水及軍需情形再如有刊刻新聞令閱者知悉軍兵舉動之意思雖不錄出緊要名字亦必將其報控告凡所傳報之件須先經查閱然後印行糧餉類誌 二月二十三日漢城電有日本運送船數艘裝載糧食抵鴨綠江在該處左岸

上陸 日本擬派漁人赴戰地相近諸海岸捕魚以供海陸兩軍之用

戰事雜記

英京各行商製造廠及發明家皆於日俄未開釁之前爭向駐英日使勸購各種戰具其所
 敦勸購者即馬鞍快槍大礮空氣船藥料代糧丸海底船等物其中以代糧丸爲最奇此
 物滋養力甚大每兵一名服一丸可充三四日之久後以價昂未購其空氣船亦甚奇可以
 運載開花彈飛至半空投入俄營尤奇者爲海底船中能發攝力最大之磁電氣若以一
 人駕駛由海底駛至俄港發出磁電力即可將港內所有俄艦攝出港外使俄官於不可思
 議之際已將其艦隊攝入日本港內矣所與者有此奇船而日本不之購也 俄京電俄皇
 從弟克利魯及俄皇叔父柏尼斯不日即將出陣與日本交戰 香港電俄京消息俄國海
 軍司令長官太公爵阿立克西司現將其自用快船名司微特利那者獻與國家改造巡洋
 艦所有船中木質已改鐵質一俟造成撥入艦隊以便西六月間與艦隊會齊駛赴遠東
 二月二十日倫敦電傳言阿力喀塞克夫與苦魯巴金意見不同阿督主持速戰而苦將軍
 則主持慎重 二十一日倫敦電塞爾非亞請以軍隊五百名助戰於俄俄皇未允 俄國
 自與日本開戰有一里額市之婦人名伯塞夫者請入哥薩克聯隊從軍遠東此婦年逾不

軍事

一百六十七

甲辰

軍事

一百六十八

三月

惑通騎馬擊劍諸藝嘗進維阿純司克聯隊比較騎兵演習得占優勝者也 又俄國政府以日本所用炸藥係荷蘭弭兵會文明戰具條例之所禁顯係違背公法故有日本著名海軍士官出爲辨白曰俄人今以我戰時所用炸藥係能發毒氣之一種此實誤認今我所用與他國海陸兩軍之所用相同但日彈炸裂之時俄國士卒或爲所發之氣悶死如謂所發之氣有毒則不然且俄國所用之彈亦與日彈無異乎

中國中立彙誌

外務部以赫總稅司擬議局外禁貨三項辦法分行照辦行文北洋大臣略云據赫總稅司申稱中國中立一事除照中立條規辦理外應將三項要事聲明一係中國與局外各國通商進出各貨只以條約載明之禁貨爲禁貨此外不爲違例一係華洋各船前往戰國者於赴關請領下貨准單時由關查明如係俄國單開禁貨卽不發給至行海時倘被戰國拘拏無論是否在用兵處所概與中國無涉一係米穀等糧前往通商口岸照約嚴行辦理暫不准往東三省各口白麵亦一體辦理云 外務部以日俄已在韓境開戰戰時禁貨自應禁止前往業經札行總稅務司轉飭各關稅司遵照 又以中立條規業經日俄政府認准如有違背不妨據理力爭況曲全於甲必開罪於乙圖無事於目前必爲難於日後因電告奉

天增將軍令其確守定約 俄將廓米薩爾行文增將軍責令迅飭華兵由鐵路兩旁及距開仗處所離去六十俄里等云經增將軍竭力磋商始允每縣留警察局隊二百人以爲巡緝騎匪之用 錦州電現俄員要求增將軍謂滿洲不爲中立之地應遵各條如下一地方政務應守俄國訓令二俄國有黜陟中國地方官之權三捐稅等項須繳於俄國政府四所留中國軍隊應受俄國調度增將軍拒之 奉天增將軍電咨外務部云俄人近由蒙古草地驅送戰馬千餘匹行經濟齊哈爾中途突被馬賊劫去數百匹俄弁卽向副都統署索賠已允趕爲緝賊而俄弁尙未滿意云 庫倫辦事大臣電咨外務部謂俄以重餉招募蒙古壯丁充兵各旗爭先應募業已設法禁阻而愚蒙趨利不免陽奉陰違恐煽動人心有礙大局非將原集兵力加以威勢不能鎮懾請示遵辦云云 駐俄胡星使電奏略稱遼東戰地界綫經各國承認俄外部並無異言斷無違行違約肆意要求之理其遼東軍人貪功喜事瀆求儘可嚴詞拒絕萬勿含糊以啓覬覦 又電蒙古察哈爾都統奎統制順電達外務部謂俄官馳抵張家口附近潛向蒙古人購取牛馬數千頭實係違背欲侵犯我中國局外中立之旨請卽照會禁止等因聞外務部已派人設法稽查 北京函俄兵陸續侵入遼西中立地界故政府業又電令駐俄胡星使向俄政府沮止據查侵入遼河以西之俄兵新民屯

軍事

一百七十

三月

一百名溝帮子五十名白旗堡八十名梁家屯一百二十名廣甯五十名雙臺子六十名錦州二百名合計六百六十名又有偽稱測量隊之俄兵三百餘名侵入伊犁各地且爲久居之計該處民心因之動搖新疆巡撫電咨外務部卽向俄使詰問俄使答以我國此舉爲牽制英國在西藏之行動云 新民府知府增太守暢曉戎機統馬步兵五營爲西路屏障正月二十日忽來俄兵百餘名帶兵俄官詰責謂府街藏匿無數日本奸細及行軍所用器具必須沿戶搜檢增太守告以中國既守局外我官民必遵公法汝等既欲搜查須彼此簽字如府街藏有日本奸細可照公法辦理倘無證據必須將謠言惑衆匪人交本府懲辦俄官允諾盤查毫無實證俄官不得已將通事李成交出增太守立即梟首示衆俄官仍帶兵退回遼東 又俄人赴新民府採買牛馬增太守預知其事遂將牙僧傳至署內曉以局外之例責以國民之義謂遇俄人到時萬不可貪其重利代爲採買如與俄人採買查出定當斬首云云俄人廢然而返 北京電庫倫大臣因有俄兵護運糧食牲畜等過境將各件開單電詢外務部請示外務部查核各件均在應禁之列且有護兵顯非商貨當卽電覆庫倫大臣暫行扣留各件一面照會俄使核辦 倫敦電俄人照會中國不得雇用日本武員訓練中國陸軍 俄使雷薩欲派參將至永平熱河察看兵隊外務部咨覆俄使不給護照惟電

囑袁宮保派員伴往日使聞之亦即照會外務部如俄派人前往日本亦須照辦俄派幾人則日本亦派幾人 奉天函沙河子華兵係歸東邊道標管轄現俄官照會張金波觀察以俄日尅期開仗催令沙河子華兵趕緊撤出境外張觀察未敢擅專飛稟大憲核示遵辦聞將軍府尹已會銜出奏 北京電聞日使照會外務部謂琿春港口爲日軍進取之地請將附近居民遷移他處免罹礮火等因外務部即電告吉林將軍傳諭該港商民從速移徙內地

俄艦滿洲交涉誌要

在滬之俄艦滿洲軍械機器近已拆卸業於二月十四日由駐滬日總領事偕石艦秋津洲艦長同詣海關棧房及南瑞兵輪按照江海關道開送清單逐一驗翌日秋津洲艦開駛出口此案遂結 滿洲艦起存各物列下計哈乞開司礮鋼質彈子二百十五箱又鐵管彈子一百七十六箱又彈子連藥五十五箱彈子未裝藥六十九箱炸藥六箱由一號魚雷頭至六號四箇由七號至十號八寸徑礮用鋼炸藥彈子一百顆鋼炸藥子母彈二十六顆鐵開花彈五十八顆又羣子彈四顆六寸徑礮用鋼炸藥彈四十二顆鋼炸圈彈四十二顆又鐵開花彈四十一顆又子母彈二十五顆又羣子彈四顆九磅礮用開花彈三百四十二顆又子母彈三百

軍事

一百七十一

甲辰

軍事

一百七十二

三月

五十顆又羣子彈四顆二寸半徑礮子母彈七十二箱又開花彈七十一箱引信銅火一箱配八寸徑礮用火藥三百出配六寸徑礮用火藥一百十八出魚雷信子六銅箱洋槍連刺刀一百桿手槍連皮袋十八桿洋槍子三十二箱手槍子一箱四十七密里礮用火藥兩箱三十七密里引信一盒又十一箱九磅礮用引信三盒又三箱二寸半徑礮用引信二十盒六寸及八寸徑礮通用引信二箱九磅礮用電火四十五盒電火十九盒木彈子架三百二十件

各國中立彙誌

駐韓日使照會韓廷云近日平壤以北各地方官率以俄兵侵入逃亡他處而關於日本北面進軍不便之處甚多應請速派重臣前往該處治理地方 倫敦電俄廷力請美政府允准將遼東半島之西海岸及營口作爲中立之地以阻日軍用北直隸海股之東海岸爲侵攻滿洲之根據地美廷嚴詞拒之 美政府已飭駐俄美使向俄政府辯論責俄官不應將美國波斯盾汽船公司由檀香山運送粉行至旅順之船扣留且言如再不將該船放出美政府將向俄索償逾期之費 維也納電俄國極力將陸兵聚集遠東擬與日本試一大戰歐洲某國使臣近向俄外務大臣拉斯道夫自表願爲調停之意拉答云俄國因欲保全威

信故欲與日本試一大陸戰以決勝敗不論何人以居中調停來商者概難應允 天津電
 營口有華人房屋美人租之以爲集會之所上懸美旗俄官見而撤之 柏林電俄政府派
 兵艦常巡紅海以查船隻如有背局外之例裝載軍火以濟日本者即當截擄 據聖彼得
 消息謂英君主欲調停日俄戰局以便消弭兩國爭端云 俄軍前擊開平局運煤船及英
 國某船船主憤甚電請英使向俄使交涉聞有非賠償停滯之一切費用及修理價值不肯
 干休 ●倫敦電羅馬尼亞政府宣言此次日俄交爭我國自應嚴正中立民人不准投入何
 國軍營効力又聞希臘國擬暫准俄軍於此寄旋 自日俄開戰後駐京美使曾向俄使云
 安東縣已訂爲商埠今貴國既因東三省事起戰然不得在安東縣屯兵又聞美政府所派
 該處領事現已抵任俄人並未阻止 三月初二日營口電俄官示諭寄旋營口之輪船凡
 在礮臺左面者須離礮臺一英里凡在礮臺右面者須離礮臺五英里方准寄旋

各國軍事彙誌

韓國 韓國咸鏡道咸興地方近有東學黨三百餘名作亂旋由日軍往剿斃亂黨五傷二
 十六生擒三十六有二黨魁暫行拘禁餘俱釋放日兵傷一人該黨聲言欲廢韓皇另立賢
 主俾韓境不見日本人及各國教士之蹤蹟云

軍事

一百七十四

三月

俄國 俄屬波蘭地方瓦魯選烏乘俄之有事於東方將謀不軌一唱百和加澳領波蘭地方列麼波希市皆起而應之俄政府甚以爲憂

德國 德屬西南非洲地方希蘭羅斯人叛亂德軍進剿希人大敗 正月三十日柏林電德廷曾諭令南非洲各軍官命其力將希蘭羅斯人鎮壓現聞德國陸軍少將格蘭森伯已將埃及佛羅城中之希人逐出而占據之 二月初三日柏林電德國少將格蘭森伯率騎兵三十六人追逐退走之希蘭羅斯叛黨不料該黨之後隊護軍忽於半途另有叛軍出而接應反擊德兵德兵大挫陣亡兵官七員隊長德蘭瓊斯亦在其內又陣亡兵士十九人傷五人叛軍之陣亡者二十人格蘭森伯亦受微傷 德國現續派兵士四百人往西南非洲多係由衛軍挑選者據德總督畢金馬報稱亂黨蔓延隔河英屬地方故德副將刺苗帶兵兩旗渡河駐守 二十四日倫敦露透電德軍於非洲之西南境與希蘭羅斯叛黨力戰獲勝叛黨陣亡者九十二德兵陣亡者三十一兵官受傷者一兵十五

土耳其國 正月初一日倫敦函謂土耳其國查克爾哇地方之阿爾班尼亞人叛亂西愛姆西之土耳其總督統軍出戰意圖肅清叛黨不料爲其所敗故土政府遂即派兵一大隊開往查克爾哇以資剿辦 又云西愛姆西土督祇有兵二千五百人水糧短絕且開戰之

時已失百人而阿爾班尼亞之軍共有二萬人 初三日倫敦函謂西愛姆西土督之圍已解阿爾班尼亞人已敗傷亡者八百人官之死傷者亦衆 又倫敦電阿爾班尼亞大亂歐洲震動亂黨與土兵相戰數次阿爾班尼亞之偵探四播謠言請布加利亞各國會同反對土國 二十日倫敦電土皇不依歐洲所定之議不允批准布加利亞之約所擬之新政既不允從又不肯讓想各國不日必將會議此時土皇已飭兵隊集於阿爾班尼亞 二月十九日倫敦露透電布加利亞軍及土耳其軍戰於克辣司納地方土軍傷數人孟那司特爾地方沿鐵道一帶叛黨甚多鄉民亦附和之 三月初二日倫敦電土耳其現因奧國集兵邊界故亦派兵至密脫羅維柴及阿爾班尼亞兩處以爲抵制而馬其頓希臘亂黨甚熾有某亂黨一人曾戕土耳其權吏八人

英國 二月二十日新架坡電二月十五日英屬北般島土人在喀汪火車棧殺戮該處華人並割斷電線焚燒房屋擊斃者二十人傷者無算

軍 事



一 百 七 十 六

三 月

外交

論歐洲外交之變遷 錄甲辰第三號外交報譯日本國民新聞

一千九百三年實歐洲外交變局既定之年也。自一千八百九十年畢士麥辭職外交關係一變。自後十年間德奧義同盟俄法同盟兩兩對峙。而英國孤立其間。是實形勢分明之時。代。過此以往。尙無大異。觀一千九百一年俄皇之聘法。及其明年五月法總統之聘俄。又一千九百二年六月德奧義之續訂同盟。足以證已。然近三年來亦既變象漸著。有甲種同盟之國求好於乙種同盟之國者。亦有聯歡於向不與盟之國者。指英關係錯綜。至昨年十一月而始見一結束。今請粗陳其顛末焉。

一千八百九十七年希土之役。俄奧相約。維持巴爾幹半島舊狀。此亦甲種同盟之國見好於乙種同盟之國之例也。然事關一隅。未波及外交之大局。尙可措而弗論。然至一千九百一年。義海軍駛入法國突倫軍港。法總統盛禮迎之。是隱示義法修復舊好之意。不得謂非外交變象之發端矣。次年七月。而義王聘於俄廷。遂令義法輯睦之情更深一著。蓋俄爲法之友邦故也。

外交

三十七

甲辰

外史

三十八

三月

是時俄德之交。亦迥異於曩昔。夫俄之與法同盟。意在抵制三國同盟之勢力。以徐窺時會。援法人而復舊地。固無疑也。是故俄德之間。貌不相仇。心實相忌。然至一千九百一一年九月。俄皇訪德皇於丹輯。偕觀德海軍。次年八月。德皇亦訪俄皇於勒法爾。偕觀俄海軍。其亟亟以謀和好之念。又較然可見矣。是年十一月。值英皇誕期。德皇詣倫敦稱祝。謀所以聯英德之歡者。不圖英國輿論。屏爲獻媚。德皇乃失望而去。是亦外交變象之一也。

一千九百三年。列邦君主。樽俎往還。極從來未有之盛。試逐次選舉之。一月。德儲君聘於俄。說者謂儲君賢明溫厚。實足以隱維兩國交誼云。四月。英皇有大陸之行。首至葡萄牙。申同盟舊誼。次入義大利。宣言英義海軍之在地中海者。已訂同盟。五月。至法蘭西。法之朝野上下。盛意將之。其間適有德皇訪義王教皇之舉。義王與教皇。世仇也。德皇周旋其間。兩無所忤。人讚其能。六月。德皇至基爾。訪美海軍。七月。美艦隊至英。英海部竭誠款洽。是月上旬。法總統亦率其外部報聘於英。英法修好之徵。至是益著。如所訂遇事公斷之約。洵爲二十世紀所宜秉筆特書之一事也。八月。英皇再游大陸。言將浴於摩里恩伯溫泉。遂入維也納。謁奧皇。而英於巴爾幹亂事。不與俄奧聯會之舉。相背馳。意自顯豁。此行也。英皇不一至柏林。有使人注目而視者。九月。德俄兩皇。先後至維也納。德奧本同盟之國。德皇之聘奧。固義

所富然。至俄奧兩皇之會獵於繆斯代格。勾留數日。且兩國外務大臣。迭相密議。則是對巴爾幹亂事而益堅其同舟共濟之念耳。是時俄皇本有聘問羅馬之約。旋慮警察不嚴。或遭他變。厚辭卻之。遂令俄義之交。稍稍不洽。十月。義王入巴黎。而多年汲汲求歡之義法。益顯其友誼之篤矣。俄皇去奧都。迺駐蹕於達姆斯塔得。經日不去。以其地爲俄后故里也。十一月四日。遂與德皇相見於威士巴丁。而曩年一會於丹輯。再會於勒法爾。以修睦誼之德。俄克遂其聯合之願矣。最後又有義王之聘英。維拖羅紐曼伊爾第三以君主之尊。應倫敦府尹之招。席間操英語演說。英人譽之。尊曰自由主義之王焉。

今若以國君聘問爲足。表邦交疏密者。則雖法與德奧之間。無冠蓋酬酢之事。而法既與義合。俄既與德奧合。則俄法同盟與三國同盟對抗之力。早經鬆懈矣。英之於俄。雖未嘗交相往來。而與俄同盟之法。既與英合。與德奧同盟之義。又與英合。則英國孤立之局。亦成陳迹矣。

取近年交涉事件。而察其大勢之所趨。則其所以召茲變象者。自不難推而得之。德忌法之復仇。奧防俄之侵襲。此一千八百七十九年德奧所以訂盟於先也。義恐教皇假法師以克羅馬。此所以從德奧之勸。而亦加盟於後也。時至今日。法已淡其恢復舊疆之念。俄則欲得

外 交

四 十

三 月

奧。人。之。助。以。維。持。巴。爾。幹。近。狀。是。德。奧。已。無。恃。乎。同。盟。矣。法。以。內。政。多。訂。方。謀。奪。加。特。力。教。會。之。實。力。自。不。願。為。教。皇。出。師。以。與。義。人。戰。則。義。之。不。必。附。盟。於。德。奧。又。勢。所。必。至。矣。三。國。同。盟。之。實。力。既。弛。則。俄。法。果。何。所。取。而。必。視。同。盟。為。難。緩。之。圖。耶。自。英。人。征。服。特。蘭。斯。哇。爾。而。非。洲。時。局。大。定。英。法。爭。端。已。滅。此。又。英。法。海。軍。之。在。地。中。海。者。所。以。得。竟。其。提。挈。之。約。也。若。夫。俄。奧。邦。交。之。密。接。則。純。恃。巴。爾。幹。亂。事。與。遠。東。時。局。以。為。之。因。俄。欲。罄。全。力。於。遠。東。故。欲。求。好。於。奧。以。暫。保。近。東。之。無。事。一。旦。與。日。本。開。戰。則。其。進。而。買。歡。於。德。不。又。意。計。中。事。乎。歐。洲。外。交。大。局。之。變。遷。與。其。原。因。所。在。既。如。上。文。所。述。則。日。本。當。此。果。受。何。等。影。響。乎。與。日。同。盟。之。英。國。既。與。法。言。歸。於。好。則。俄。不。能。假。法。人。之。力。以。抵。制。日。本。是。誠。有。益。於。我。然。俄。德。既。有。相。暱。之。象。則。他。日。之。援。俄。者。或。不。為。法。而。為。德。亦。未。可。知。若。從。大。局。以。言。則。俄。法。與。德。奧。義。既。混。其。猜。妬。之。心。英。又。變。其。孤。立。之。勢。則。他。日。歐。洲。列。強。處。他。洲。之。事。自。易。於。同。心。協。力。自。今。以。往。對。歐。洲。一。國。之。交。涉。即。無。異。於。對。數。國。之。交。涉。矣。然。則。歐。洲。聯。會。此。特。歐。洲。之。幸。而。豈。東。方。之。幸。哉。

駐京日使致外務部保全韓國主權土地照會

韓國因謀保全土地堅固獨立起見與敝國訂立保護之約敝國誼不容辭從此於韓國一

切權利務當力盡其責任有別國損傷韓國主權土地者與損傷大日本國權無異誓必以全力保護以期維持東亞永久之和平除將全約抄錄呈核外特此照會

外務部咨北洋大臣查照英官從人文

光緒三十年正月二十九日准英使函稱接准來函准河南巡撫咨稱據汝陽縣稟英都司魏比司德過境所帶通事閩姓諸多不合照請轉飭該都司將閩姓通事查明照約辦理並飭嗣後如有游歷內地者嚴行約束毋任滋事等語當經譯咨天津本國提督軍門查照茲查得閩姓並非通事乃十七歲之從人只能作中國之言該都司自能華語並非初至內地每以謹慎循分教導從人此次路間未聞爲非亦無控告之人今豫撫既經來咨已將該閩姓辭去另由提督通飭在營武官務必將從人嚴行約束查本國武官與華民相安乃本大臣及本國軍門素所深願並請通咨各省轉飭所屬以後英官從人如有不合當時卽行知會其主以便就衆人在場時查明發落似屬簡便等因查英使所稱英官從人如有不合卽行知會查明發落持論尙屬平允除咨行河南巡撫外相應咨明查照並轉行各省飭屬照辦

中外交涉彙誌

外交

四十一

甲辰

中俄英 駐藏大臣近因交涉棘手而藏民動輒驚疑俄人添兵嚴巡地界英人販貨往來彼此時有藉端挾嫌之事癸卯冬達賴喇嘛曾派番僧約集該兩國領事宴飲數次爲之調停幸藏民之疑慮從此略減若使英俄再生枝節恐藏地民情易於搖惑也 西藏交涉政府已有擬將某某權利讓與英國藉可保持之意俄人知之已向中國力沮

中俄 俄人自入西藏藏番始與爲難繼則甚爲親暱故近又頗仇視英人駐藏大臣有護戎泰抵任以後即竭力調停並派兵四處彈壓乃始相安無事聞已電致外務部請與某公使妥商令其電致駐藏兵弁勿與藏番連絡因藏番等喜好無常勿貽噬臍之悔云云

中英 外務部近與英使密議西藏之事故已電咨駐藏大臣畧謂約束藏兵曉諭番衆務勿洶惶自擾候與英使妥議即行電達

中法 雲南法領事方蘇雅前經外部告之法使言其駐紮中國人地未能相宜法使謂無撤退領事之權須詢本國外部癸卯冬法國外部因將該領事撤回

中美 駐廣州美國總領事照會粵東大吏畧謂現有中美洲巴拿馬民主國照請本領事代辦巴國滇粵等省商務領事云云大吏以該國向未立約通商無派領事之例故特電咨外務部商議辦理之法旋接覆電亦以該國並未立約不能准派領事惟准照前者總理衙

門辦過未曾立約之瑞士等國托美國代辦領事之條作爲托該領事照料云云粵東大吏接電因已備文照覆 美國派駐奉天及安東之兩領事蔡西爾及戴維臣業於二月十八日抵京美使康格曾向外務部商議以便派往惟因滿洲之事未定而奉天安東兩處皆在戰地之內故兩領事暫不赴任蔡西爾現駐北京戴維臣暫時派赴上海美總領事署辦公

各國交涉彙誌

日韓 日使伊藤博文於二月二日覲見韓皇呈納國書五日復召見韓皇謂之曰日韓既已聯盟尙望日本盡力相助務使韓國日後之成就亦如貴國伊藤謙詞答之並謂韓國不宜急於維新因戰事未闌也至於廣添軍備尤非所宜此等事務皆須屏除專注重於教育使全國智識漸開而後可以維新也然此等密切關係非日韓兩國政府同心合力而行之亦不可也又日陛下英明久在意中望陛下於此邦行政成效日增敝國實有厚望焉

漢城電韓政府現已決定以前外部大臣李址鎔爲專使前往日本答謝已於二月三十日自韓起程 又電駐韓日使照會韓政府云現當貴國大皇帝維新之時不論宮中府中凡與各國訂約均宜格外慎重若先事疏忽他日偶爾違約則國家權利或被蹂躪致生意外交涉此寔本公使所殷殷念及者也故此後凡與此等外國締約之事宜豫告之本公使此

外交

四十三

甲辰

外 交

四十四

三月

爲極要之事是以特行照會豫問貴大臣意見如何云云 二月二十四日漢城電駐韓日使照會韓外務部云咸鏡南道北青地方隊之參領張達容通俄語袒庇俄國日來頻造謠言謂日軍衰弱俄軍強盛以惑民心且又得其爲俄謀之確證請即速從嚴罰 三月初六日漢城電駐韓日使照會韓政府開列各款如下一在俄京之韓使館刻尙駐有人員與俄政府互商交涉之事是何意見須即見告二據坡津日官稟有一日人被俄人指爲謀者嗾令慶興府韓官拘留請由鏡城監察使飭即釋回三京釜鐵路務須速成請雇募夫役若干如遇屋宇不敷糧食匱乏應責成沿途地方官隨時供給又該鐵路南大門停車場因地址狹隘尙不敷用請更以二千坪編入

暹法 暹法合約所議諸款與一千九百零二年十月所訂之約無甚差別暹政府此次於各小節多所退讓而於任用人一節尤爲將就鎮大般一地復歸原主及辦理湄江車路問題各大端亦已安定

英俄 英國協理外部大臣哈定節已簡爲駐俄使臣以繼斯葛特之任 倫敦電英國外務部侍郎哈其氏答諸議員之問曰俄人撤退滿洲兵士屢屢懲罰并迫令辭去牛莊海關所雇英人改派俄人司權我政府迭次駁詰尙未得有端倪 二月二十日倫敦消息俄京

以英人佔據西藏衆情不合俄國亦以威嚇手段阻止英國雖互相行文申說英國堅持不允放棄惟俄英兩皇皆願和平協議以排此難云 英政府已訪得俄艦在地中海扣留英國往來商船詳情業由外務部向俄政府辯駁惟俄政府不認

英法 二月二十四日柏林電英法兩國所訂摩洛哥紐芬蘭西非洲暹羅及紐希巴來德司之約行將畫押法國以後不得視摩洛哥爲屬國祇得改良其財政之權至於貿易自由則保有三十年之久英國則允許將蘇彝士河爲中立地仍以埃及爲民主國又允將馬大格斯加阻礙法國貿易之事撤去並保全暹羅土地之利英法兩國皆允彼此相助以成此約

英德 二月十二日柏林電英德爲殖民地所訂之約其中難定者不過數款今擬於二月十六日宣告作爲和約云

德意 二月十二日倫敦電意皇率同外部海部兩大臣前赴德皇坐艦謁見彼此宴飲席間宣言兩國臣民均當謹守德意奧三國聯盟於勿替云

俄美 美國派領事至青泥窪俄人卽照會美國云彼處爲用兵之區無論何國人皆不能保護美國謂英領事尙在彼處何得拒我故力與之爭

外 交

四 十 六

三 月

土布 二月二十四日倫敦露透電土耳其及布加利亞兩國協商遷延已久幾至決裂今
已畫押矣



教育

中國國學保存論之一節錄政法學報

道德進步之說。邇年以來。始熾於中國。嗚呼。其將爲中國之福也歟。其將爲中國之禍也歟。英人頡德有言。宗教者。道德之標準。進化之制約也。國民之大危險。莫甚於無所制約焉。無制約之國民。言道德進步。是助紂爲虐也。不觀於今日新學界之現象乎。言自由者。不圖政治改革之公事。而持爲箇人競爭之口實也。言社會主義者。不知平均勞力之公理。而持爲均財自逸之口實也。其他等等。莫不如是。以如是墜落放逸之浮薄青年。雖與之以立憲政治之幸福。亦恐其不能享。而豈值言革命矣。而豈值言尼希利主義矣。

一言以蔽之。今日中國青年之大患。莫甚於借新道德之影響之皮毛。以破壞舊道德。無所制約。無所信仰。其影響及於社會。蕩無秩序。極其流弊。雖欲結猶太波蘭亡國民之可憐團體。亦不可得。人道蕩然。雖洪水猛獸。何足比其害也。

吾今執保存舊道德之論。吾國之道德。有爲神州特別之產物。西洋所未曾發明。而大適於今日之實用者。厥曰正氣。正氣之名詞。果爲文文山先生所引用。其歌有曰。於人曰浩然。沛

教育

五十

三月

乎塞蒼冥。然實爲孟子之所發明者。孟子曰。我善養吾浩然之氣。又曰。若直養而無害。則沛然塞乎天地之間。能養正氣之人。卽孟子所謂大丈夫也。孟子曰。富貴不能淫。貧賤不能移。威武不能屈。此之謂大丈夫。孟子此言。卽能養正氣者之真相也。淫於富貴。移於貧賤。屈於威武。此世之所以多庸人而少英雄也。

雖然。文文山不但祖述孟子之正氣說而已。彼對博羅之言曰。社稷爲重。君爲輕。又其言學曰。兼人已爲一致。合體用爲一原。此吾儒之所以爲吾儒也。嗚呼。自孟子著者以來。其能推廣之以見諸實用者。惟文山一人而已。

中國人最乏國家之觀念。故從無國魂之說。至留日學生見日本有以武士道爲國魂者。始反索乎中國。奮翻生索而不得。乃強欲以革命當之。夫此何足以爲中國魂也。匹夫篡奪。強有力者卽貴爲天子。富有四海。此夷齊所謂以暴易暴。以盜賊代盜賊也。諸君欲求中國魂乎。舍正氣將安屬焉。

凡中國古人之奇節峻行。皆可以謂之爲正氣之作用。中國講學數千年。毫不得其效果。自宋儒出。率舉國之人。以困於枯寂之心學。夫治國自有政治法律理財經武通商惠工之學。心學者哲學之一小部分。惟教育者言之耳。宋儒乃舉萬事皆以心學統之。崖山選播猶講。

大學。敵軍臨逼。尙詭。孝經。豈不顛乎。

夫正氣之說。致用固大。然不可不改良之改良。奈何。即不可陷於愚忠愚孝是也。

正氣派。最主攘夷之論。而皆無以善其後。近世如某某者。毅然排外。驅不教之拳黨。以圖殲異族。雄矣哉。正氣派之流亞也。夫徒有正氣。而無新智識。終矣無功。故排外誠是也。不排外無以立國也。然排外之根本。在於鍛鍊國民。

未經鍛鍊之國民。豈不危哉。敵人環集。以相爭存。而一無教育。一無準備。甲種乘之。則服從。甲種而爲臣民。乙種又乘之。則服從。乙種而爲奴隸。其不肖者。爲張弘範。王積翁。其極賢者。亦不過爲文天祥。夫文氏誠賢矣。迹其前後。統帥無戰不敗。然則浩然之正氣。豈可遂恃以退敵軍哉。

日人蘇峯生曾作一文。曰國民之鍛鍊。誠吾國民對病之案也。其言曰。昔者太王居邠。狄人侵之。事之以皮幣。不得免焉。事之以犬馬。不得免焉。事之以珠玉。不得免焉。乃屬其耆老而告之曰。狄人之所欲者。吾土地也。吾聞之也。君子不以其所以養人者害人。二三子何患乎無君。我將去之。此當國際之患壓迫之時。孟子對滕文公所陳最善之策也。嗚呼。此中國二十二史外交政策之鍵矣。

教育

五十二

三月

中國之所以有大種族而不能成大國民者。即因缺乏國民鍛鍊也。無國民鍛鍊。故絕無抵抗外敵之力。故絕無國家觀念。誠如是也。種族雖大。亦不免於滅亡。

國民如箇人。然必要鍛鍊。當外敵之來侵也。最足試國民之力量如何。故當外敵之來。不可避。此機會。國民之消長盛衰。皆繫於此。美國大總統羅斯福對市民之最近演說一節。最合此意。其演說曰。予希望予與國民。其扶植政策。處理萬事。皆有正義之精神。負荷義務。不擇難易。悉引受之。凡事之有滿足力行之精神。我與國民。其勿苟安現時之平和。不顧將來之不幸。而不注意以膺國務也。

總而言之。無遠慮者。不能成大業。不償代者。不得物品。不受鍛鍊者。不得幸福。外敵之壓。來乃試驗國民。無上之好機會。不然。縱令吾人巧避外敵之衝突。而外敵亦豈可避者。慎乎無執孟子退讓之說。言以誤國家也。

商部奏請擬辦實業學堂大概情形摺

竊臣部於上年七月間。奏定章程。摺內聲明。擬設學堂酌量情形。隨時奏明辦理。又十一月間。管學大臣張百熙等會奏。請重訂學堂章程。一摺內開。國計民生。莫要於農工商實業。興辦實業學堂。有百利而無一弊。最宜注重。另擬高等中學堂。農工商實業各學堂章程。及通

則先後奏明奉 旨允准欽遵在案查農工商務皆係臣部專職而尤以製造實業爲切要之圖今欲振勵才能精求實學應先從設立學堂下手學堂之設以考求實用能奪西人所長爲主實學之門類凡十日算學曰化學曰機器學曰汽機學曰電學曰氣學曰水學曰光學曰地學曰鑛學其最有關製造能關利源爲化電機器鑛四門餘皆相助爲用不可缺一現正延訪品學兼優之士充當學堂教習並選派諳習西學章京令先赴日本購置各項儀器就地實加考驗運回應用一面調取書籍俟粗具規模卽行招考學生入堂肄業惟是臣部款項支絀所有學堂開辦一切經費擬由上年礦路總局移交候補京堂張振勳報効學堂經費款內動支主常年開支款項必須銀數萬兩之譜一時未易籌集當經臣等咨商學務大臣酌量撥助旋准復稱擬俟開學後每年撥助銀二萬兩歸入奏銷支款惟大學分科必須開辦屆時此項撥款尙須另籌辦法等因此項常年經費目前既經學務大臣允撥銀二萬兩其不敷之款臣等仍當設法籌給以期上副國家培植人才之至意除俟擬定章程規則後再行奏明請 旨辦理奉 旨依議欽此

山東臨清州堂邑館陶等縣詳請巡撫周奏旌義丐武訓興學稟

竊查堂邑縣人武訓無家無業孑然一身晝行乞夜績麻得一錢存之漸積至萬餘串先在

教 育

五十四

三月

堂邑柳林集捐置地設立義塾次至館陶因見僧人了證在楊二莊設塾嘉其同志資助三百千以贊其成已而至臨清立塾於史巷光緒二十二年四月病歿於臨年五十有九前堂邑縣郭令春煦於十四年稟蒙前憲臺張奏准建坊並請採入通志前館陶縣彭令元鼎據所屬生監稟請立碑惟歸缺如卑職去歲權篆臨清奉 旨改制建學履行各塾城西南有武訓義塾即乞人所建而州人以其名名之者也壁有畫軸則武訓之遺像存焉訪諸耆老僉云武訓行乞三十餘年從不費一錢甘一飯積銖累可得資巨萬設學三州縣宅舍經費惟備即倩首事督理武訓絕不過問惟師生有情者則長跪其前靡不敬憚成就日多伏思武訓無訓士之責無教民之權乃苦行三十餘年一乞人而教行三州縣方今憲臺仰承諭旨殷殷興學若得千百武訓起而輔之則學校之興可翹首而待矣卑職手撰遺像記擬將遺像及案內文牘經費款目彙列成冊付諸石印以垂久遠惟事隸三州縣款逾一萬串若不奏咨立案竊恐苦操奇行湮沒弗彰理合彙造該塾經費清冊會稟大帥查核俯賜會奏立案並請由京師大學堂通行各省學堂查照以資表揚而昭激勸

湖南蒲鄉縣職婦李曾氏捐助學務處田產稟並批

竊氏夫大理寺評事李前音係予諡忠武公之孫浙臬閣學公之季子仰承先緒居恆讀書

自勵迭遭大故氏夫哀毀搆疾遂至不起彌留之際呼氏屬曰方今時局維艱國庫支絀縱毀家紓難亦臣子分所當爲不意病深時促未克及身報稱命也如何汝其勉竟吾志庶此恨消泯氏涕泣謹諾其目乃瞑茲謹將關分遺業三分之一坐落南洲集賢圩等處田一千畝歲收額租一千五百石約值銀二萬兩特遵先夫遺命盡數報捐既抒精衛填海之忱又慰元龍賚志之憾則此舉實不僅濟公而已也向氏有負郭薄田差堪自給適者饔飧所餘於湘鄉四十四都輸辦千兩獨力創建茶亭以便行旅其事雖不相涉因亦先夫遺意不忍緘默用敢附呈

巡撫趙批 據稟已悉該職婦熊湘右族作配名門忠孝家風海內欽仰茲復承夫遺命報効南洲集賢圩等處田一千畝估值二萬兩以助公用並獨力創建茶亭俾便行旅好義急公克光先烈實爲巾幗生色湘省風俗敦樸近來舉辦新政頗有捐產濟公之家而惟利是視動以籌費興學而成訟事者亦不一而足以視該職婦高明之識公普之懷其亦可以風矣應將此業歸學務處經理以備興助各學堂之需用慰該職婦夫婦忠孝之忱仰候札飭南洲廳查據勘界再行核收呈報以憑奏請獎勵該職婦即將契照各據飭經理人赴南洲廳呈請查驗勘收可也

教育

五十五

甲辰

新定學務綱要

一全國學堂總要 京外大小文武各學堂均應欽遵 諭旨以端正趨向造就通才爲宗旨正合三代學校選舉德行道義四者並重之意各省興辦學堂宜深體此意從幼童入初等小學堂始爲教員者於講授功課時務須隨時指導曉之以尊親之義納之於規矩之中一切邪說詖詞嚴拒力斥使學生他日成就無論爲士爲農爲工爲商均上知愛 國下足立身始不負 朝廷興學之意外國學堂於智育體育外尤重德育中外迥無二理也

一大小各學堂各有取義 大小學堂理原一貫惟各學堂各有取義家庭教育蒙養院初等小學堂意在使全國之民無論貧富貴賤皆能淑性知禮化爲良善高等小學堂晉通中學堂意在使入此學者通曉四民皆應必知之要端仕進者有進學之階梯改業者有謀生之智能高等學堂大學堂意在講求國政民事各種專門之學爲國家儲養任用之人才通儒院意在研究專門精深之義蘊俾能自悟新理自創新法爲全國學業力求進步之方并設立中國舊學專門爲保存古學古書之地實業學堂意在使全國人民具有各種謀生之才智技藝以爲富民富國之本譯學館意在通曉各國語文俾能自讀外國之書一以儲交涉之才一以備各學校教習各國語文之選免致永遠仰給外國教師進士館意在使已經

得第入官者通知各種實學大要以應濟時急需師範學堂在使全國中小學堂各有師以
此為各項學堂之本源與學入手之第一義

一京外各學堂俱照新章以歸畫一 此次遵 旨修改各學堂章程以忠孝為敷教之本
以禮法為訓俗之方以練習藝能為致用治生之具其宗旨與上年大學堂原定章程本無
歧異惟學堂本係創辦前章尙有未備之處茲更體察近日情形斟酌修改條目更加詳密
課程更加完備禁戒更加謹嚴即湖北等省學堂章程前經奏定者一併會通酌改令歸畫
一所有原定章程之應共遵守者均已歸併本章程內此後京外官紳興辦各種學堂無論
官設公設私設俱應按照現定各項學堂章程課目切實奉行不得私改課程自為風氣
一宜首先辦師範學堂 學堂必須有師此時大學堂高等學堂省城之普通學堂猶可
聘東西各國教員為師若各州縣小學堂及外府中學堂安能聘許多之外國教員乎此時
惟有急設各師範學堂初級師範以教初等小學及高等小學之學生優級師範以教中學
堂之學生及初級師範學堂之師範生省城師範學堂或聘外國人為教員或輔以曾學外
國師範畢業之師範生外府師範學堂則只可聘在中國學成之師範生為教員查開通國
民智識普施教育以小學堂為最要則是初級師範學堂造就教小學之師範生尤為辦學

堂者入手第一義。特是各省城多有已設中學堂高等學堂者，勢不能聽其自出心裁，致誤將來成材之學生。則優級師範學堂在中國今日情形，亦為最要，並宜接續速辦。各省城應即按照規定初級師範學堂、優級師範學堂及簡易師範科師範傳習所各章程辦法，迅速舉行。其已設有師範學堂者，教科務改合程度，其尚未設師範學堂者，亟宜延聘師範教員，早為開辦。若無師範教員，可請者即速派人到外國學師範教授，管理各法分別學速成師範科若干人，學完全師範科若干人。現有師範章程刊布通行，若有速成師範生回國，即可依仿開辦以應急需，而立規模。俟完全師範生回國再行轉相傳授，分派各府縣陸續更換，庶不致教法茫然無從措手。務期首先迅速舉行，漸次推廣，不可稍涉遲緩。

一各省辦理學堂員紳宜先派出洋考察。學堂所重不僅在教員，尤在有管理學堂之人。必須有明於教授法管理法者，實心從事，其間未辦者方易開辦，已辦者方能得法。否則成效難期，且滋流弊。各直省亟宜於官紳中推擇品學兼優、性情純摯，而平日又能留心教育者，陸續資派出洋員數，以多為貴。久或一年，少或數月，使之考察外國各學堂規模制度及一切管理教授之法，詳加詢訪，體驗目覩，外國教習如何教生徒，如何習管理學堂官員如何辦理回國後分別派人學務處暨各學堂辦事，方能有實效而無糜費。歐美各國道遠費

重則不能多往而日本則斷不可不到此事爲辦學堂入門之法費用萬不可省卽邊陲省分至少亦必派兩員若僅至日本考校半年所費尙不甚鉅倘不從此舉入手恐開辦三四年耗費數萬金仍是繁雜無章毫無實得也其邊省不能多派官紳出洋考察學務者亟宜廣購江楚等省已經譯刻之教育學學校管理法教育行政法學校衛生學師範講義學務報教育叢書等類頒發各屬俾從事學務之人考究研求則所辦學堂不致凌雜無序亦不致枉費師生功力庶較勝於冥行歧誤者

一小學堂應勸諭紳富廣設 初等小學堂爲養正始基各國均任爲國家之義務教育東西各國政令凡小兒及就學之年而不入小學者罪其父母名爲強迫教育蓋深知立國之本全在於此此時各省經費支絀在官勢不能多設一俟師範生傳習日多卽當督飭地方官勸功勸諭紳富集資廣設至蒙養院及家庭教育尤爲豫教之原惟中西禮俗不同不便設立女學及女師範學堂現擬有蒙養院及家庭教育合一辦法詳具專章

一各省宜速設實業學堂 農工商各項實業學堂以學成後各得治生之計爲主最有益於邦本其程度亦有高等中等初等之分宜飭各就地方情形審擇所宜亟謀廣設如通商繁盛之區宜設商業學堂富於出產之區宜設工業學堂富於海錯之區宜設水產學堂餘

教育

六十

三月

可類推但此時各省籌款不易教員亦難得其人宜於各項實業中擇本省所急須講求者先行選派學生出洋學習此項實業分作兩班一班習中等學以期速成一班習高等學以期完備俟中等實業學生畢業回省即行開辦學堂先教簡易之藝術俟高等實業學生畢業回國再行增高等學堂程度以教精深之理法為漸次推廣擴充地步所費不多而辦法較有把握各省務於一年內將實在籌辦情形先行陳奏

一各學堂尤重在考核學生品行 造士必以品行為先各學堂考核學生均宜於各科學外另立品行一門亦用積分法與各門科學一體同記分數其考核之法分言語容止行禮作事交際出遊六項隨處稽察第其等差在講堂由教員定之在齋舍由監學及檢察官定之但學生既重品行則凡選派教員學職均須推擇品行端正之員以資表率

一中小學堂宜注重讀經以存聖教 外國學堂有宗教一門中國之經書即是中國之宗教若學堂不讀經書則是堯舜禹湯文武周公孔子之道所謂三綱五常者盡行廢絕中國必不能立國矣學失其本則無學政失其本則無政其本既失則愛國愛類之心亦隨之改易矣安有富強之望乎故無論學生將來所執何業在學堂時經書必宜誦讀講解各學堂所讀有多少所議有淺深並非強歸一致極之由小學堂改業者亦必須會誦經書之要言

略聞聖教之要義方足以定其心性正其本源惟經學與博春秋漢唐以來學者本尙專經或兼習一兩經本 朝乾隆以前鄉會試房官仍是分經取士即 國朝經學諸大師亦罕有兼精羣經者至於士林中才能讀十三經者本少大率只讀五經四書即禮記左傳亦讀節本者居多現辦中小學堂科學較繁畧刻有限若概令全讀十三經則精力目力斷斷不給必致讀而不能記記而不能解有何益處且泛濫無實亦非治經家法茲爲擇切要各經分配中小學堂內若卷帙繁重之禮記周禮則止選讀通儒節本儀禮則止選讀最要一篇自初等小學堂第一年日讀約四十字起至中學日讀約二百字爲止大率小學堂每日以一點鐘讀經一點鐘挑背淺解 挑背者隨意擇取較純數人每日指今背誦數語以資日力淺解者止講淺顯切用大義 挑背者隨意共合爲兩點鐘計每星期治經十二點鐘中學堂每星期以六點鐘讀經以三點鐘挑背講解計每日讀經一點鐘閒日挑背講解一點鐘每星期治經九點鐘至溫經一項小學中學皆每日半點鐘歸入自習時督課不占講堂時刻茲酌加每日治經鐘點學生並不過勞而讀經講經溫經綽有餘裕亦無礙講習西學之日力若其博考古今之疏解研究精深之義類及自願兼通羣經者統歸大學堂經學專科治之於羣經古學仍可保存不廢計中學堂畢業皆已讀過孝經四書易書詩左傳及禮記周禮儀禮節本共計讀過十經 四書內有論語孟子兩經

教育

六十一

甲辰

並通大義較之向來書塾書院所讀所解者已爲加多總之只在功課有恆則每日並不多費時刻而經書已不至荒廢蓋數十年來科目中人曾讀九經而能講解者不過十分之二三若照此章程辦理則學堂中決無一荒經之人不惟聖經不至廢墜且經學從此更可昌明矣其讀經之法另見專章

一經學課程簡要並不妨礙西學 小學中學皆有讀經講經之課高等學有講經之課然歲計有餘而日課無多專講要義而不務奧博大學堂及儒院則以精深經學列爲專科聽人自擇並非以此督責衆人西國最重保存古學亦係歸專門者自行研究古學之最可寶者無過經書無識之徒喜新蔑古樂放縱而惡閑檢惟恐經書一日不廢真乃不知西學西法者也

一學堂不得廢棄中國文辭以便讀古來經籍 中國各體文辭各有所用古文所以闡理紀事述德達情最爲可貴駢文則遇 國家典禮制誥需用之定甚多亦不可廢古今體詩辭賦所以涵養性情發抒懷抱中國樂學久微藉此亦可稍存古人樂教遺意中國各種文體歷代相承實爲五大洲文化之精華且必能爲中國各體文辭然後能通解經史古書傳述聖賢精理文學既廢則經籍無人能讀矣外國學堂最重保存國粹此卽保存國粹之一

大端假使學堂中人全不能操筆爲文則將來入官以後所有奏議公牘書札記事將令何人爲之乎行文既不能通暢焉能畀以要職重任乎惟近代文人往往專習文藻不講實學以致辭章之外於時勢經濟茫無所知宋儒所謂一爲文人便無足觀誠痛乎其言之也蓋黜華崇實則可因噎廢食則不可今擬除大學堂設有文學專科聽好此者研究外至各學堂中國文學一科則明定日課時刻並不妨礙他項科學兼令誦讀有益德性風化之古詩歌以代外國學堂之唱歌音樂各省學堂均不得拋荒此事凡教員科學講義學生科學問答於文辭之間不得涉於鄙俚粗率其中國文學一科並宜隨時課論說文字及教以淺顯書信記事文法以資官私實用但取理明詞達而止以能多引經史爲貴不以雕琢藻麗爲工篇幅亦不取繁冗教法宜由淺入深由短而長勿令學生苦其艱難中小學堂於中國文辭止貴明通高等學堂以上於中國文辭漸求敷暢然仍以清真雅正爲宗不可過求奇古尤不可徒尙浮華

一戒襲用外國無謂名詞以存國文端士風 古人云文以載道今日時勢更兼有文以載政之用故外國論治論學率以言語文字所行之遠近權力教化所及之廣狹除化學家製造家及一切專門之學考有新物新法因創爲新字目應各從其本字外凡通用名詞自

不宜剿襲攙雜日本各種名詞其古雅確當者固多然其與中國文字不宜者亦復不少近日少年習氣每喜於文字間襲用外國名詞諺語如團體國魂膨脹舞臺代表等字固欠雅馴卽牲犧社會影響機關組織衝突運動等字雖皆中國所習見而取義與中國舊解迥然不同迂曲難曉又如報告困難配當觀念等字意雖可解然並非必需此字而舍熟求生徒令閱者解說參差於辦事亦多窒礙此等字樣不勝枚舉可以類推其實此類名詞在外國不過習俗沿用並未嘗自以爲精理要言今日日本通人所有著述文辭凡用漢文者皆極雅馴仍係取材於中國經史子集之內從未闖入此等字樣可見外國文體界限本自分別何得昧昧剿襲大凡文字務求怪異之人必係邪僻之士文體既壞士風因之夫敘事述理中國自有通用名詞何必拾人牙慧又若外國文法或虛實字義倒裝或敘說繁複曲折令人費解亦所當戒倘中外文法參用雜糅久之必漸將中國文法字義盡行改變恐中國之學術風教亦將隨以俱亡矣此後官私文牘一切著述均宜留心檢點切勿任意效顰有乖文體且徒貽外人哂笑如課本月記考試文卷內有此等字樣定從擯斥

一小學堂勿庸兼習洋文 初等高等小學堂以養成國民忠 國家尊聖教之心爲主各科學均以漢文講授一概毋庸另習洋文以免拋荒中學根柢必俟中國文義通順理解明

白考取入中學堂後始准兼習洋文計學生入中學堂時年不過十六七歲不患口齒不靈各省官私所設初等高等小學堂均應一體遵辦均不編洋文功課惟高等小學堂如設在通商口岸附近之處或學生中亦有資敏家寒將來意在改習農工商實業不擬入中學堂以上各學堂者其人係爲急於謀生起見在高等小學時自可於學堂課程時刻之外兼教洋文應就各處地方情形斟酌辦理惟童子正在幼年仍以聖經根抵爲主萬不准減少讀經講經及中國文字功課鐘點至於在初等小學時斷不宜兼習洋文

一中學堂以上各學堂必勤習洋文 今日時勢不通洋文者於交涉遊歷遊學無不窒礙而粗通洋文者往往以洋文居奇其猾點悖謬者則專採外國書報之大異乎中國禮法不合乎中國政體者截頭去尾而繙譯之更或附會以一己之私意故爲增損以求自圓其說譬如日本福澤諭吉維新之志士也其著述數十百種精理名言不可勝紀而中國譯者則專取其男女平權等篇譯之而其談教育之本談政治之原者則略之如此之類不勝枚舉其故有二一則繙譯之日少印刷之資輕可以易售而固利一則因中國通洋文者少故摘取其單詞片語以冀欺世而惑人鄙險甚矣假令中國通洋文者多則此種荒謬悖誕之繙譯決無所施其伎倆故中學堂以上各學堂必全勤習洋文而大學堂經學理學中國文學

史學各科尤必深通洋文而後其用乃爲最大斯實通中外消亂賊息邪說距詖行之窳也

一參考西國政治法律宜看全文 外國之所以富強者良由於事事皆有政治法律也而中國今日之剽竊西學者輒以民權自由等字實之變本加厲流蕩忘返殊不知民權自由四字乃外國政治法律學術中半面之詞而非政治法律之全體也若不看其全文而但舉其一二字樣一二名詞依託附會鼓天下之耳目勢不至去人倫無君子不止而謂富強卽在於是有是理乎卽西人亦豈受其誣乎外國所謂民權者與義務對待之名詞也所謂自由者與法律對待之名詞也法律義務者臣民當盡之職權利自由者臣民應享之福不有法律義務安得有權利自由所以日本憲法第二章題曰臣民權利義務而其第一條卽曰凡爲日本臣民之要件當依從法律伊藤博文解之曰日本臣民各享有法律中之公權及私權所以臣民要件必以法律爲定夫言公權私權而必本乎法律可見悖乎法律者卽不得享有公權私權也所以第二條卽曰日本臣民凡合乎法律命令所定之資格者可任爲文武官此蓋謂能盡法律之義務卽有服官之權利矣其義務之最重大而顯著者莫如當兵納稅故第三條曰日本臣民依從法律有服兵役之義務第四條曰日本臣民依從法

律有納稅之義務義務盡矣則必有自由之權利然使自由而不本乎法律則大人皆處於化外而天下亂矣所以第五條即曰日本臣民於法律之範圍內有居住遷徙之自由第十條曰日本臣民苟不害治安不紊秩序不肯爲臣民之義務者有信教之自由第十二條曰日本臣民於法律之範圍內有言論著作印行及集會結社之自由此三自由即今日妄人騰諸衆口播諸報章視爲任性妄爲之世界者也然試問有出乎法律之範圍外者否乎總而言之權利必本於義務能盡應盡之義務即能享應得之權利自由必本乎法律能守分內之法律即受分內之自由日本伊藤博文所謂法律中之自由爲臣民應有之權利故自由於分定之內者可勿庸多加箝制此生計與智識發達之本原必使凡人於法律所許之區域內享受自由綽有餘裕而不得迫蹙之等語此之謂也然此猶立憲君主政體之日本爲然也試更徵之共和民主政體之美國更可見全球萬國無殊理無異政矣美國於千七百九十一年續定憲法第五章云凡訊案除按照法律懲治外不得阻其自由此語最爲扼要其餘條例甚多有云除法律規定外者有云除依尋常法律判決外者有云除罪犯照例審定外者如此之類不一而足今日儉人亂黨盛稱民主政體有各種之自主試問亦有出乎法律之外者否乎夫既守法律範圍則所謂自由者不過使安分守法之人得享其應

教育

六十八

三月

有之樂利而已豈任性妄爲之謂乎假使外國政法皆如亂黨所說恐不能一日立國矣安論富強乃近來更有創爲蜚語者謂學堂設政法一科恐啓自由民權之漸此乃不覩西書之言實爲大謬夫西國政法之書固絕無破壞綱紀教人犯上作亂之事前文已詳至學堂內講習政法之課程乃是中西兼考擇善而從於中國有益者采之於中國不相宜者置之此乃博學無方因時制宜之道疊次 諭旨已極詳明此次章程亦甚明晰且政法一科惟大學堂有之高等學堂豫備入大學政法科者習之此乃成材入仕之人豈可不知政法果使全國人民皆知有政治知有法律決不至荒謬悖誕拾外國一二字樣一二名詞以搖惑人心矣

一私學堂禁專習政治法律 近來少年躁妄之徒凡有妄談民權自由種種悖謬者皆由並不知西學西政爲何事亦並未多見西書耳食臆揣騰爲謬說其病由不講西國科學而好談西國政治法律起蓋科學皆有實藝政法易涉空談崇實戒虛最爲防患正俗要領日本教育名家持論亦是如此此次章程除京師大學堂各省城官設之高等學堂外餘均宜注重普通實業兩途其私設學堂概不准講習政治法律專科以防空談妄論之流弊應由學務大臣咨行各省切實考察禁止

一私學堂禁私習兵操 凡民間私設學堂非經稟准不得教授兵式體操其准習兵操者亦止准用木槍不得用真槍以示限制應由學務大臣咨行各省曉諭民間一律遵照

一學生不准妄干國政暨抗改本堂規條 孔子曰不在其位不謀其政又曰君子思不出其位位者本分之謂也恪守學規專精學業此學生之本分也果具愛國之心存報國之志但當厚自期待發憤用功俟將來學業有成出爲世用以圖自強孰不敬之重之乃近來士習浮囂或騰爲謬說妄行干預國政或糾衆出頭抗改本堂規條此等躁妄生事之徒斷不能有所成就現於各學堂管理通則內列有學堂禁令一章如有犯此者各學堂應卽照章懲儆不可稍涉姑容致滋流弊

一師生員役均禁嗜好 學務繁重細密凡從事學堂之員紳及各科學教員必審擇精力強健辦事切實耐煩不染嗜好者方於教育有裨查洋藥爲鴉毒之尤各省學堂均應懸爲厲禁無論官師學生及服役之人有犯此者立行斥退萬不可稍從寬假

一學堂教員宜列作職官以便節制並定年限 外國學堂教習皆係職官日本卽稱爲教授訓導亦稱教官此後京外各學堂教習均應列作職官名爲教員受本學堂監督堂長統轄節制以時考核其功過而進退之不得援從前書院山長之例以賓師自居致多窒礙惟

教育

七十

三月

監督於教員亦宜以禮相待 學堂教習既列為職官當有任期或三年一任或二年一任或視該學堂畢業之期為一任除不得力者隨時辭退優者任滿再留中平者如期更換未滿時不得自行告退另就別差學堂辦事人員亦同 有事故者不在此例

一外國教員宜定權限 各省中學堂以上有聘用外國教員者均應於合同內訂明須受本學堂總辦監督節制除所教講堂本科功課外其全學事務概由總辦監督主持該教員勿庸越俎干預

一外國教員不得講宗教 此時開辦學堂教員乏人初辦之師範學堂及普通中學堂以上勢不能不聘用西師如所聘西師係教士出身須於合同內訂明凡講授科學不得借詞宣講涉及宗教之語違者應即辭退 未完

各省學堂彙誌

北京 振貝子擬於端王舊邸基址創設實業學堂歸商部管轄現已議決派員前往日本購置儀器 崇文門北孝順胡同之美國醫院庚子亂後新建樓房為女學堂之用學生二百餘名專授華文及普通科學尤注重於衛生學年以十四歲為限逾限及纏足者不收醫院即附堂內

山東 王伯安大令辦理女學堂初欲自築房舍大展規模因經費未足先於南關後營坊賃屋試辦二月初一日開學有識字書法講解修身歷史算學等課學額三十人學費極廉全恃捐款津貼

江蘇 兩江總督魏午帥創辦農務學堂選聘教習廣招鄉民聰敏者教以各種農學畢業後任聽回鄉廣爲傳授使民間改用新法定名爲農工實業格致學堂

安徽 皖省大憲新募兵學生三百名於二月二十日送入營中練習

江西 九江統領常備前軍岳軍門已於三月初一日開辦隨營學堂挑選營內學生入堂肄業

湖北 辦理學務各員以學堂務須普及然官學堂非生員不收若嚮學之士年齡已過小學之限又無進中學堂之資格情殊可憫擬設中學預備科以爲安置二年畢業送入文武普通中學堂即借江漢書院開辦

湖南 旅湘皖省志士近在長沙設一安徽旅湘公學外省人亦可入校已於三月初一日開學 湖南醫學堂開辦一年略無成效茲由中丞改定新章添聘教習教授東文算學化學博物生理體操各課加添學額俾廣造就 湖南學務處現遵 欽章創設湖南僧學堂

教育

七十二

三月

於湘春門外開福寺內延日本僧水野梅曉等充當教習 常德府大善寺僧慈雲急公好義自願將寺產盡數撥充學費稟請立案頗爲趙中丞所獎

四川 重慶府城民立小學堂相繼興辦計開智學堂肄業生五十餘人正蒙公塾二十餘人知新學堂十餘人又有啓秀學堂因學生尙未滿額暫緩開學 高等學堂現將設立女學校一所聘高等學堂東教習池永氏之夫人爲教習

廣東 岑制軍飭由巡警局選聰穎子弟遣送中法韜美醫院學習防疫新法並令交習傷科以備巡警局及各營挑取軍醫之用 廣州六榕寺僧鐵禪慨捐寺產以助學費聞鐵禪以日本之興僧人亦與有力因慨然有東遊之志並擬往日本考察

財政

美國會議銀價大臣條議中國新國法覺書 續第二期

第四篇 中國新國法條議詮解

第一章 良法之益

當西歷一千九百零三年正月二十二號。中國政府咨送覺書於美國。內開設立新國法。以期定準中國與用金國匯兌價目事。想該政府深悉整頓與本國之大利益。並亦知通商來往之各國。亦可利益均沾。是以此章攷究中外將得之利益。並記錄外人對待此事之舉動。蓋因此種舉動。可望推廣日後商務。並令放本家有穩當之機會。由是美國政府。自應迎合中國改金爲準之議。並應望歐洲領袖製造及出口貨多之國。相協合力。現因匯價漲落無定。故用金與用銀國商務之利息。殊艱平準。若滙價可以照用金國來往之匯價。俾有一定限制。則以上之局面。便歸無有。按目前情形。用銀國之販進口貨者。逼令其殊少把握。僅能餬口度日。並託歐美洲人定貨。亦不免束縛。而且放本者。格外冒險。比一千九百零二年數月之間。銀價驟跌。直抹煞其一成半至二成之利息。由是放本在用銀國及收回金款時。覺

其資本減少至此。若匯價一有准定。以上諸弊。即可補救。則由歐美廠坊所出之貨。運來中國。必可振興。外國來貨多。因借助中國開闢天生豐厚之利源。此種資本。大抵係綢緞及別項建造鐵路之材料。並製造局需用之器具。及供給在中國推廣鐵路。及舉行興業工人之什物。此種貨物。由製造國出口之多少。並不倚賴中國鎖用貨物。因之加增。實倚賴豐富國之資本數餘。欲放置別國。故此種興旺之機。前數年即力臻此。惟此等閱歷。當俄日自定以金爲準之圖法後。皆所經見。查俄國進口商務。在一千八百九十年時。值四百十六兆羅布。合美洋二百十兆元。在一千九百年時。即增至六百二十六兆羅布。合美洋三百十五兆元。由是十年之內。加增之數有五成。查日本在一千八百九十年時。其進口貨物。值日本洋八十一兆元。合美洋四十兆元。至一千九百年時。其數值三百兆。日本元有零。合美洋一百五十兆元。其加增之數有兩倍。且此數中。已扣去日本洋因銀價跌落之數。

假使中國進口貨加等之比例。與日本相仿。則十年中中國每人所用進口之貨。即可由美洋五角。加至美洋一元五角。就此類推。歐美販運至中國貨物。除現在之數目外。將加添美洋四百兆元。大約中國商務之發達。不能比日本之速率。但中國創設統一圖法。以金爲準。製造國及販出口貨國。將來所得利益極厚。該國等理應極力設法。以便得此經濟之結果。

當美國特派銀價大臣時。東方各處。已議論中國匯價有定之緊要。及數商務局已經籌謀。所有籌謀者。以上海洋商商務局本年西四月十八號所定條議。作為此事程式。條款如左。查銀價時有漲落。並查中國國家及商務支付款項。現在尚付與用金國為多數。將來必盡屬用金之國。是以本局以為有條約各國。應迫請中國政府。從早趕做應辦之事。以期首先設立統一幣制。一俟可將幣制以金為準。即便進而成用金國矣。

總稅務司赫德。引經據典。亦可為相信金國法與中國商務財政有巨大利益者之一。赫稅務司曾上條陳於外務部。該條陳登錄西一千九百零三年七月三號字林西報。內云。若將目前銀國法。改作為金。實於中國靈便。蓋銀價墜落。匯兌無常。即一日之內。亦有上下。百業因現在幣制情形。頗受傷損。國家付洋債用金。是以國計民生之艱窘。傾陷日深。因此迫令人須籌謀補救。以期中國雖仍用銀幣。而有金銀匯兌准價。以免不時漲落之虞。

此番整頓。應通盤詳察。中國設立金國法。與東方各國國法。有切密相關之事數件。該國等大抵係歐洲領袖國之藩屬。即美轄之飛獵落。英轄之海峽居留地。法轄之印度支那。及德國在阿非利加洲之東。及亞細亞洲之藩屬及屬地。美國銀價大臣。是以輔助擬辦之事件。送交歐洲各國。各款如下。

一、中國國法條議。

二、中國之單數金本位及銀幣。將與別國日後設立以金爲準幣制所定之單數本位及銀幣。應有無甚相差之問題。

三、各國爲制幣之用。購買銀條。應分均勻。以期輔助維持銀子之金價。並極力減免。因拋賣之時。價極漲落。以期財力孱弱之國。創設以金支兌爲平準之國法。更覺容易。

第二章 中國更改之難處

中國國法之問題。實係可以舉行之事。查中國政治生業及教化。與西方各國。皆相懸殊。今擬令創行國法。專究財政學家。自行關心。惟美國專使各國會議銀價大臣講究此問題。係察考政府之辦法。及日後民間之舉動。此乃攷究此事。可以舉行與否爲大宗。由是首重詳細審察開辦之難處。茲分條開列如左。

一、現在中國無統一之國法。並無有與歐美洲通行國法之相仿者。查中國通商各口。雖興用銀元。然所用者。式樣不等。如上海天津。通用鷹洋。在滿洲。有通用俄國盧布貨幣之處。廣州漢口及他省。有用本省總督所鑄之銀幣。此外尚有別式銀貨。流行各處。又內地往往用銀寶銀條。按分兩成色。推算銷用。以代貨幣。此法通商各口。亦通行也。內地鄉間。卽是用銀。

亦頗罕見。大抵交易以銅幣爲主。查中國幣制。現在以分兩爲準度。惟所爲分兩者。各處之平色不等。故各處銀兩之價值。亦參差不一。查上海天津北京。平色皆不一。有貨幣書內載銀兩分十四種。由是觀之。中國舉行統國一律幣制。其情形與歐洲各國不同。蓋民間非特僅學記該幣之價值。且須習慣算用錢幣。以代秤銀交易地步。且中國百姓。向有泥古之名。不願改革祖宗成法。雖然。常攷中國及別國之閱歷。足見若此幣制。果與民間有利。則毋慮不能通行也。且中國自無通行一例之貨幣。實一大幸事。蓋除各省所鑄之銀元外。政府無須換舊式銀元也。

二、中國政府。向不預聞各省地方治理之細情。此乃派歸督撫及地方官吏辦理。惟創設統國一律國法。政府之權勢。務須強盛。並能使政府之權勢。直達民間方可。試看美國初開國時。聯邦爲國。因政府無直達民間之權。凡事爲各邦把持。頗形掣肘。是以續後重訂憲法。最緊要之進步。係給政府權限。准予何事。可直向民間預問。免經各省。中國政府有多事。向不預聞直達民間之細情。今新設國法。其權自行推廣。並請各督撫及地方官員合力。以期得手而少阻撓。開設一官家總銀行。或相仿總行。此種難處。定可解除無疑也。因創行新幣制。各督撫及地方官進項。頗有減少之處。理應注意。將地方進項及幣制進項。

兩相較準。以便有相當之對抵。再管轄新制。當會歸於政府。惟此種更改管轄之辦法。不能偏一。亦應兼顧目前情形。

或云。若新定國法。以金爲準度。則與地方官員及中國錢票莊之私利有關礙。若輩自行阻撓。恐因此難以成就。聞中國地方官員。收納賦稅及他項糧餉。交解上憲時。與銅銀等貨支兌結算處。從中取利。有時此利甚大。假幣制擴充。收完賦稅。統用新式貨幣。則此項進款。恐將大爲減色也。

地方錢票莊。爲民間經理支兌。成爲民間與官場支兌。往往出息甚鉅。

有云。洋商銀行。亦將阻撓新法。蓋彼等生意。以支兌居大宗。故每年所得利息。此項進款。在數不少。假中國幣制。以金爲準。則彼等利息。自然大減。惟彼等之難處。不甚緊要。是以不至阻撓。至新法與華洋銀行錢票莊有益之處。另篇申明。

三。中國政府。洋債及賠款兩項。現欠各國不少。故立此新幣制。如欲成就。須各國滿意及允助。或者新法舉行。將來歸還賠款。各國不致喫驚。由是觀之。中國及樂助中國者。以未舉行之前。須先覓得有賠款各國之好意及心助。美國專使歐洲會議銀價大臣。已經歐洲及日本獲得各國之允助。中國財政。因賠款之事。現時自覺孱弱。惟此可望設法補救也。

四、新法幣制。其最要者。即在結算外國商務。貨幣價值。須不時漲落。查中國政府。于西歷一千九百零三年正月二十二號。致美國之覺書內。此節亦甚着重。由是定行新制。及辦理新制之法。如欲適意順手。須在中國貿易之洋商視之爲然。中國庚子賠款。有數國解說約款。係應付金。並應交所派商人及銀行經手支收。洋商因見匯價漲落無定。猶恐因此虧本。故欲來中國。放本而不敢。商賈運貨來中國。當議定出賣時。計算有盈餘利息。繼因匯價漲落。難於預度。反而虧本。商人如欲與銀行預定匯價。銀行定加索匯水。故洋商猶疑。不敢販貨來華。據德真致英國攷究中國事務會社公牘。稱自西歷一千八百八十二年。至一千九百零二年間。銀價之跌落。以金價比例。跌有四成九分零十之七。以銅錢比例。銀價跌有二成六分半。同時銅錢與金價比例。銅錢跌有三成二分半。

按照以上情形觀之。新法非特欲善良。務須可以刪去以上所述之各弊。及昭信於華洋商賈。今籌擬之圖法。曾與最能幹銀行家及商人會商。查若輩意見。與所擬之圖法相符者。居大宗。

五、美國會議銀價大臣。今爲中國條陳圖法。實係中國之代表。查美政府原來實因中國政府之請。故特派大臣籌議此事。現在條陳之辦法。美國會議銀價大臣。深信係與中國最相

妥善之辦法。幫助中國振興內外商務。支還賠款。及他項利益。此辦法自應勿與中國主權有相關礙。並與民間風俗相符。查西法幣制。中國百姓。向勿慣常。最妙之法。使彼等容易習慣。則新法當可舉動。彼等營利之心。中國人民。與別處東方人民相比。如印度瓜哇島及飛獵濱等處。素稱勤勞。並與本人利益相關者。其知悉甚形快捷。貿易華人。亦向有精明之名。如見獲利之機。雖少亦願相從。是以意度。若新法所定之錢幣。用之零碎交易。支還債款。完付賦稅。及他項用處。可免向來所受之虧累。或因此可獲小利。即易引導華民通用。如以上之辦法。即以愚民未曾經生意。閱歷者之脾氣及風俗。亦可許其相稱也。以上已經言過開辦諸難處。勿應過於輕視。惟雖有難處。及違阻情勢。因開立善良之全國統一圓法。實與中國及在中國或與中國貿易者有益。茲二三年內。條陳辦法者甚多。並曾降 明詔。令戶部籌議辦法。以便開辦。並令赴大阪博覽會專使。察考日本圓法。以冀相助中國籌議辦法。天津及上海洋商商務局。曾訂條議。以申彼等期望。舉行新式圓法之意。香港商務局。亦經依樣相辦。總稅務司赫德亦擬條款。咨呈中國政府。再中國政府與英國日本及美新訂之商約內。亦約定設立全國統一之圓法。既有如此議論紛紛之勢。及中國政府明顯預備開辦之情狀。此事之開辦。諒必准定也。惟開辦須向正途而行。以上所述諸為難之處。非瞬息可

以掃除。再定統國圖法各端。亦非片時都可以通行。若起首即走正道。日後可免退步之慮。且終久可冀所盼望各節。皆有成效也。

第三章 開設新法

美國會議銀價諸大臣所擬中國圖法之策。已與名家議論利弊。其少數云。中國向無統一幣制。故開辦之法。因先訂一統一之通寶。成色分兩劃一。俟民間慣用。然後再酌定新幣。與金價相等。惟美國會議銀價諸大臣之意。新銀銅貨幣。應自開辦日起。即定金價及設法保存所定金銀相等之價。蓋此辦法。非特較善。尤見容易。各國官派會議專員。執此意者居多。開辦應即定金銀相等價值。其故如左。

一、新制之利益。則自開辦起愈覺顯然。雖統國通流銀幣。未有一定金價。可與本國國內商務。大有裨益。然此尚不能逕助進出口之商務也。蓋進出口商務。不僅侵佔振興國內商務相關之利益而已。若欲振興進出口商務。應從早趕辦。因此項商務之第一利益。係可幫助中國還付洋債。當較容易也。

洋人順便可沾利益。所沾利益。並非多過華人。亦非首先沾受。蓋所有利益。因華人爲製造出口貨之人。並銷用進口貨之人。故所有利益。華人得之最多。若匯價漲落無定。阻撓洋人

採買中國貨物販運出口。倘採買加多。即物價自行漲貴。由是華人又多一財源矣。又因有匯價漲落不定。恐受虧累之慮。販買貨物出口者。收貨時自肯支出最小之數。販運洋貨進口者。亦因此慮加索賣價。若匯價不定之慮。可以刪除。則販運洋貨進口者。自行加多。由是同業爭競亦加多。爭競一多。進口貨物之價即跌。雖交易之錢。大抵先經過洋人之手。然所得之實在利益。中國製造者及銷用者。首先享受。並較廣也。

假新制起先。暫擴行於各通商口岸。不行於內地。則內地與通商口岸。若為本國銷用貨物。支兌匯價。自大加貴。惟自內地運至通商口岸貨物。大抵皆為出洋之用。蓋是時以金價為準。則匯價之漲落。自無現時之甚。總之此難處。係暫有之事。一俟幣制推廣至內地。即化為無難也。且其難處與日後幣制統行後所得之巨利比例。則又見為甚輕矣。

二、假幣制開辦。即定金價。洋商自始。即來中國放本。中國政府及民間。趁此亦可同沾利益。此利益可為還債之一助也。

三、如新制先以銀為根基。當望日後將幣值加增。酌定相等金價。則拋賣謀利者。自較從前以金為根基者尤多。當貨物市價一跌。銀幣市價即漲。由是又擾亂生業。雖銀行錢票莊及蘊存新式銀幣者。即可獲利不淺。然債戶因此亦虧累不淺。蓋當還債時。銀貨價值有漲也。

四、政府因此亦可得進項加多之益。蓋知政府不久所納各項進款。直用新幣。雖當初整頓時。另行設法。勿使民間稍覺賦稅加重之慮。查自西歷一千八百八十二年至今。銀價直落。政府進項之值數。實喫虧五成之巨。新制舉行。政府即可免喫此等虧累。

假中國政府爲開辦新制經費。雖須籌借巨款。屆時民間完稅之進步。如以上所指。頗形加廣。反覺賦稅之擔當。較現在尤輕也。

五、洋商加添資本。推廣生意。華商見彼等生理之法。終久定擇其善者而從之。此亦一整頓國法之旁利益也。

嘗信幣制若終久以金爲準。則開辦卽以金爲準。非特與中國有裨益。並較先以銀爲準。然後再設法改金爲準之辦法。更加容易。蓋中國庶民見新出貨幣銷用。實與金相等。不似從前所用銀幣。隨銀價時有跌落之慮。則彼等更願收用新錢及用之放本也。或云。華人聚斂新出貨幣。如現在聚斂金子。然此或有之。非幣害也。假新幣通行中國。各處勿以金爲準。恐難昭信。且有發出市面流用之貨幣。在數過多。當改用金爲準之時。似從前印度然。須改少市面現銀。由是現銀緊急。貨物價目跌落。其理曾已詳述矣。假鼓鑄錢幣無限制。則不免有現在通行之難處。卽私鑄貨幣後。由銀條重行鑄錢之事。按此辦法。政府不得推算市面通

流貨幣之准數。由是管轄及維持幣制。則更加艱難矣。

不論定何辦法。新定圓法。應得陸續推廣各處。即是鼓鑄新幣。足敷四萬萬餘人之用。亦非易事。故須數十年之後。方能將圓法遍行中國。由是觀之。假定俟圓法通行於全國。然後改金爲準。則僅通商各口及別國。須延擱數年。方得享受匯價平定之利益也。假開辦時即以金爲準。首先應得推行於通商各口及嘗與外洋有交易來往地方。所有利益。則自始就可享受也。查推廣內地。有各省督撫之襄助。可陸續以新錢之出。逐漸擴充。並將新圓法推廣統國之年數約計。推廣以銀爲準之圓法相同。所有保存金銀相等之難處。後再另詳。

由是觀之。上節所云。以使華人習慣支用新式貨幣。其兩法不論定用何法。其難處相同。即鼓鑄之遲延。莫非專請外洋鑄錢局幫鑄。再新圓法若以金爲準。民間因所獲利益較廣。容易慣常。

設銀行錢票莊及地方官。果行阻撓。則當開辦新制之時。亦可設法略爲對抵。當初開辦。或僅能在數通商口岸及大城埠。如北京天津上海漢口廣州及該埠等附近地段。蓋以上各埠及相連左近地段。按中國政體而論。譬之分立之國。是以在彼處舉行新制。猶如在有自己管轄權力之地。且其地界可不與他處有關。或在直隸一省試辦數月。以便做出準法。一

俟鑄得貨幣之數。足敷市面要緊用處。或得二成五之光景。新幣即可開用。政府收納各項餉稅。准用新幣。按照新幣定價收用。並不抽水。假政府意謂應勒令民間完納稅項。須用新幣。則亦可也。惟政府應在彼埠足數選派有誠實之名者。作為兌換經理之人。欠完餉稅者。即可將銅幣銀寶或鷹洋。向彼等按公平價目。兌換新幣。以便支付應還皇家之款。由是民間驟知新幣特設之用處。可永遠用之。還納餉稅。則彼等自願支收也。

再派外國銀行及本地錢票莊為兌換經理人。定可有益。蓋彼等為政府效勞。亦可沾得財利。即可解釋彼等滋生阻撓新制之心也。假因國計起見。彼等經理此事。應給重俸。查政府在鑄頭上。可得一二成之進項。則亦能給重俸。若政府僅選數小地段。如以上所指諸埠開辦。並派可靠者充當兌換經理人。則地方官雖欲抑勒。亦無從於兌換之中。苛待百姓。故兌換價目。應明白曉諭。則強虐把持之事。自難有也。

由以上各埠。自應從早推廣至向用貨幣交易之左近各省。及督撫地方官最願新制舉行之省。惟推廣新制。須先籌算所有之新幣。足敷市面之需。並政府管轄之權。已定妥善。然後陸續由此省達彼省。推廣至內地各處。按俄之在波囉拉。英之在香港飛獵濱。日本及印度之經歷而論。沿海各省百姓。既已用慣墨西哥及英國貨幣。不久即可習慣新幣。知其市價

貴於銀價。再內地百姓。向不慣用貨幣者。見新幣之利益。可用之還納糧餉賦稅。免受兌換者把持之虧累。則自樂用之矣。

所擬中國國法。外國銀行。大抵皆可心許。然中國定行新制。以金為準。波等匯兌生意。出息自行減色。想遠見之銀行家。不至阻撓整頓。蓋終久新制實於彼等有益。且此事以中國一統財政。有何等利益。雖與彼等私利。苟有關礙。彼等亦不便明出阻撓也。試將新制與銀行關係之處參考之。定准匯價。雖不免失利。然定可望生意中。如借貸及匯票抽水。或即加增。足抵所失。聞印度自匯價立有程度。支匯出息。雖見減色。惟借貸生意。極有加增。據日本銀行家領袖中之某君云。自日本創立用金之國法後。銀行生意。利息加多一倍。查中國生意方法。與別處不同。銀行家難望如此大利。惟近年以內。或可盈餘。頗形起色。足抵所失。查墨西哥生意最廣之數銀行。近數年雖兌匯出息甚重。而冒險失此進款。因知匯價一有准定。洋人來放資本者。定必加增。彼等或可易得經理之差。銀行經理外國資本。及代創立生業。可獲厚利。有此諸項利益。及他日再添多項。遠見之銀行家。必以新制終久。非特與統國有益。即彼等銀行。亦准定可得利益也。

第四章 應需專家相助

精通創設及管理歐美國法之華人。即使有。亦無幾。故欲辦理新法妥善。應請西洋專門管理鑄錢局及總理國制者。惟一切事理。華人經辦者居多。所聘洋員。應按中國委員體制看待。惟最少起首幾年洋員管理。應有大宗裁量之權。以期得有熟練人之幫助。及昭信取而望成效也。

今欲盡力相免各國滋生嫉妒之心。所應請之數洋人。創立及管理新制。宜由各國擢選。且所用之人。不可稍視爲外國政府之代表。此實爲中國及新制成效之緊要。可無疑也。洋員須馳名專家。爲中外商人及諸政府所相信託。該洋員等係中國委員。理應十分看守。及保護中國利權。並亦爲此起見。所有彼等一切辦理之方法。應統行廣告大衆。有以爲相宜之事。各上條議。非特司泉官每月造出報告書。詳載錢幣情形。內包消流若干。借貸若干。外國信用借貸票若干。及歐洲各國向例所刊刻之別項情由。此外中國自准有干涉償款諸國所委之代表人。於適當之時。檢查司泉官之帳目。然所爲帳目者。僅係向來刻印本。並非國家公帑。但係與國法相關諸項。各國亦無相索檢查之權。惟念國法之成效與否。在乎大衆之信實。昭此信實。爲最易最善之法。即中國政府。自當讓此權於各國。再凡與管理國法有相關一切。中國似宜聽彼等提議及保舉。惟中國及管理國法之洋員。無須聊爲負

擔責任。按照提議而行。

國幣與國法應全行分開。自明顯也。所有各項賦稅進款。自應與國法上之鑄頭進款分開。再所有政府開銷。亦自應與國法各項開銷分開。是以雖將國法一切細情告衆。無人可得國幣消息。是以國幣情形。除由別處照例可得知者。不至洩漏。

雖意謂中國政府以國法成效起見。定須邀請相當人數相助。各國政府除中國若准行嘉許。彼等檢查外。不宜少爲出場。或監理國制。蓋國制頗形緊要。且極深奧。各國政府爲國法事。欲相約齊心。係極難之事。或係全然不得齊心。此無餘疑也。

第五章 國法綱目

管理國法之細情。有須隨新制之發達。相同酌定。惟國制之原本主義。理應預先定准。貨幣應自開辦時。卽定準金價。或先將貨幣。按照其中銀價銷用。日後再改定金價。查各國所派會議大臣。執此議者居少。此節主見有不同之處。惟幣制成全後。須設法保存所定金價。此節衆意齊同。查中國政府應定一單數本位爲準度。該單位定准金重若干。成色若干。以免猶疑單數本位之大小。應按中國之利便定奪。以金單數本位爲準度。其主義係利便商務。查中國與外國來往。商務居大宗。由是此單數本位之體制。應如此交易來往。用之推算記

帳，覺其簡便。若與中國通商各國，有同樣單數本位貨幣，則中國亦可定用此單數本位。惟英法美俄日本德等國貨幣，單數本位，皆相懸殊，無一相同。中國擬立之單數本位，以期與別國國法相仿，其價值似應與美國之五角貨幣，相差不遠。及英之二仙令，日本之金圓，俄之盧布，法之二法郎半，德之二馬克。以上所述各種貨幣其價值大約相等 中國應選與之交誼親近，及商務衆多，且見加增之國之貨幣，爲本國貨幣單數本位之分兩也。

各國所定貨幣單數本位之輕重，大抵與別國稍異。其故一因重行聲明本國之自立，一因阻止別國相等分兩之貨幣，流入本國銷用。獵丁聯邦，不入此例。中國貨幣單數本位之分兩，不必與以上所述各國之貨幣相同。惟其價值須與彼等不大相殊異。故平常零碎交易，容易推算。惟蕙當交易，因匯兌市面，逐日不同，兌換金價，稍有上下，帳目記算，因此覺得繁雜。故中國貨幣分兩，聊與別國相若，無甚緊要。

所定之單數本位，爲貨幣準度。如日本之金元，不必一定鼓鑄。又所定此單數本位數倍大之貨幣，如美屬飛獵濱之皮素，亦可毋庸鼓鑄。若此單數本位分兩，果有定例，並各種小元，按此單數本位之金分兩所定價值，政府須設法保存，則無畏貨幣未有鼓鑄也。雖原意中國流通之貨，以有相等金價之銀銅幣爲主，惟亦應稍鑄金圓。日後銀價或漲，銀幣價值，勝

財政

五十四

三月

於金幣。亦未可知。若預定無限鼓鑄金幣章程。設准鑄單數本位五倍十倍二十倍數之貨幣。照貨價及添鑄費。或免鑄費發換。則或可阻止此等局面。且平常時局。自無來換金幣。蓋百姓覺銀幣尤為適當。與地方局面。亦更相稱。且與政府出息。亦更多也。政府自己可稍鑄金圓。便於偶然流用。以冀有益於民心。並政府支付款項。如果便宜。亦可不時發出金貨。按中國經濟局面。通用貨幣。應以銀銅為宗旨。查中國薪水。每月大抵不過美洋七八元。且時有不過二元至五元之譜。則大抵生計開銷準度階級亦同。於是華人支用金幣機會之少。則自明也。中國統國通用之貨。實係銅幣。此幣逐漸為民間逐日支用之通寶。適當交易。有用銀寶。按分兩秤算。亦有地方支用貨幣。查生意來往通用之銅幣。價值約美國二十之一分錢。*½ American cent* 可想中國交易之精微。是以市面通用之貨。將定係銀銅二種貨幣之單數本位。雖定有金價。其代替本位單數之貨。自係銀元。此銀貨理應有適當模樣。以中國合式。其大小應與墨西哥洋相仿。以冀便當。其所定相等之金價。應設法保存。有提議云。其銀元分兩。應照海關一兩之數。查此分兩之貨。將較墨西哥洋。要大一半。中國各處。大抵交易。刻都以兩數推算。則此分兩與民間習慣所定者。似最相宜。惟因其太大。用不方便。此乃不相宜之首端也。大抵意見。平常交易。與墨西哥洋相仿大小之貨。為最方便。

新幣之名目。或稱爲兩。或稱爲元。無關緊要。所重者。不論何名號。此單數本位貨。按海關銀兩。及墨西哥洋推算。應作若干。須有定律。新貨之價。將隨所定之金單數本位價值。惟貨中之銀。應較所定價值。少一成。或一成半。方妙。此銀貨將有金單數本位之名。爲通貨之主。此外應另有相輔之小洋。或如半元者四分之一。五分之一。十分之一。二十分之一。五十分之一。及一百分之一。或者應加再小之數。如千分之一者。其相輔銀小洋中之大號分兩。諒應按大員分兩數。比例相推。若其分兩稍輕。應其價值稍廉。則私鑄之虞自少。其相輔小洋之小號。分白銅紅銅兩種。此二項貨之料質成數。應如此酌定。而使鑄頭出息甚大。

第六章 維持金銀相等價值

將保存各種銀白紅銅貨所定之相等金價。意爲整理新幣制最難之事。據最可靠之報告。書稱前二十年之間。銀貨之價。按金推測。跌落之或光景。紅白銅貨價之跌落。雖無銀貨之甚。亦約有三成零二或零三之多。

查全球文明之邦。大抵維持紅白銅小洋所定之相等金價辦法。僅限制鑄造數目。及政府允許收用而已。其分兩按其價值。推算甚輕。故無誘人鎔化之迷。且因所值不夥。莫非有昂貴機器鑄造。不能獲得大利。如用機器舉動。則容易緝獲。政府留心商賈生意及銀行應需此

項貨幣若干。則頗易立一限制於發出之貨數。勿使市面此項貨幣過多。以牽動其價跌落之虞。

查銀貨情形不同。其大號銀貨則尤甚。在中國支付適當交易。將自用此項銀貨為大宗。此外若非用之兌換小洋。則如印度中國。然當無兌換之需。大抵久于貯藏此貨者。比藏別項小號貨者較多也。查此項銀幣。係為單數本位之代表。故國家認用之。似應無限制。至認用零碎小洋。自限定極小數目。民間自當統以此項大貨幣。為比量價值之準度。而以別項貨為比量者少也。應定辦理條款。除辦理銅幣之法外。另應籌加別項。

籌擬緊要各條。計開如左。

一、所鑄貨幣數目。應從嚴限制。並統歸政府管理。上節曾載僅此辦法。足以保存所定之零碎小洋相等金價。大約其大號銀貨。不可按照生意。應需嚴行立其限制。此為保存所定之相等金價辦法之中。最行得力及最緊要者。不論何國各種貨幣。特有專用交易之中。須用貨支付。有支付之數不多。應用紅銅貨。其適當來往。須用單數本位貨幣。或此單數本位數倍大之貨。若銀行票券 Bank notes 平常票券 Checks 匯票 Bills of exchange 記賬 Book accounts 及別項常用之法 Other common devices 則自可省五金貨幣也。假所發行之數。

過于生意應須。是以所有發出貨幣。市面未能都用。則貨價定跌。若貨幣照出。則跌落無已。直至貨價與貨中之料質相等為止。政府按生意應需。嚴行限制貨幣數目。為保存相等金價之首端。亦即最要緊之一端也。

二、查貨幣之值。為供求 Supply and demand 相交而定。是以政府自應支用。此貨設遇一尋常不已之求。並收納各項糧餉工款。不推卻收用此貨。則明諭大眾。政府之信重貨幣價值。可無疑也。是以辦法之第二條。即政府收納各項。允許收用新幣。並照所定之相等金價支用也。政府因此將支用之數。與民間生意所需之數相較。成數若干。則各國定不同也。有數國每年國家所用貨幣之數。有民間生意統用數目之四分之一。有生意清淡之國。及生意來往。用貨物交易互換之事尚多。則國家所用之成數自多。亦有國家所用貨幣。其相差之數較少也。此項所需之數。實在不少。民間有信于國家。係誠實之國。大抵此條與第一條辦法。即敷保存貨幣相等金價。毋庸再另添別條也。

三、銀幣通用最多之國。國家常定律認用銀幣。作還官私債款之用。其小號相輔小洋。作此項用。自有限制。或十圓之數。其銀單數本位。則可用於無限也。此條亦可加增一求幣之道。以助保存價值也。

四、尙有別項辦法。維持金銀相等之價。此法爲人時所提舉。並有以此爲最得力之法。其法即政府允准。將以金易銀幣。此說若稍有緊急之更改。可照辦理。惟兌換時不必隨地應付。亦不必給予金幣。其對抵之法。總須隨貿易之形勢。及本國之應需而定。

若是中國通用之幣。以銀爲主。則生意來往。在本國無需金幣。若以金爲鑄造首飾等項之用。則與圓法及生意應需無涉。若首飾鋪因製造需金。如製造銅器者。自備生料。不應再依傍政府。所有與圓法相關。合律求金者。僅爲支付所欠用金爲準國之款項。爲此項用度。無須本國存金。只須有信用借貸之金款。存貯於有支付款項之國。假遇上海商人。欲付倫敦金債。前赴銀行。設法還債。該商無需將金運往倫敦。僅需憑券一紙。在倫敦支取金款。由是辦理幣制。中國政府常設一信用借貸於歐洲。俟有商人有此種合例之用。即可由此款給予匯票。荷蘭近三十年之辦法。與此大致相仿。並印度數年試驗。終久定此辦法。在荷蘭國民銀行。爲政府代理管轄通貨之權。不永遠准支付金與持銀幣或銀行鈔票來換之人。荷蘭之科爾登 *Silver guilder* 銀幣。不能易換金幣。惟政府數年以來。申明若欲金子還洋債之用。准以科爾登元及別項本國銀幣來換。似此對抵之法。加之政府管轄製幣。及該政府聲明之殷實。來以銀換金者甚少。且此法即遇市面緊急之時。亦久已足敷維持金銀相等

價值之用。

爲保存金銀相等價值。政府無需爲出口之用。或還洋債。永允以金易銀。若勿牽動金銀幣在內地交易相等之價。及勿損毀本國生意。中國政府無需驟允將圖法及存貯金款爲商家之用。可俟銀行不能代爲設法支付外國金債。或因匯票價目昂漲之故。方允以金易銀。支付外國款項。往往終以最相便宜之貨。運往作抵。假使該國聲明殷實。國中通流貨幣亦多。則有時將金幣運往他國。逼令合宜貨之價值賤跌。以便出口。尤覺便宜也。抑將錢幣運出支付債項與否。大抵在乎通流貨幣與生意應需相差之上下。假使國內錢數罕少。並顯係五金錢幣。則此幣以貨物比例。覺其昂貴。或以別語申明之。則貨物價值。以錢幣比例。覺其低賤。似此局面。則用貨物而不用錢幣出口也。設因市面清淡。或因鼓鑄錢幣過多。則市面之金錢數目。過於應需之數。似此局面。貨物價漲。利息低跌。收買金貨。較收買貨物尤廉。匯價見漲。則大抵運錢出口。支付欠項。或付別國在本國所放資本之利息。假使本國所用之錢。非金實是銀幣。或鈔票。並其數過多。則金匯票匯價及貨物價目。由銀幣或鈔票推算均漲。似此局面。則恐須將金出口也。

由是觀之。中國政府。僅需申明在平常時世。民間欲金或銀。爲支付洋債之用。需向銀行或

商家支兌。政府僅能看金之時價。其時因求者甚衆。價頗尋常。方准支兌。若至匯往歐洲。價目頗過於所定金銀相等之價。政府允准支收銀幣。或銀幣之代替出賣金票。似此辦法。莫非國內銀幣數目。當時過多。或因市面清淡。或因鼓鑄錢幣過多。方需支用。歐洲之存貯款項也。假平日倫敦匯價。新式銀幣。一元換二仙令。政府俟匯價漲至一元零二分換二仙令。方允賣票。當爲出賣外國金票。所收進之銀幣。藏於國庫。不再發出。則市面錢幣漸少。由是運貨出口。較運錢幣出口。尤覺便宜。蓋幣亦因少而見貴也。

反復觀之。或因錢幣停鑄。或因生意振興。需錢加多。則市面見少。商人因此或許交付金子於中國國庫。或當交於中國在歐美之代理人。以便在中國支收銀幣以付欠項。或用之在內地購買貨物。如此辦法。中國之幣制。可自操縱。以副商務應需之漲落同時。政府別無肩任。莫非時局變遷。此亦罕有之時也。參看第三十六頁

假存貯金款。專爲維持金銀相等之價值。價在平常時局銀行願埋商務之應需。則存貯數目。不致煩重。在印度。其通流貨幣。有一千八百兆羅比之譜。約合英金鎊一百二十兆。其存貯金款。頗不足英金十兆鎊。約合其貨幣百分之八零三分之一。尙不足一成之數。譯者註。方此存貯數。已見足敷商務將金出口之用。即多時進口貨頗多於出口貨。其勢急求金出口。

至此時局。將通流貨幣減少一成半。或二成。以冀阻止此勢。並逼令貨物價目低跌。由是可將貨物運出。以代金幣。支付外國欠項。然此法尙難如願。蓋誠難自信也。

因用此存貯金款之時甚少。則商辦此存款。作爲出賣匯票之用。想不爲難。且不致昂貴。此存款數目。自不能無限。但需用。並其年數亦不能無限。俟期滿後。可再重訂。閱歷數年。若可顯中國辦理此事之善良。則存貯款項之需。及商訂此事之難。又頗形減少也。

照以上所指辦法。如在地方交易。定可維持金銀相等之價而無疑。即由存貯款項。出賣匯票。亦收匯水。雖有時此水極高。不至與地方局面有關礙也。

假使因辯論起見。時局出於尋常市價。與所定之金銀相等價值暫行相差。相差之數。約百分之二。或百分之三。其時仍較前數年之局面。及較有統一貨幣。其貨幣價值。隨銀價跌落者。尙優於數倍也。是以切記於心。因極力籌畫。使新式銀幣。開初即定有金價。並設法維持此定價也。

各省理財彙誌

江蘇 蘇州關稅務司以蘇屬各商行裝運蠶繭經過蘇關時報納繭稅每百觔向除包皮五觔而內地釐金章程經過局卡則每百觔除十三觔取巧商販每避重就輕藉以繞越特

照會上海好稅務司內地牙釐局督辦擬自本年起的酌量變通現議適中定扣勛兩以每百勛除包皮六勛云

福建 福建船政大臣電告外部擬借法款洋五十萬元外部以船廠既用法人經理今又向法借款勢必多所牽制業已電復囑向他國商借且不可以船廠作抵須由船廠自行籌還

湖北漢陽鐵廠之大冶鑛局訂借日本興業銀行日金三百萬元以三十年為期年息六釐合同畫押之日先交一百萬元以後分兩期交清每期三箇月利息照每次收到之日起算近借到日本興業銀行第二次日金一百萬元已由督辦盛宮保發給借券
廣東粵督岑雲帥已籌得練兵處的款二十萬匯解至京

各國財政彙誌

日本 日人自開戰以來所募軍餉至正月二十九日截止共一百二十六萬四千五百元計東京二十四萬八千七百八十三元北海道十八萬九千六百十六元大阪九萬五千三百八十二元神奈川七萬三千七百七十三元山形七萬八百六十五元愛知六萬二千四百五十四元兵庫五萬三千三百六十六元京都四萬五千三百二十八元查甲午之役國民所

獻軍費不過十六萬八百元庚子拳匪之役十萬七千六百二十九元此次所獻之款如其多敵愾心深亦可見矣 日本國債票爲數甚鉅計貼款一萬六千七百十二萬八千三百五十圓賞項一萬一千五百六十四萬一千一百五十圓海軍八百二十四萬七千三百圓舊款三百九十五萬零一百八十一圓鐵路五千四百八十二萬六千六百五十圓工藝一萬四千三百十八萬六千八百五十圓緞夷鐵路五百五十九萬二千五百圓臺灣工藝二千三百七十萬七千九百圓稅券一千萬圓統計其數亦不亞於中國賠款之鉅 日廷自備軍需以來以開支浩繁特派委員二名前往倫敦紐約貸銀一萬萬元因此事無成復在己國境內出借券一萬萬元然此有限之款終難敷戰事之用不過僅能支持數月考近日該國水陸軍需每日約三十萬元其數誠巨也 日本政府戰時財政其畧現已議定宣示全國其所支出者本年三月以前一億五千六百萬元內五千萬元業已支出者 四月以後本年內之預算三億八千萬元預備金四千萬元合計五億七千六百萬元其所收入者增稅六千八百萬元歲計剩餘金四千七百萬元特別會計籌辦資金五千萬元一時借入金四億一千一百萬元合計五億七千六百萬元 日本戰時財政現經松方伯井上伯在大藏省會議擬定進項稅五百萬營業稅五百萬砂糖稅七百四十萬烟草專賣稅四百萬醬油稅一

財 政

六十四

三月

百萬酒稅二十萬印花稅四百萬地租三千萬此外更有絹布稅四百萬鹽稅二百八十萬及其他海關稅消場稅四百萬總計約七千萬元

俄國。俄國現由國費內撙節而得之數已至一百三十四兆羅布欲由其中撥取五十四兆以築鐵路如再不敷尚須募集外債云 俄京傳稱俄國政府決意將平日藏款發出助餉再由各處節省以充添築鐵路之費計所節省者約有英金十三兆鎊云 俄人已將牛莊稅則改爲值百抽二十五

英國 倫敦電英國財政共缺英金五百四十一萬五千鎊預算來年入款一百三十九兆零六萬鎊而出款須一百四十三兆八十八萬鎊財政大臣不願將短少之數屯積故擬多籌一兆鎊以補不足今擬於入稅項下加抽一本土每茶葉一鎊加抽兩本土雪茄煙加抽六本土紙煙加抽一先令又定新稅煙葉未入口之先加稅三先令三本土第由煙葉一項可使財政加增三十二成其出口時又擬退回若干成如此則英國煙葉出口可望加增由此稅項下可增入款五十五萬鎊由入口稅項下可增兩兆鎊由茶稅項下可增兩兆鎊糖稅則仍如舊至加增茶稅之議雖已批准惟議員反對者仍有二百六十五人贊成者祇一百九十三人而加增煙葉稅之議贊成者二百人反對者一百零六人亦經批准施行

實業

論煤鐵鑛之利節 甲辰第六期商務報

鑛物爲地球中無生氣之物。其播布聚散。多因前世界地質變遷之故。非如動植物。關乎地球表面之氣候如何也。中國於鑛學素昧講求。往往開採經年。成效莫覩。徒擲巨貲。良可慨也。惟是鑛物之種類雖繁。可以兩言括之曰石類曰金類。石之類不一。凡被以至高之熱度而不熔爲流質者皆是也。而無往不有者。莫如煤。金之類不一。凡被以至高之熱度而卽變其定質者皆是也。而所在皆生者。莫如鐵。蓋煤與鐵出產富而採取易。價值賤而需用繁。大而汽車輪船小而飲食烹炊無一不需。況產煤之富足供全球二千年之燃料而有餘。而出鐵之山則千里往往。山出碁布。昔曾文正公嘗曰。中國開鑛。惟煤鐵最有把握。諒哉斯言乎。

然則中國既具此莫大之利源。願乃一言開鑛。輒十九傾其貲本者何也。曰是蓋震於開鑛之名。而過於鋪張揚厲之故。是蓋不知鑛礱有一定形勢之故。是蓋素不諳勘鑛之法。而過信洋鑛師之故。夫不知鑛產之多寡。而概以銅山金穴預爲擬之。由是局廠之崇宏。與衛之

實業

十九

甲辰

赫煊。僕役之繁多。在在浪擲其成本。而又不明乎勘鑛開鑛之定理。謂非延聘鑛師。不足以爲先路之導。而機器價值。鑛師薪貲。亦動以鉅萬計。故有鑛未開而貲本已罄者。有鑛已開而得不償失者。以致所採之煤。所煉之鐵。其原值率。視市上之煤。鐵。增至倍蓰。又不得不賤價求售。以資周轉。日積月累。成本雖多。終歸烏有。此所以一言鑛。輒十九傾其貲本者也。今欲去弊以求利。亦惟改絃更張。以適其宜而已矣。曷以適宜。曰宜。盡革辦鑛之積習。宜洞知鑛槽之形勢。宜自開鑛務之學堂。宜研究採煉之成法。

從來內地之辦鑛者。殷商大賈居其半。達官貴人亦居其半。故無論官辦商辦。與夫官商合辦。其人必漸染官場之積習。鑛工之勤惰。罔弗及知。鑛利之贏絀。亦弗暇計。不知辦鑛爲商務之一端。必須事事躬親。時時撙節。而後款不虛糜。利皆實獲。況當開辦之始。成效未彰。獲利與否。尙難逆觀。謂可以有有用之財。爲無益之費乎。故辦鑛之積習。不可不革除。若夫機器之應用。與否。當視乎鑛槽之形勢。以爲衡。其大要則有三。等有無需機器者。有略需機器者。有全需機器者。何則。凡中國各省。南北直向之山。其層石中。均有煤鐵相間而生。大山則爲斜綫。小山則爲直綫。平地則爲平綫。或稍帶斜綫。而有上聯下聯。正聯內聯。外聯之不同。然山爲地中之石骨。山斜出於地。則石骨亦斜出而上。而煤鐵各鑛。卽隨山脈之蜿蜒。

變起伏。無論千里百里大都視山脈之起訖爲起訖。於是鑛之層次厚薄質性老嫩成分輕重。遂因之而殊。即礮口之高低隱顯亦因之而殊。所謂礮口者鑛地之由是施工者也。然有開口有閉口。平進者謂之洞。直下者謂之井。蓋兩山之間必有澗焉。山則上銳而下寬。澗則下狹而上廣。而其旁皆爲斜綫。澗甚寬而兩山遙對者。知鑛苗不在山脊而在山足。試循斜綫以求之。則礮口立見。是爲開口。卽由礮口以施其椎鑿。平行而進。愈進愈深。厥名爲洞。此可用中國古法。而不必機器者也。其有澗甚狹而石壁層層合縫者。知鑛苗必深入山腹。須鑿山麓爲隧道。隨斜綫以知鑛所在。是爲閉口。然礮口儻可平行而進者。厥名亦爲洞。此仍可用中國古法。如察知礮道過深。則當用鑿石機器以節人力。此不得已而畧用機器者也。惟鑛苗旺而皆隨斜綫深入地底。須直下數十百丈。而後得鑛。既得鑛。則左宜右有。取之不竭者。必須先用挖泥起重之機器。如鑿井然。自上而下。厥名爲井。其鑛苗卽以起重之機引出之。其下或遇泉脈。則當用抽水之機。或其下過深。風不能入。且不能開。旁出之井。則當用吸收空氣之機。此鑛之深入地中。中國之古法。有時而窮而不能不全需機器者也。然鑛產所在。可以開洞者。十之七。必須鑿井者。不過十之三。日本謂不用機器而以人力開洞者。爲狐掘。以其方法簡便。費用甚輕。故內田郡境內有一英里有半之地。狐掘多至六十餘處。

者謂井。謂豎坑。費用最鉅。開鑿最難。又中國古法。開平地之鑛井。亦有深至十百丈者。惟水至則棄去。此可見中外古法之開鑛。皆以審察磴口爲先務。而不在徒恃機器矣。故鑛磴之形勢。不可不周知。

鑛磴之形勢。既已周知。則鑛師可以無庸矣。西國鑛務學堂。金錫煤硫各鑛。俱有專科。而領有卒業文憑者。咸稱鑛師。中國之開鑛者。並不問鑛師之所習何科。輒以重聘。羅致深信不疑。遂至不惜巨貲。以酬業主。許給重利。以攬股東。泊鑛磴既啓。而所獲不如所亡。開鑛者方追悔無及。彼鑛師已滿載而歸。此皆由於平日未嘗研究鑛學之所致也。夫煤爲洪荒時草木積壓之質。鐵爲大地內水土妙合之精。西人所著鑛學各書。班班可考。略爲寓目。已可得其梗概。與其延聘鑛師。不如講求鑛學。苟能自設一鑛務學堂。則三年之外。學堂所造就者。皆有鑛師資格。無論何鑛。皆能自行察勘。吾故曰。宜自設鑛務學堂。

至探煤煉鐵之法。則又不可不分別研究。者洞煤採法。爲平行而進。愈遠而愈闊。然煤質甚鬆。常有覆壓之患。宜於闊處。留取未鑿之煤。或作柱式。或作牆式。以撐拄之。井煤採法。爲直絕而下。愈下而愈深。苟磴口不廣。必有崩墮之虞。宜於井中。四周架以橫木。層累不斷。以爲井內之闌。即藉作鑛工升降之用。至於井洞深處之黑暗者。用油火恐誤觸煤氣。致遍地皆

燃。宜。用。銑。瓶。代。之。銑。瓶。者。取。玻。璃。瓶。一。枚。注。以。橄。欖。油。及。瓶。之。半。投。燐。質。其。中。即。爛。然。發。光。
 及。煤。已。出。鑛。則。常。籌。輸。送。之。法。苟。途。遠。且。險。則。運。費。必。昂。售。煤。之。價。將。不。足。以。償。採。煤。之。費。
 然。使。出。產。果。饒。則。當。籌。集。鉅。款。建。築。鐵。道。以。便。輸。送。若。夫。煉。鐵。之。法。則。當。先。審。鐵。鑛。附。近。所。
 出。之。煤。質。何。如。煤。質。果。淨。可。徑。凡。生。煤。煉。之。煤。質。苟。雜。當。改。用。木。炭。煉。之。蓋。鐵。之。所。必。兼。
 產。煤。否。則。必。產。木。炭。挹。彼。注。茲。至。為。利。便。然。煉。鐵。以。木。炭。為。上。焦。煤。次。之。生。煤。又。次。之。其。法。
 於。附。近。冶。爐。之。所。砌。一。石。窰。取。鐵。苗。與。生。煤。層。疊。堆。積。封。其。窰。頂。煨。一。晝。夜。然。後。開。熄。其。似。
 鐵。非。鐵。者。經。火。必。變。色。毀。碎。當。揀。出。之。取。鐵。坯。入。冶。每。鐵。一。層。夾。木。炭。一。層。須。炭。多。而。鐵。少。
 如。是。者。更。煨。一。晝。夜。其。鐵。即。鑄。為。鐵。汁。瀉。入。爐。底。結。為。生。鐵。彼。司。爐。者。復。取。鐵。坯。木。炭。陸。續。
 加。上。鐵。汁。復。陸。續。瀉。出。隨。瀉。隨。加。源。源。不。絕。蓋。炭。有。黏。性。不。至。結。滯。縱。有。時。混。入。鐵。中。然。重。
 經。煨。練。即。歸。烏。有。近。西。人。因。木。炭。價。昂。改。用。焦。煤。儻。分。鐵。不。清。則。攪。以。石。灰。第。煤。質。雜。者。
 即。焦。煤。攪。灰。分。鐵。亦。不。清。煤。質。淨。者。即。生。煤。加。灰。其。出。鐵。亦。可。用。是。以。中。國。內。地。若。湘。漢。滇。
 蜀。各。處。產。鐵。之。區。業。此。者。皆。膠。執。古。法。仍。用。木。炭。有。以。焦。炭。試。入。冶。爐。者。攪。灰。則。化。不。攪。灰。
 則。滯。爐。主。重。視。成。本。不。敢。輕。為。嘗。試。也。惟。近。年。以。來。木。炭。少。而。價。日。昂。焦。煤。多。而。價。日。賤。將。
 來。必。有。改。用。焦。煤。之。一。日。至。於。用。機。器。煉。鐵。雖。每。日。可。出。十。餘。噸。至。三。四。十。噸。之。多。然。按。之。

中西古法。皆可不用。惟既成。生鐵板。以後所有。煉生成熟。煉鐵成鋼。及製造重大各鐵器。則非機器不爲功。此外則無取乎用機器者。試觀漢陽鐵政局所屬大冶之鐵礦。何嘗不佳。然以用洋匠管理。用機爐煅煉。及附近無煤。石灰須由遠道。致之故。遂至每煉成鐵板一噸。並薪工各項計之。其成本約需銀五十兩之外。而市上所售最上等之鐵。每噸價銀不過三十餘兩。儻民間私設之廠。亦皆浮慕西法。從而效尤。當無不一律。閱良以西法之煉鐵。雖善出鐵雖多。然用之工價極貴之處。則爲計固得用之工價甚廉之處。則無利可圖也。吾故曰。宜乎究採煉之成法。

是故綜前四者而觀之。明乎弊之所在。即明可利之所在。弊既盡除。利斯可保。況煤鐵爲工藝製造之元素。儻能開採日多。則快鎗巨礮鐵軌輪舟。以及各項機器。皆可自行仿造。而洋鐵洋鋼之進口者。必日見其少。即煤斤之進口者。亦必日見其少。西人嘗謂獲金銀之礦。不如獲煤鐵之礦。蓋以其利源之大。實超過金銀之礦之上也。是所望於中國商民之留心礦務者。

商部奏擬訂鑛務暫行章程摺

竊臣部於光緒二十九年十月間。奏定鐵路章程摺內。聲明鑛務章程前經欽奉 諭旨飭

令劉坤一張之洞採擇各國鑛章詳加參酌現在張之洞尙未議定應由臣部先擬試辦章程等因奉 旨依議欽此欽遵在案今張之洞業經回任聞其於泰西鑛務各書編譯尙需時日臣部自奉 旨綜綰鑛路事宜責有專歸目前風氣漸開各商紛紛請辦鑛務若無定章准駁難期畫一況事關華洋交涉尤宜審慎周詳查光緒二十四年十月間路鑛總局曾經奏定鑛務鐵路公共章程二十二條二十八條二月間外務部又經奏定鑛務章程十九條以上各項章程覈諸現在情形均有應行修改增補之處臣等公同商酌擬定鑛務暫行章程三十八條開具清單恭呈 御覽如蒙 俞允卽由臣部通行各省遵照並咨明外務部照會各國駐京大臣備案嗣後俟張之洞輯有專書仍應歸併辦理謹 奏奉 旨依議 欽此

外務部通飭南洋各屬承辦鑛務文

查光緒二十四年八月間欽奉 諭旨各省如有開辦鑛路借款及一切交涉事件均須於事前將辦法詳細奏明聽候朝廷酌奪毋得擅立合同致多窒礙等因欽此查近來各省辦理鑛務未能畫一現本部堂聲明向章於光緒二十九年十一月二十三日具奏請 飭下各省將軍督撫嗣後無論華洋商人訂立合同請辦鑛產務須遵照前奉 諭旨先行咨

實業

三六

三月

明本部暨商部詳細覈議俟將合同核定後照案奏明請旨遵行毋得違將所擬合同擅行訂定致多窒礙等因本日奉 硃批依議欽此相應恭錄 諭旨咨行查照遇有華洋商人請辦鑛務應將所擬合同先行咨部核辦

一 兩江總督魏飭江南機器製造局總辦沈籌議整頓裁併事宜札

上海機器製造局節提經費移建分廠一案前經本大臣酌擬整頓及裁併各條並每年節省經費數目嚴飭該局會商籌辦在案茲已派該道前往接辦究竟現在應如何辦法分廠應如何建造新機應如何購買亟應統籌全局悉心研究妥定詳細章程以便奏咨立案特將酌擬整頓舊局分建新廠亟宜與辦各大端分條列後一工匠宜變通成法也查從前槍廠日僅出槍七枝自毛道整頓後日可出槍十枝若再添設機件日可再出槍三四枝以期逐漸擴充是全在督飭之力嗣後各廠小工作則歸點工大工作則歸包工責成本廠委員率同匠首於驗收時逐件考察倘不合度飭令改換如再不合罰扣工資工匠中有手藝優長者隨時獎加工食項劣者斥革一工匠宜嚴加搜檢也聞該局所設稽查處不過於每日放工之際派人看守局門並未嚴密搜查不肖工匠私竊物件朦混出廠在所不免亟應嚴飭各廠員司督同匠首隨時稽查於放工時如有形迹可疑者認真搜索獲即重辦一庫房

存料物宜分別變賣也該局庫房現存有銅鐵渣屑及從前購存不合用之料所值頗鉅亟應遴派公正員司逐漸考求有可設法搭用者留之若實不能搭用及笨重銹澀者可以拍賣得有鉅款以之生息亦可補新廠經費之不足一局內護勇宜酌復舊章也該局護勇本為防範各廠起見自裁撤後飭礮隊營勇輪流供差何能專心緝查亟應將舊章酌量變改除前後各門仍派護勇看守外其餘各廠均由本廠委員遴選勤慎小工充看門支更等事既歸廠員節制自不敢稍有疏忽非獨口糧較廉於護勇也一礮隊營勇宜規復舊制也查礮隊營專為操習槍礮而設名曰礮勇實係學徒必須年輕識字者方可入選教以礮表算法準頭步伐諸技隨時考校俾令識藝兼資並得局廠守禦之助立法甚善亟應查照舊章妥為辦理一新廠地基物料宜繪圖估核議購也分廠工程浩大須將廠地圖繪出以便委員前往估工所用磚瓦木石等料尤須格外斟酌應在建廠地方就近議購期節運費以上各條該道立即遵照會同江海關袁道詳晰妥籌辦理

奏定暫行鑛務章程

第一條本部欽奉 上諭飭將鑛務鐵路歸併管理欽遵在案其鐵路章程業經本部奏定所有鑛務光緒二十八年二月外務部所定章程聲明此外未盡事宜隨時增損以期盡善

現經本部酌訂作為暫行章程除以前已辦各礦及業經議定之處仍照原定合同辦理外其有援引前章及前准各省辦鑛成案請辦者概不准行 第二條凡稟請辦鑛應由本部發給執照為憑未經發照以前不得舉辦今將執照分為二等一為探鑛執照一為開鑛執照 第三條鑛地無論係產何種鑛質必須為 國家官地方能發給執照若係有主之地則須與該地主商允地價或願作股分報明立案方准稟請給照如該鑛地為國家必須開採之處應由官公道給價購買地主不應抗違 第四條無論中國商民承辦或華洋商合辦如欲請領探鑛執照或開鑛執照者應照下列各款詳細稟明本部或稟由該省地方督撫聽候確查於地方情形有無窒礙並有無違背定章由部酌核准駁各款列後 一稟內須載明請辦人姓名並何省何縣人或一人或數人的係自辦並不轉售 二華洋商人合股者應聲明該洋商係何國人占有洋股實數若干 三稟內須將鑛地四至遠近大小若干方里合計若干畝數繪圖貼說以備查核 四稟辦人係採掘何種礦產應開列清楚 第五條請辦之鑛地不得逾三十方里其地須彼此連屬且長處不得逾闊處四倍遇有墳墓所在其打鑛掘井須設法繞越萬不能繞越者應行優給遷埋之費 第六條稟辦之鑛地如有人稟准在先或係公家應用要地均不能給予執照由本部查明批駁 第七條

以下

凡請領探鑛執照領照後非遽准其開採但許在照內所指之地就其浮面探驗苗線不得過於深邃亦不得過於廣闊 第八條探鑛執照以一年為期期滿如實未探竣應具稟呈明查無虛誑准予展限至多展至一年為度 第九條探鑛照內所領之地民地仍按賦則由地方官收納錢糧其官地則每畝每年輸租以庫平銀一兩為則所領探鑛執照每紙繳費計庫平銀五十兩領照後先向地方官將全年官地租銀繳足方准開工如准展期並於批准後續繳一年 第十條請領探鑛執照者須將該地四至界限坐落何處廣闊若干就近稟由該省地方督撫察驗該地是否與民間無礙其人是否公正家資是否殷實請辦各節有無違背 奏定章程如查與上項無所違礙應即咨明本部覈辦或該商逕行具稟本部聽候咨行該地方督撫查明有無違背上列各款俟咨覆到部分別准駁 第十一條如鑛地實為他人私產未向地主商允稟准給領探鑛執照任意勸探者一經地主告發應計所失照值賠償 第十二條領有探鑛執照者於限滿四箇月內將該地鑽掘處一律填平其屋宇樹木或勘探時致有損壞並須修葺如舊倘屆四箇月續領開鑛執照者不在此列 第十三條 以下為無論華商承辦及華洋商合辦如欲請領開鑛執照必須將探鑛照繳銷呈明集有的實股本若干請開何種鑛產並聲明股款現存該省殷實銀行票號由

實業

三十

三月

該行號出立保單呈驗以憑查核 第十四條原稟領照人無論開辦以前或已辦之後如欲將執照轉授他商應具稟本部聽候准駁倘私相授受一經本部覺察將原稟領照人從嚴懲罰鑛照撤銷鑛工入官 第十五條凡經領有開鑛執照者應准領照人在執照所指之地掘取礦產並准將工程所需各機器各材料運至開採之地除照章完納關稅外其內地釐卡概免重徵夾帶並非開鑛應用之貨應照章開辦 第十六條集股開鑛總宜以華股占多爲主倘華股不敷必須附搭洋股則以不逾華股之數爲限具稟時須聲明洋股實數若干無得含混并不准於附搭洋股外另借洋款倘有朦朧准開辦者查實即將執照註銷鑛地充公 第十七條請辦鑛務應先估計鑛工大數需用若干萬探鑛既有把握一面即應招集股本須股額足數方准請領開鑛執照開辦後若因工艱費鉅爲集股時意計所不及致有不敷並難續集股本擬暫借洋款以資周轉如稟辦全係華股應准以機器房產等抵借若干年期概不准以鑛地抵借其借款之數不得過原估用款十成之三應先稟明本部聲明借數年期及何國商款並聲明商借商還 國家並不擔承字樣候本部核准辦理至訂立合同應加繕一分呈部備案不得私有更改 第十八條嗣後華商請辦鑛務如未經稟明本部逕與洋商議訂合同以鑛地抵借洋款一時朦朧准或開辦後將該鑛工密售他

國人民原領照人坐收出名之利益凡此情弊經地方督撫及本部查實卽視案情輕重照第十四條一律辦理 第十九條請辦鑛務如係附搭洋股者不論領照係探鑛係開鑛除稟呈本部聽候批示外應稟由外務部查核以定准駁至洋商既願附股卽爲甘認此項各款章程一律遵守勿越 第二十條華商公司如稟將執照所領鑛工辦有成效續請展辦附近鑛務而股本不敷擬附搭洋股展辦者應具稟本部詳晰照章聲敘以便分別准駁批准後應另給執照辦理不得與前辦之華公司有所牽混 第二十一條鑛廠如須安設巡兵護廠應先稟明地方官核准巡兵應專用華人除管理機器經理帳目外一切工作尤應專用本地之人如本地人或有齊行罷工等事方可招雇鄰近郡縣之人仍不得用他國人至所需巡兵口糧教練經費均由鑛廠籌備若欲附設鑛務學堂以儲人才並准該廠酌量辦理 第二十二條轉運鑛產欲造小枝鐵路以資利便應查明相距幹路或水口是否在十里以內與該處地方有無窒礙稟候本部核奪若在十里以外者應另案稟辦 第二十三條開鑛執照所領之鑛地在十方里以內應繳照費計庫平銀一百兩多一方里加費十兩以三十方里爲限並向地方官呈繳第一年每畝之額租開辦後無論華商及華洋商地方官均應一體保護惟不得干預該商辦事之權遇有虧折悉照中國 國家所定條律辦

理 國家例不償補 第二十四條請領執照人經部准辦後無論華洋商應自批准日起限六箇月開工並將開辦日期報部逾限不報即將執照註銷招商另辦倘實爲意外事端所阻亦須稟明本部查無虛飾方准酌展 第二十五條領照人須將所領鑛地周圍豎立界石以示界限並須設立合宜防備之法以免鑛師及鑛工有意外之虞如既設法防備仍遇意外各事當就近稟知地方官查訊若有傷斃鑛工人等須妥爲撫卹其卹銀多寡應衡情從優酌斷 第二十六條探探礦產現時中國尙鮮專家應准領照人聘用外國礦師該地方官應實力保護如有膜視立予參處該鑛師亦當自守禮法倘不知檢束咎由自取准地方官知會該經理人斥退另聘不得徇庇 第二十七條各省鑛務地方該管上司應飭屬曉諭彈壓遇有土人因事爭執或工役滋事准由就近州縣持平辦理尤應嚴禁胥吏藉端訛索該地方官如辦理不善經人稟控由本部確查得實從嚴參處 第二十八條凡因事爭執若全係華商就近地方官當秉公剖斷倘兩造不能平允准具呈本部核辦不使兩有虧損至華洋商遇有糾葛應由兩造各舉一人持平判斷如判斷人意見彼此未洽應再合舉一公正人不論局內局外皆可從中調處兩國國家均無須干預 第二十九條稟准給照後即可訂立開鑛合同所有未盡各事宜均准詳細開載不得與所定章程稍有違礙

訂立時應先照繕一分呈部核准方可發押 第三十條開鑛執照以三十年爲期如欲稟請展限須於期滿六箇月前呈候本部核斷除該鑛地爲 國家另有要需不准再展應行酌估津貼收回外其准予展期換照者照費如前照納 第三十一條領照人業准於照內所領地界開採鑛產惟該地界內如有他人物業及他人已有之利益則應將此處畫開不入界內並應於請領開鑛照時稟明俾註明照內以免爭執若一時朦朧准經人控訴查實議罰 第三十二條鑛地所產之林木有爲公家所需者不得任意砍伐若領照時聲明酌伐以供工程之用等情則應候本部審察地勢以定可否如可照准即將該地畫明照內此外不得擅動所砍林木應照時價納值 第三十三條鑛地租第一年既先行繳納第二年如未得鑛產仍應照納如額得鑛產後則照輸出井稅而租稅例不并徵以示 國家恤商之至意惟無論租稅逾期三月不能照輸者應將鑛產及物業一併封禁俟繳楚揭封延至六箇月仍未清完者即註銷執照將鑛地收回 第三十四條鑛產出井視品類之貴賤以別稅則之重輕等次大略列後其稅則未經載明者比照後開之類抽收至從前已定合同各鑛內有稅則未經議定者亦一併照此徵收如煤銻砂鐵白礬砂值百抽五煤油銅錫鉛硫黃硃砂值百抽七五金鉛銀水銀白鉛值百抽十鑽石水晶各種寶石值百抽二

實 業

三十四

三九

十 第三十五條鑛產出口關稅仍照稅關章程徵收納此稅後其內地釐卡概不重征此項稅款應由稅關另儲聽候撥用 第三十六條鑛務公司應隨時將所得鑛產列表登記各種所產之確數並載明運出某口若干均產幾種或美或劣每季開具清冊報部備案本部或派員至該鑛地稽查或向稅關核對數目如與冊報不能符合應量予懲罰 第三十七條凡發給探鑛執照應由領照人繳呈著名殷實行號保單擔承銀五千兩開鑛執照擔承銀一萬兩此項保銀係擔承領照人遵守照內及部章所載各款違者罰令充公 第三十八條華商請辦鑛務倘能獨出資本至五十萬兩以上查明鑛工辦有成效由本部專摺請旨給予優獎以示鼓勵 以上各款按照光緒二十八年 奏定章程略有增減作為承辦鑛務暫定章程應俟參訂鑛律編輯成書再行因時損益

各省農桑彙誌

北京 南苑荒地招人承墾原定領價甚賤現有墾熟者地價比當時約加三倍除去工本仍有利益

山東 即墨素無種桑者以未知種桑之利也邑人楊生友曾客湖州旋里極言桑利之溥特捐資設局收買桑秧種植畝許今且移栽掖濠兩岸云 濱州江秀芳大令因境內田

故多皆鹹質不宜五穀而種樹亦可獲利乃於聽訟時見有案輕宜薄責者罰令種桑棗楊柳等樹若干類以贖罪

江蘇 江甯派辦處司道派委朱大令錫甲專辦蠶桑公所已於城內勘得荒地六百餘方擬即築牆造屋種桑飼蠶並栽種各項果木名曰江南蠶桑樹藝公所 蘇城農務局設於南園南禪寺近已訂定章程招令紳商領地墾種一年以內不取地租二年以後方始升科並另購桑秧給種現擬先行委員赴浙採辦桑株以備發給栽種

安徽 安慶府桂太守擬捐廉俸購到湖桑數千株示諭居民赴府領種並自編養蠶要訣分給種桑養蠶之家

浙江 聶中丞札行餘杭新昌縣三邑設立考驗蠶種官局每蠶紙一張提取驗費錢四十文

福建 福州居民多從事於實業南臺太平行商劉某曾集股鳩資在下江尚幹一帶栽種桑樹百二十萬株云

湖南 黔陽縣徐大令擬設農務公司以墾荒種植為主現已集股開辦並自行捐廉及酌提地方閒款以資應用

廣東 粵東蠶業研究社已假西樵簡村開辦癸卯年岑制軍電取浙江蠶學館蠶種四十餘紙給發各地蠶家試飼陸續上簇蠶體大而且長倍於粵蠶各地求詣該社參考者均欲分給種子社員以事屬草創未敢率爾誤人俟成效大著乃始販給蓋粵土蠶種敗壞實由製種家將劣弱繭種製紙之所致也今已選擇食旺蠶子用藥水貯玻璃瓶以資研究所結繭壳亦較土種為大且色澤潔白皆為驚異可知改良之法不可不研究也

海外殖民

福建黃孝廉乃裳昔年游歷南洋羣島擬覓地開墾以為貧苦閩人託足之所嗣借其培林君文慶即現充新嘉坡英國領事員者至沙羅越洲希鵝埠覓得羅洋江兩岸之地各二百餘里請於沙羅越王立約十六條回閩招農開墾聞前經招致農人一千名前往耕作頗獲成效現擬再招一千人並在閩招股以期大興其利

暹羅蠶業誌略

日本調查蠶業員癸卯年到佛蘭西伊太利兩國而歸途又自新嘉坡至暹羅調查暹羅蠶業近回神戶據其向農商務省技師石渡繁胤氏所語一切則暹羅蠶業未曾發達然暹羅政府置蠶業局一所聘請日本專門家外山農學士等以施教育又在日本取多數模範飼蠶

並勤製絲以製絲之原料市面稀少特在國中第一市場孔拉特地方購採孔拉特距首都
磬谷約里許爲高原暹羅出產之繭及生絲準此地市價推之每年買賣甚旺而一捆約有
百斤五百捆輸至中國其內地使用者必占四分之三

各省鑛務彙誌

直隸 英商在天津招募鑛工所訂章程除往來水旱路費概由鑛主備辦外並一切住房
飯食醫藥亦由鑛主供給惟衣服及應用物件自行出資一按日付價每三十日二十五先
令一按件付價每三天五十先令其因公受傷則有撫卹費在工病死有運柩費臨行之日
更可預支三十元云

盛京 錦州府屬西邊內外各山場產煤甚佳土人開採均用舊法故出煤不旺天津吳子
周近與某英人議定集股用機器開辦事已就緒

山西 山西陽曲縣東山一帶煤鑛極旺土人開採有十餘處惟煤之佳者上必有水土人
往往束手有郭氏兄弟集股銀三萬兩設一公司名曰曲東煤鑛公司以一萬兩至外洋購
辦吸水機器將煤層之水吸盡取煤

安徽 濉州茅草嶺出有鑛質中含紅銅據某國鑛師云鑛石百斤可得淨銅二十餘斤山

實業

三十八

三月

主馬姓已稟熊州牧轉詳開辦。廬江縣鑿山左近有煤礦數處，裕通公司刻已集資稟請開挖。

廣東 葡荷牙籍之香山縣人容良請辦南海縣屬大嶺山鑛務業，已勘明在案，後經阻批銷由葡領事前後照會粵督均被岑帥批駁。葡領事乃請駐華公使向外務部理論。肇屬德慶地方毘連開建山嶺叢錯鑛產充盈，土人攜有鑛質紛赴肇城販售，狀若水晶，其大如碗。據云在該縣山場所取該鑛發露已久，人多採掘，洞成深穴，隱露鑛苗，間有閃爍奪目，雖然有光者，苦於採取無法，殊多委棄云。韶州府曲江縣鎔鑛委員統計癸卯歲抄運來省中之鎔鑛約八萬七千三百斤左右云。

雲南 英商立德近與華商劉堯興同辦雲南之昭通及東川兩處鑛務，各集股本銀五十萬兩，名曰華昌公司，仿四川保商公司之例，洋商任購機開鑛之事，華商任買地招工之事，聞已稟准商部立案開辦。

各國鑛務彙誌

韓國 韓政府已將肅州金鑛允給法國，又與德國以某處金鑛均可任便開採。韓國鑛山甚多，鑛苗甚旺，其鑛山最旺之處如京畿道通津安城二處，忠清北道忠州清州二處，忠

清南道公川文義稷山三處全羅北道全州南原金溝三處慶尙北道慶州星州義城青松四處慶尙南道晉州蔚山昌原三處黃海道長淵載甯遂安三處平安南道平壤分川甯遠殷山順安五處平安北道義州甯邊宣川原昌四處江原道春川三涉金城拱洞四處咸境南道瑞州永興中山長津文川五處咸境北道青州鏡城富甯三處計四十一處金鑛占七分銀銅次之而全羅道之金溝黃海道之載甯平安北道之甯邊咸鏡南道之文川等處鑛脉廣大金質純良惟忠清北道之稷山平安南道之殷山等處開掘之權已爲外人所得日本國二月二十七日東京電日本政府近於赤間關附近之處購得無煙煤鑛據云每年可出煤十萬噸

各省工藝彙誌

北京 夏侍御敦復奏請推廣京師工藝局厥請飭五城順天府商部會同籌辦刻聞順天府已由順直善後捐款內籌定五萬金爲推廣工藝局之需俟與商部五城議定即行奏辦直隸 磁州府生昌柴石蓉平日講求造磁之法遂能仿製電線磁瓶每個工本銀二錢經大名府屬電局購去裝於電桿尙稱合用該生因具稟直督袁宮保請飭各電局均往購用並乞准與專利年限宮保旋飭交上海電報總局察驗具覆再行核辦 天津織絨廠既日

實業

四十

二月

有進步而製造廠所出熟皮之貨又頗精良近製成子彈帶及軍營所用皮靴等物均緻耐用足敵外來之貨

山東 卽墨縣業竹篾者最多竹料來自江南製成行銷兗曹濟甯一帶遠者至遼東各處歲入可二三萬金

河南 禹州知州曹牧近將舊有鈞窰重行整頓已造成磁器多種與從前鈞窰無異

江西 省城工藝局開辦三載內有織工數十名染工二十餘名並招學生數十名教以紡織布匹毛巾線毯及染各種顏色近又延聘蒙師於工暇課以讀書識字又官設工藝廠專爲收養流民而設近令學紡織棉布及製造碾礮雕塑人物等藝至廣利公司經理種蔗熬糖卽用蔗渣造紙一事惜尙未能盡善 製造局監督曾昭吉頗精製造擬仿製輕氣球因具稟夏中丞保薦河南候補府經歷周某精明善學堪任監督中丞卽發公款三千元以資試辦並電調周某來江相助爲理 德安縣產藤最盛歲值銀三四萬兩撫袁二州商人購織夏布獲利倍蓰而安邑婦女不知紡績反仰給於他府近典史鍾少尉勸紳商稟請有司創設織布公司並兼製藤之法選雇宜黃女工二十名並購機杼數十具諭各鄉民人多派婦女學習 贛南所出冰糖白糖味甜色黑不若洋糖白淨有東鄉縣委員李傳訓勸糖業

結成公會派精於糖務之人攜靈敏工匠到日本臺灣各產糖處細心致求并許獎功牌嚴立行規不准跌價攪假以保利權 玉山縣余大令因該縣地富孔道向多流氓偷遇款歲非振興工藝無以安插因令紳董迅籌的款就大西門內雲臺寺借爲廠屋以土產棉花用機器紡織

浙江 新城縣高大令首先捐廉會紳集款購得織毛巾木機若干架分給各鄉婦女勸令學織以廣利源

福建 金門所產白土碗藥兩項馳名中外近由該縣轄存招集南洋華商股本一百萬圓包辦福建全省製磁事務以十二萬圓先定金門一處 籌訂定章程稟奉商部批准立案總廠設於廈門名曰福建華寶製磁有限公司已聘江西名匠四人意大利日本名匠各一人先後到廠參酌中西式樣製造極新極巧各器

湖北 鄂省創設造磚廠仿製紅磚業已開辦近復大加整頓令人包工承辦以清弊竇現廠中大小機器僅各一具然預計每年約可盈餘二萬緡

湖南 署乾州廳劉司馬近者創辦工藝廠訂定章程繪圖說帖具稟農工商務局當奉大吏批准

四川 成都王暉吉能自造腳踏車擬稟請商局立案請予專利 川省勸工局現與武備學堂日本教習松浦君立約訂請日本工藝教員五名來川以教刺繡雕漆洋傘等藝 瀘州學正某與合江縣教諭傅崇渠能創造織寬布木機具稟商務局請予專利 合州小學堂輿地教習程君鹿鳴長於算術留心藝事前曾造地球立水車等物茲又仿造知方圖先造中國各省次及五洲現已廉價發售

廣東 粵省謝張二紳近聯合香港富商創一大工藝廠收集在省貧民擇地開辦命曰工藝善社所聘教習俱精於製造化學玻璃及燒青諸物者至收留貧民章程不限年額亦無須繳銀覓保 商人任昭烈以創造新式建屋器物具稟粵督請予專利 石灣向多陶工惜無賽工場以資鼓勵癸卯年有某富商因今年美國聖魯易斯賽會特選上等陶工十餘人予以重酬令照圖刻所繪萬國人形分別摹製人物高各尺餘飾以瓦青現已趕製完備運往赴賽 粵人歐陽勳仿照美國製造鋼甲禦彈之法用金山鋼線三十斤截去零碎實重二十八斤如法製造鋼甲一件又擬改良再造一件內外皆用細線爲甲中加密髮一層輕重與現成之甲相若先將製成一件呈請岑制軍飭局查驗岑制軍因飭善後局會同軍械局切實試驗

交通

論中國鐵路 錄甲辰第三號外交報譯美國總郵報

今歐洲各國以在華商務日益增盛。爭索築路權利。以求轉輸之利。便貨物之流通也。非一日矣。夫在華築路之事。實發軔於英人。時一千八百七十六年。自上海築至吳淞。長十四英里。路成。居民大震。華官出資爲償。毀其軌。以汽車投之水。泊一千八百八十一年。又有英人監造鐵路之舉。實前中國駐美公使伍庭芳爲贊成之。其始建者。由開平煤礦直達大沽。華人知其有利。未幾。遂貸金於英人。增築至山海關。長一百四十英里之路。由塘沽達天津。築一路。長二十七英里。又由天津至北京。築一路。長七十九英里。此皆中國官造之鐵路。而其款則皆英人所貸。故股票均爲英人所執。其管理者。華人而外。惟英美人而已。

當一千八百九十五年以前。華政府深閉固陋。不欲以鐵路利權。授之西人。其後則略不吝惜。比國匪亂時。不獨已築者有五百六十六英里。且有各省訂造者六千英里。事定。興築如常。德報有云。一千九百三年。中國築成鐵路。共七百四十二英里。各國皆藉以擴其勢力。開拓土地。惟俄國雖得海參崴港。以其冰凍。常歷半年之久。未嘗大欲。於是多方要求。必使西

交 通

二十八

三月

伯利亞鐵路得有。不冰之港。而自此以握太平洋之海權。綜亞洲之商務。焉然猶以為未足也。又用其外交。誘計以使西伯利亞鐵路越松花江。徑東三省。而達大石橋。自大石橋分兩支。一達旅順。青泥窪。一達山海關。於是俄人之路。遂與中國官造之路相接。雖莫斯科舊京。距中國北京有五千七百四十六英里。而僅十七日。可達俄國在中國北境。權力之大。既如此。又分築一軌。自奉天以達韓國之義州。他日且可展至漢城。本年十一月。聖彼得堡某報云。恰克圖至北京之鐵路。今已測量。共計一千英里。此路若成。則自俄至華。又多一捷徑矣。德人自青島築路。直入山東腹地。承辦者言。一年以內。可至濟南。又聞今欲別建一路。由青島取道他處。以達濟南。如此。則德人之路。環繞山東全省矣。其至濟南者。曾與津鎮鐵路相接。此外又有華英公司。請諸中政府。准建甯滬鐵路。道經鎮江。蘇州。復於蘇州建一支路。過杭州而達甯波。又有一公司。欲請建由廣州至成都之路。

英義公司得有山陝路鑛之利權。其地產煤絕佳。聞路工今已開辦。中國政府後當增予路鑛利益。

自一千八百九十六年。比國某公司。得有築七百五十英里之路權。而道經銀行。復貸中國以金。得築北京至保定之路。後今工已得築路。自正定取道太原。以達西安。

一千九百三年十一月十三日。比國之萬國東方公司。又得建築河南開封府鐵路之利權。計長一百一十英里。

中國南部。當一千八百九十五年。已有訂辦粵漢鐵路者。以籌議經費。歷久未定。迨一千九百二年。始奉 明詔。令華興公司承辦。其資本出自美國。然亦有歐人附股。所發股票。以四十二兆五億美圓為限。歲息五釐。由中國政府擔保。公司得專利五十年。其幹路長七百英里。別建支路。合幹路計算。共長九百英里。一千九百三年十一月十五日。廣州至佛山之鐵路告成。長十英里。聞本年正月五日。已可築至三水。展長二十英里。惟此實支路。其幹路乃由西江起站。總辦葛雷云。粵漢兩處分築。每年可成一百二十五英里。此路工竣。中國不獨有支路。可由海濱以達內地。且可由廣州而達北京。即東三省而韓而歐洲各處。亦皆通行無阻矣。

法人經營中國。其於南境尤為注意。一千八百九十五年。中法訂約。許法人由老開築路。直達雲南。初。法人已有一路。由海防至龍州。及一千八百九十六年。又商之於中國。推廣至南甯府及北海。揣其意欲使雲南鐵路上連安南。下至長江。而英人於是亦欲建築一路。自九龍至廣州。且將緬甸鐵路展至長江。英人此謀。遂則中國南部內地之商務。盡握其權。而

交通

三十

三月

法。人。不。得。有。所。窺。伺。矣。

如。上。所。言。鐵。路。情。形。可。備。知。之。夫。中。國。之。以。富。庶。著。稱。者。久。矣。其。人。民。之。衆。甲。於。全。球。物。產。蕃。昌。所。在。皆。是。予。嘗。游。歷。中。國。循。行。隴。陌。見。其。北。方。多。麥。南。方。多。稻。而。深。山。幽。谷。則。煤。鐵。鑛。苗。隨。在。而。有。且。所。勝。於。他。國。者。以。農。工。數。多。種。植。製。造。之。用。足。以。自。給。故。也。今。則。交。通。漸。久。聞。見。漸。改。若。貨。物。之。轉。運。旅。客。之。往。來。率。以。汽。船。火。車。而。不。全。恃。人。力。有。心。時。務。者。宜。考。其。故。矣。

商部奏重訂鐵路章程摺

竊。臣。部。奏。定。章。程。內。開。擬。招。商。設。立。鐵。路。鑛。務。各。項。公。司。如。一。時。官。本。籌。集。不。易。全。係。商。股。承。辦。者。應。由。臣。部。隨。時。維。持。保。護。等。因。所。有。鐵。路。公。司。自。應。訂。定。專。章。俾。資。遵。守。查。光。緒。二。十。四。年。十。月。間。統。轄。鑛。務。鐵。路。總。局。大。臣。曾。經。奏。定。鑛。務。鐵。路。公。共。章。程。二。十。二。條。通。行。在。案。茲。臣。部。綜。綰。商。務。鑛。路。事。宜。奉。旨。歸。併。臣。部。辦。理。除。鑛。務。章。程。上。年。七。月。間。欽。奉。諭。旨。飭。令。劉。坤。一。張。之。洞。採。擇。各。國。鑛。章。詳。加。參。酌。妥。議。現。在。張。之。洞。尚。未。議。定。應。由。臣。部。先。擬。試。辦。章。程。再。行。奏。聞。外。查。鐵。路。章。程。有。從。前。訂。定。之。案。現。在。應。行。修。改。者。亦。有。從。前。章。程。所。未。賅。現。在。應。行。增。補。者。臣。等。公。同。商。酌。擬。重。訂。鐵。路。簡。明。章。程。二。十。四。條。開。具。清。單。恭。呈。

御覽如蒙 俞允即由臣部通行各省遵照並咨明外務部照會各國駐京大臣備案謹
奏

兩江總督通飭各關道札

光緒三十年二月二十日准商部咨光緒三十年二月初六日據翰林院侍讀學士惲毓鼎等呈稱江蘇運河一帶河道深通溝洫縱橫三農利賴河中一歲之淤小民每於農隙掉舟挖取用以治田在官無挑浚之勞而於民得肥苗之用自小輪行駛以來所燒煤滓沿途傾棄入水淤泥之中雜入滓質農田誤取損害良苗近年大河行輪之處小民不復挖淤支河溝渠積淤無多時有爭奪之事計小輪一日應燒煤四五墩大者更多其滓以五成計算是每輪每日常有四五千斤滓煤入水現今華輪洋輪往來如織淤河一寸旱時水不能上潦時易於泛濫農田常受數寸之害至河道淺阻行輪亦將自受其弊屆時再謀開浚工程必大費用更鉅天下之患當其始時忽而不覺及其既著補救甚難往往如此伏思小輪行駛內河所以推廣商務在今日萬無禁阻之理惟傾煤入水查照上海天津租界河巡章程皆行明禁如有違犯送領事官辦理分別議罰蓋泰西公法最重河道辦法特嚴內河等處自應照辦爲此環求賜准咨行兩江總督江蘇巡撫札飭各關道會同稅務司查照租界河巡

交通

三十二

三月

章程凡內河行走小輪之處權度情形妥籌善法永禁小輪不准傾煤入水違者照章議罰並咨行各國領事官令洋商各小輪一體遵守推之各省內河及長江及鄱陽洞庭諸湖並海輪近口一百里內皆可一律照辦庶水道無淤阻之患農務商務兩受其益伏候大部鑒核俯准迅咨辦理等情前來查內港行輪既經定有專章嗣後內河航路自必日多一日若任聽該輪傾倒煤滓入水不特於農田水利兩有所損並恐河身淺阻即行船亦屬不宜除批挂發外相應咨行貴督查照迅飭各關道會同稅務司妥籌切實辦法一俟籌定後即行示禁華洋各輪一體遵守以清河道仍將如何辦法咨復本部察核可也等因並抄單到本大臣准此合行抄單札飭札到該關即便遵照會同稅務司妥籌切實辦法一俟籌定即行示禁華洋各輪一體遵守

商部重訂鐵路章程

一臣部將鐵路歸併管理欽遵在案除礦務另訂專章外其業經開辦之鐵路檔案均由路礦總局移交到部至現在稟辦未經批准者均應聽候臣部分別准駁一無論華洋官商稟請開辦鐵路均應按照臣部奏定章程辦理其有援引前定各省鐵路章程與現定相背者概准行至經部批准開辦後應俟臣部奏定公司條律後一律遵照不得有所違

背 一各省官商自集股本請辦何省幹路或支路須繪圖貼說呈明集有的實股本若干萬詳細具稟聽候臣部行咨該官商原籍地方官查明其人是否公正家資是否殷實有無違背定章各情俟咨復到部以定准駁 一凡軌路必經之地勘定後應由地方官先行曉諭俾衆週知不得故意抗拒玩至公司買地應由地方官估定公平價值毋許高抬應完地租由公司按年認繳不得拖欠遇有慮募所在苟有繞越自應設法以順民情若軌路萬難繞避應由地方官斷給遷費以免爭執阻礙 一華商請辦鐵路如係附搭洋股者除具稟臣部批示外應稟由外務部查核其洋商出名請辦除遞呈外務部聽候批示外仍應稟由臣部察奪至洋商情願承辦或情願附搭股本即係願認此項各條訂定章程一律遵守勿越 一集股總以華股獲占多數爲主不得已而附搭洋股則以不逾華股之數爲限具稟時須聲明洋股實數若干毫無遁飾字樣並不准於附搭洋股外另借洋款以杜朦混而慎名實倘有朦混開辦一經查實隨時註銷撤辦 一凡中國各省鐵路即使由洋商遞呈稟准開辦而中國商民自應得有公共利益方爲平允嗣後洋商請辦無論集股若干總須留出股額十分之一任華人隨時照原價附股 一無論華公司附搭洋股者洋公司附搭華股者地方官均應一體保護惟不得干預公司辦事之權至公司遇有虧蝕應悉照中國 國

交通

三十四

三月

家所定條律辦理 國家例不償補 一華人請辦鐵路如係獨立資本至五十萬兩以上查明路工實有成效者由臣部專摺請 旨給予優獎以資鼓勵其招集華股至五十萬兩以上者俟路工告竣即按照臣部奏定十二等獎勵章程核辦 一華人請辦鐵路應先統估該路全工用款若干以定集股額則至開辦路工後若因工艱費鉅集股時意計不到致有不敷無可續集股本者應准該公司以機器房產抵借洋款概不准以地作抵惟借款至多之數按照原估用款不得過十成之三並須先行稟呈臣部聲明所借實數商借商還 國家概不擔承字樣候部核准方可議借其議借款合同應加繕一分呈部存案 一集股如係華股業將請辦路工悉數辦竣續請展辦他路而原集之股本固已罄盡擬添借洋款以資接展應具稟臣部聽候酌核情勢分別准駁 一嗣後華人請辦鐵路如與洋商私訂合同以請辦之路抵借洋款一時朦混或於開辦後將該路工私賣與他人以上情事如經臣部覺察或有地方督撫查明除將路工充公註銷全案外應視案情關繫輕重酌罰 一凡經臣部批准承辦鐵路者無論華洋人應自批准日期限於六個月內勘路勘畢再限六個月內開工造路兩軌相距須照英尺實寬四尺八寸半與現行之路一律並將開辦日期報部逾限不報即將批准之案撤銷以杜集股不實藉股招搖等弊如實有意外事端亦須預

行呈明臣部查無欺飾者方可酌准展限 一各省辦理鐵路地方遇地主抬價阻擾工役恃衆把持等事惟公司報明該地方官切實曉諭彈壓並嚴禁胥吏訛索諸弊須知鐵路爲興商利運之基址 國家應辦之要工該地方官如保護不力推諉膜視查實從嚴參處 一凡勘路估價監造軌路目前中國尙少專家應准公司聘用洋員其經過地方及駐紮處所各該地方官均須慎加保護勿使稍有意外之虞若該洋員不自守禮蕩檢閱准地方官知會該公司預爲斥退不得徧袒徇庇調赴他路當差其甚者准稟明臣部移會各國領事存案不准在中國地方旅寓 一無論華人洋人如於各直省督撫衙門遞呈請辦鐵路者應由該督撫查明此路確於中國商運有所裨益且於現定章程無所違背者卽咨會臣部酌核辦理 一凡公司遇有爭執或因他事有礙公司利益者若係華人公司就近地方官亦可持平判斷不使兩有傷損倘判斷不能公允准具呈臣部核辦以示保護其華洋兩遇有爭執應由兩造各舉一人理論判斷如判斷人意見仍有未洽再合舉一公正人不論局內局外皆可秉公調處兩國國家均不干預其事 一路礦本係兩事應行各守專章分別辦理所有請辦鐵路者不得率請與礦務合辦鐵路公司前有沿路開礦章程嗣後不准援引此案若就近既無煤料轉運又苦艱阻公司因此致欲虧蝕應隨時具稟陳明聽候臣

交通

三十五

甲辰

交通

三十一

三月

部體察情形分別准駁之後不得再行呈請以杜牽混 一礦務鐵路總局前定有表譜格式現將此項表譜仍由部頒發各公司每屆年底將辦理一切詳情如式填寫呈部查核存案 一稟請辦理鐵路業經批准後該公司即可訂立合同如有未盡事項應行具載者准其酌增惟不得與上列各條有所違碍訂立時並照繕一分呈部核准後方可簽押至路工完竣後有應設關徵稅之處由臣部會同戶部酌核辦理 一華洋商人承辦鐵路如遇有軍務中國 國家調遣兵丁轉運餉械及軍營用物須儘先載運車價減半 一興造鐵路或鐵路已經造成後如須用彈壓巡丁准其每一里雇用華人三名仍不准帶用軍器如需用護路兵勇必須稟由臣部及各省將軍督撫酌派不得擅自僱用所有工食費用由鐵路發給 一鐵路郵政相輔而行凡承辦鐵路應代寄中國郵政書信包件所有詳細章程屆時另訂 一以上各條係承辦鐵路大概章程此外未盡事宜俟批准及訂立合同時詳細增補

各省鐵路彙誌

北京 由北京至漢口之鐵路共一千三百啓羅邁當之長其由漢口至磁州者業已建竣計長四百三十八啓羅邁當由北京至順德府者亦已告成計長三百八十六啓羅邁當惟

順德至磁州之間尙未完竣計長四百七十八啓羅適當今方設法趕築云

直隸 天津至德州敷設之鐵路聞由兩端起處墊土設軌以便速成現已動工

吉林 俄人與政府訂築由長春達吉林之鐵路度地興工尅期蕞事現已工竣行車其抵誇哈一段另設輕便鐵路

河南 蘆漢鐵路由榮澤渡河不經河南省城該省商人早有開築鄭州支路之議鄭州西關至省城南門外凡一百四十里尙未集款現聞比公司已與盛宮保訂築由開封至洛陽之路名曰開洛鐵路將來更由洛陽接至西安約期九箇月內開工過期不辦原約作廢云

福建 日本台灣總督擬建福建廈門鐵路至廣東汕頭業已妥籌一切

各省電線彙誌

湖南 常德電報分爲三路一由辰沅通黔滇一由沙市接鄂綫一由益甯達長沙現在西門設局先將省線開辦

廣東 粵省開辦電話以來城廂內外多已敷設沙面洋商亦樂購用現已由菜欄街支搭桿線逕達新基復擬由新基接至對河租界沿海又聞佛山地方亦有洋工程師多人到處

測量以備安設電話

各省郵政彙誌

北京 聞赫總稅司以郵政局所用華人弊端甚多以致年久賠累頗鉅申請外務部撥款補還倘實難籌措擬請再借洋款數百萬將各省郵政大加推廣惟欲免侵蝕中飽等弊須如稅關之例一體改用洋員云

山東 東省郵政頗見發達各地分局如烟台劉公島石島威海衛文登濰海州棲霞萊陽金口朱橋白馬登州黃縣夏邱即墨平度膠州青島靈山衛北馬福山海陽招遠諸由觀龍口王台蘭底高密濰縣萊州沙河昌邑柳町掖縣壽光昌樂安邱諸城羊角溝樂安臨淄青州臨朐周村淄川博山鄒平章邱龍山濟南武定樂陵德州平原禹城東昌東河東平臨清冠縣龐莊鄭口齊河泰安大汶口曲阜兗州濟甯金鄉曹州單縣曹縣鄒縣滕縣費縣沂州日照沂水莒州蒙陰新泰安東衛丈嶺嶧縣薛富莊王哥莊泊兒濇口石臼所濤維鎮郟城張店長山等幾及百處

江蘇 江甯至河南之信件往來轉折訛誤甚多現南京郵政總局已設法添設分局數所俾與開封郵局貫通 蘇城自添設郵政總局以來城廂鄉鎮廣設信箱均由內河輪船遞

寄信件故郵務蒸蒸日上附近濟甯關一鎮商務頗盛現擬添設分局一所云

江西 九江郵政總局現又推廣廣信府屬計廣信河口玉山貴谿四處業經派員開辦

各國鐵路彙誌

韓國 現在京義鐵路一切事務暫由西北鐵路公司代辦 韓國已將漢城至平壤之鐵路鳩工建築聞九月間即可開車

俄國 西伯利亞鐵路綫三千五百五十九英里滿洲鐵路綫一千四百四十四英里莫斯科至爾庫次克省計程八百爾庫次克至滿洲

洲至旅順九百四十九英里計程七十七點鐘由旅順東車站往海參崴斯特列田斯克由

海參崴西車站至卡巴羅夫斯克等處有航路一千三百四十英里由卡巴羅夫斯克通斯

特列田斯克由海參崴至倫敦計程七千九百二十二英里祇須十七日半可到 東清鐵路分

官私二路官路起西伯利亞達海參崴千四百俄里私路自哈爾濱至旅順約九百俄里其

驛站分一等至四等哈爾濱至青泥窪為一等遼陽至齊齊哈爾為二等以下各級副之每

方一里至二里之地築一部府所謂一等驛之哈爾濱水陸交通全於滿洲為樞紐又以青

泥窪為世界大道之終點云

交通

三十九

甲辰

交通

四十

三月

英國 美國富人名由格斯者至英京倫敦見其城市之繁盛街道之擁擠於是欲設法疏通之擬添造地底電氣鐵路計全路長一百四十英里約需資本美金八十五兆圓其四十兆來自美國餘則出自英人電局造於全城中央地基二十五至三十英畝機器值六百二十五萬圓馬力七萬五千匹大約本年即可試行

法國 法國在蒲森蒲爾界建一鐵路大橋俾火車通過彼得羅斯山谷聞此橋洞有八十四適當之大橋基高至四十五邁當云

非洲 法人在非洲北境所築鐵路已踰梅代格史加比利時新築鐵路於上康古國英國鐵路自白來衛北行去山培雪江不遠數載之後此路必過英之中央非洲而達康古昔羅士所思築之開伯考羅尼英殖民地南非洲開羅埃及省名在東岸相連之鐵路可翹首以望其成矣

各國電線彙誌

韓國 駐韓 使擬借用韓國平壤至鎮南浦之電綫通達電信韓政府允之

法國 法國將由西貢設海底電線一條以通婆尼俄洲之西海岸

美國 美國密院已將日本海底電綫通至古阿姆島岸上之事議定命海線公司代日本將海線接於該島

商務

與商為強國之本說 節錄甲辰第八期商務報

今中國之所當擇要以圖者富而已矣。商務者古今中外強國之一大關鍵也。上古之強在牧業。中古之強在農業。至近世則強在商業。商業之盈虛消長國家之安危繫之。故致強之道務在興商。

乃鄙薄商人者。輒譏之曰逐末。曰市儈。則甚矣。其未知立國之大經。爭存之要義也。夫范蠡用越而勾踐以興。管仲用齊而小白以霸。彼二人者皆所謂逐末之市儈耳。而其有造於二國者。顯卓卓若是。求之泰西。則葡萄牙以叢爾小邦。徒以善商之故而帆船首及乎亞東。英吉利以荒蕪三島。徒以重商之故而以徵。植乎大陸。充其商力之所至。足以據人國。屋人社。而盡為彼族之殖民地。是故古者以兵戰。而今則以商戰。而猶曰逐末。曰市儈。其不為西人所齒冷者幾希。

然則吾華之與西人通商也。亦既有年。而不聞商業之有進步者。其故安在。曰在不知有重商主義。彼西人惟知有重商主義。用其傾國之財力。專心致志。慘淡經營。故卒能於吾華商

商務

四十一

甲辰

商務

四十一

三月

業界上占一最優勝之地位。我華商懵焉不察。惟知聽其自然。而不思振作。故其後效。果之優劣。遂不可與西人同日而語。而揆厥我商業之所以頹萎疲敝。而不能興者。則尙有數大端焉。曰無合羣之思想。無堅持之能力。無奮往之精神。無開通之智識。

曷爲謂之合羣。曰千金之裘。非一狐之腋。萬間之厦。非一木之材。殫一人之材力。以營一業。則苦其艱。合衆人之財力。以營一業。則覺其易。我華商知有私益。不知有公益。是以同業。傾同道。相枝同利。相賊同力。相陵其究也。彼此俱受其損。而不得不讓西人以獨步。彼西人孰權乎公益私益之得失。而於是每營一業。必集合多數之資本家。爲一大公司。并力同心。以謀莫大之利益。至其公司成就。我華商且望而退。舍任其左右操縱。而無所措其手足焉。何以故。以無合羣之思想故。

曷爲謂之堅持。曰聖人之道。至誠無息。大易之義。恒久不已。無恒心。而能擴張其商業。以與彼西人相競。頑者吾未之聞也。同一事也。華人見小而不見大。能暫而不能常。西人則有成。效未覩。而期諸畢世者矣。有大願。未償而俟。諸後人者矣。掘井弗憚。九仞之勞。爲山不輟。一簣之覆。其收功之遠大。由其先有堅持之能力。以致之。華商則務近功。求速效。一擊不中。顧而之他。夫是以能與彼角逐於貿易之場者。甚寥寥也。何以故。無堅持之能力故。

若夫奮往之精神亦經商之不可少者哥倫布之發見美洲也寄性命於驚濤駭浪而不以爲危拿破崙之遠征埃及也屢血肉於炎風沙磧而徒見其奮蓋西人之性質如是無論他國之若何深拒固閉要必索得商埠而後已否則即破其身家財產而亦無所於悔而且前者踣而後者繼也華商則向視離鄉背井爲最不幸之事蓋未知彼之屬於吾華不其皆視重洋如坦途等萬里於庭戶者也則言乎奮往之精神在我華商究自勵至於開通之智識又西人所優於吾華者蓋厭故喜新人世之頓情優勝劣敗天演之公例我華商未達此理知仿模而不知改造能用舊而不能求新藝無獨精而器皆苦窳而且觀一人之獲利則羣焉效之效者既衆則勢分而利微效者益衆則利去而害至彼西人本其專門名家之學不圍成法而得新理新製者更僕而難數其商業之發達誠未可以限量也則言乎開通之智識我華商又宜自勉

然則我華商宜鑒於四者而惕然矣自今以後既有商部以爲之保護有商律以爲之維持亟宜激奮發毅然有爲當知商興則民富民富則國強富強之基礎我商人宜肩其責蓋商業無論巨細皆與國家有密切之關係能於外洋收回一分利權即爲國家增長一分勢力能於商界多占一分位置即爲國家多獲一分光榮我華商誠不以逐末之市儈妄自菲

薄。吾。知。二。十。世。紀。中。以。商。務。雄。飛。於。太。平。洋。之。上。者。莫。中。國。若。也。華。商。乎。華。商。乎。其。亦。念。及。中。國。之。前。途。而。急。起。以。圖。之。乎。

署閩浙總督李奏閩省籌辦商務設局派員辦理情形摺

竊照近來迭奉 諭旨飭令各省振興商務並另行保商之政亟應欽遵辦理閩省地處海疆民貧土瘠素乏生產加以頻年災歉償款驟增度支浩繁取於民者既不能不加於前則爲閩閩籌生利之源以救目前財用之困非講求商務無從措手閩省已辦農桑工藝及廈門所設保商等局或規模甫具尙待擴充或名實未符難期成效自非實力整頓逐漸改良不足以挽回利權發達生計查福州廈門兩處係通商要口歷年商業不振外權內侵皆由於倡率無人應卽於福州省城及廈門兩處各設商務局遴派大員總理其事公舉商董設立商會務使官商聯爲一氣實力維持上副 朝廷通商惠工至意局中應派職司遵照商部分設四司之意略予變通廣爲六所一曰保惠所專司招商保商建設學堂譯書譯報執行商律禁令調訟頒給專利憑照激勸保獎之事一曰貨殖所專司開墾樹藝蠶桑畜牧一切農務中生利之事一曰藝術所專司機器製造鑛產鐵路設電招工一切藝中生利之事一曰會計所專司稅務貨幣品物價值校正度量權衡出入經費之事一曰陳列所專司陳

設品物配合宜忌評定良窳各業賽會轉運之事一日調查所專司考查內地土產外來貨物時價漲落銷路通塞一切記載報告之事以上六所均選明達端謹能盡本門義務之人分任其責開辦之始當以設立商會爲第一關鍵蓋有商會而後可厚營業之力聯渙散之情以之貿易而不受欺制於外人以之考察而資見聞於衆議其商會中商董由各業商人公舉選充官與商董相接優以禮貌勿拘官場儀節凡商會議辦之事如糾合資本保安財產評論曲直清理債務均先由商董集議而總辦爲之決判總辦之於商董必須隨時接見力杜隔閡但有保護裁斷之責而無干預侵抑之權商董之於總辦亦祇許以關係商業之事得於啓請而不許於本務外有私謁干求之端官商之權限既明彼此之情誼自洽商務可望起色此外各項營業均應設立公司自保權利次第舉行徐圖推廣惟茲事造端宏遠條緒紛繁非得通達治體才望素著之人不能勝任查有前任福建按察使降調道員楊文鼎熟悉閩省情形商情素洽現經另片奏請差委又鹽法道鹿學良辦事精細均堪飭委總辦省會商政局其廈門商政局查有候補道黎國廉精明穩練堪以飭委總辦仍令遇事與省局會商籌酌原有之保商等局均改立商政局辦理以免紛歧其農桑工藝等事均有一定學級非專設學堂教課難期精進一俟籌有經費再當陸續添設所有一切詳細章程飭

商 務

四 十 六

三 月

令該總辦分別妥擬由臣覈酌飭遵應需經費隨時由藩司籌撥彙報謹 奏奉 硃批商部知道欽此

商部咨外務部商標註冊應由商部管理文

光緒三十年正月二十八日准貴部咨稱據總稅務司申稱案查牌號註冊一事准英國大臣將參贊擬改之處函送前來當查所添之意均可照行除將原章十三條改爲十四條繕備華洋文各一分送呈外理合備文申請鑒核施行相應將該總稅務司改訂商牌掛號章程十四條照鈔一分咨送貴部查核等因前來查保護商標一事原係商律中之一門近來日本商人屢有各種商牌紛紛來部呈請註冊本部正在籌議章程作爲專律茲准貴部咨送總稅務司及英國參贊先後擬訂商牌掛號章程檢閱諸條洵屬周密應由本部詳細參酌期於華洋商人一律保護無所偏倚俟擬定後即行咨商貴部覈定再行奏明請 旨頒行屆時再請貴部飭總稅司遵照並轉飭津滬兩關暫行代辦作爲代理商標註冊分局所有發給執照及收納註冊公費各事均應遵照部定章程辦理再查各國商務均有專管之部省著爲通例前年中英續議通商行船條約係在中國未設商部之先是以約內第七款載有由南北洋大臣在各管轄境內設立牌號註冊局所一處派歸海關管理等語現在

本部責有專歸此項商標註冊局所自應照各國通例由本部專司管轄

商部咨外務部商標由商部給照及保護創製取權專利亦歸商部文

光緒三十年正月二十九日准貴部咨稱據總稅司申稱商標掛號已改訂備文申呈伏思津滬兩關登簿註冊恐兩局號式相混不如津局均按單數滬局均按雙數以免複雜至各局掛號之標牌似應知照商部備案或係按件知照抑係按期知照並是否進行商部抑應轉遞之處應請貴部與商部酌定辦法俾有遵循再美約第十第十一款日約第五款內載創製及書籍註冊兩事應否歸入津滬註冊抑另設專署辦理亦請酌奪查商標註冊改訂章程續經咨送查核在案復據申請酌定註冊辦法并美日約內如何保護創製及版權之利相應一併咨行貴部酌核聲復等因前來查本部綜緝商務凡一切應行提倡保護諸端皆屬專責所有商標註冊一事若非歸併一處辦理誠如總稅司所稱登簿註冊號式相混實恐在所不免且既分津滬兩關註冊即使一用單數一用雙數而商人有違赴本部呈請掛號者辦理尤恐紛歧現在商律內之商標一門本部正擬從速編訂奏明辦理總稅司所擬津滬兩關設局註冊之處應改爲由該兩局代辦商標註冊收發事宜業經咨呈貴部酌核在案嗣後凡商人赴津滬兩局掛號之件應由該兩局按照定章收費先給商人收費憑

單一面將商牌式樣隨時逕報本部按件編號註冊後填就執照加蓋印信寄交該兩局分別發給庶不至有複雜參差之慮仍俟安定章程再行咨呈貴部行知總稅務司轉飭遵辦至保護創製及版權各利亦應由本部訂章定律次第舉辦相應咨呈貴部查照核覆以憑辦理

商部咨覆外務部美使函詢商標版權專利籌辦情形文

光緒三十年正月二十九日准貴部咨稱美國康使函稱案查中美新定商約已經批准交換可以實在施行該約第九第十與十一各條內載明保護商標註冊及創製各物並允設立專管衙門定有創製專律給發專照又書籍地圖印件鑄件亦按照商標保護之法極力保護各情本大臣茲據美國商人稟詢上項各款應請明告如何保護方得享此利益望早為查核作速見復查美約所載上項各款茲准美使函詢相應咨行貴部查照核辦聲復等因前來查本部係專管商務衙門現當開辦伊始百端待舉所有商標註冊及保護創製各物與書籍等保護之法本部正在妥擬章程編訂專律應俟次第酌定奏明頒行後再請貴部照會各國駐京公使轉飭各洋商遵照相應咨呈貴部查照先行照復美使

改訂商標條例

第一條南北兩洋各設登錄局一所以稅務司爲登錄官 第二條一洋牌爲外國商人已在該國通用之牌二專牌爲外國商人在該國本無此牌而僅在中國貿易及製造之用三華牌中國商人呈請商牌准用全國者 第三條於外國商人之呈請用洋牌也先將其登錄證書呈驗於該管轄官然後准用但其准用年限均依該國所定爲準許其續行展限與否亦視其該國如何 第四條專牌者須由該國領事官用印公文然可准此等以二十年爲限如欲展限不妨再定 第五條華商欲呈請登錄商標須將其緊要事項及他商不可使用之證出一甘結亦准用二十年如欲展限不妨再定 第六條凡登錄專牌及華牌登錄局將其形式一一明白記述於告示若有他種率速情弊即不許登錄其餘則以六個月後登簿 第七條願請商標者須呈明形式應以此商標貼於貨上或貼包上其姓名住址一一載明此節說明登簿備查 第八條無論專牌及華牌倘有相似易於混亂者不准登錄或與設立登錄局以前之商標相同或與國家專用之商標相同亦不准登錄如既許商標以後而貨色低偽及他之舞弊等情立即撤銷 第九條既許登錄之商標若轉賣於人由本人或代理人出具情願甘結但係公司則須在股之人一同承諾然後准其轉賣洋牌者更須有該管轄官及領事之公文爲據然後准行 第十條登錄□□□□□□□□□□

商務

四十九

甲辰

商 務

五 十

三 月

易年表於新聞紙之廣告上記明 第十一條登錄局之購簿不禁人之翻閱 第十二條如有侵害商標者由地方由領事會同稅務司審判

各省商業彙誌

黑龍江 黑龍江將軍咨外務部稱本省食鹽向由營口等處轉運又因夏秋道路阻滯全賴於春冬多運自日俄交戰鹽運多阻可否照會俄使轉飭沿路俄兵遇鹽販往來毋得阻截并飭東清鐵路公司准其附載以濟民食聞已由外部轉咨俄使

江蘇 通州張季直殿撰具呈商部請代奏創辦通州沿海魚業公司鹽業公司擬即據情入告

安徽 蕪湖江口陶家溝下各國租界經閻道童觀察重與英國柯領事會議聞柯領事之意第三條所訂江灘近水之地不得租逾江灘之半及第五條界內地畝無多每人祇租十畝為止均須刪改謂英商在界內所租灘地不能定以限制又第四條界內地稅每年每畝應完稅三千文擬略減少又第八條界內華人房屋以及堆積木植該地有人承租時由中國地方官諭令遷讓惟拆讓各費不在原租價額之內應察核工程大小會商酌給津貼等語亦須略為刪改尙未議定

福建 廈門近設商政局舊有之樟腦保商等局均歸併於內議定章程六條一爲保惠所專司招商建設學堂譯書譯報頒行商律禁令給專利文憑及一切激勸保獎之事一爲貨殖所專司開墾樹蠶蠶桑畜牧及一切農務應辦各事一爲藝術所專司機器製造鐵路鑛產設電招工聘請工師技師等事一爲會計所專司稅務銀行貨幣估計品物價值校正度量權衡及一切經費帳目之事一爲陳列所專司陳設品物配合宜忌評定良窳各業賽會及一切水陸轉運之事一爲調查所專司查察內地土產外來貨物時價上落銷市通塞民情喜惡及一切記載報告收發文件繕寫電報之事

湖北 浙商林友梅在鄂垣望山門外金沙洲地方創設一玻璃廠命名耀華公司一俟廠屋工竣即可開辦

湖南 長沙自開口岸趙中丞以收買民房地基及拆讓街道等事皆須地方官會同經理特設開埠局於湘春門外以長沙府總理近來北門及朝宗門大小西門外市面大興小輪絡繹頗有蒸蒸日上之象

賽會誌畧

北京工藝商局赴美賽會貨品已發兩次第一次貨價約六萬圓第二次貨價約十萬圓貨

品以珉瑯地毯爲大宗而古玩玉器雕漆等物亦兼有之 中國茶磁賽會公司會員康君達章現向江西景德鎮定造各種瓷器一百二十四箱並附帶徽州所產金豆三十二石轉運美國聖魯伊斯赴賽 美國聖路易賽會特設陰教一門凡各國文明婦女均請與賽特派經理婦女若干名專事照料引導各國預賽婦女 美國聖路易賽會美人特於夕松嶺道上備一農地出賽計六英畝長一百三十邁當闊六十五邁當中列十四部種美國各處上等植物若五穀波羅橘柚煙葉蔗棉小麥芋苻野草荷蘭豆槐樹蛇卵草沙窩窩分東西南北四區各象其本地所產以便衆覽 日本派赴美國賽會專使聞俄國撤去賽物言於總理預訂俄國所佔會場以備添陳日本賽品云

各國商業彙誌

緬甸 緬甸之米極形豐饒今據自蘭貢洋橫濱達鈴辨商店之報告由緬政府公表本年蘭貢米輸出爲二百五十五萬六千噸比之前年約增百萬噸云

俄國 俄國貿易以牛皮爲大宗近因軍務停辦銀根奇緊全國貿易頗形減色

英國 英國進口棉花一千九百二年共計三百八十一萬一千一百五十五包中由美國出者二百九十五萬八千九百十七包由南美洲巴璽列邦出者二十三萬六千七百六十

八包由印度出者六萬八千八百九十包由埃及出者四十八萬七千四百七十四包由他國出者五萬九千一百零六包一千九百三年共計三百六十七萬零三百六十七包中由美國出者二百八十三萬七千五百零三包由南美洲巴里列邦出者十六萬四千八百零三包由印度出者十六萬四千四百六十七包由埃及出者四十三萬三千七百五十八包由他國出者六萬九千八百三十四包

法國 駐韓法使移書外務部謂敵國倫騰商會曾與貴國內藏院立契承辦西北鐵路所需鐵軌及各式機器價值韓銀九十萬圓按月支付二萬圓又與內藏院卿李容翊議定與販官侵之事如有他人增價承攬仍須按照倫騰商會所立契約施行務請如約將銀交付云云韓廷答以官侵限售倫騰商會只能照付以前十個月應付之價二十萬圓惟一時尙難照付請以後每月付給二萬圓至付清爲止

比國 比國商人新設合同會欲在非洲中央康戈江省栽種棉花該會資本約需英金四萬鎊云

美國 美國近日貿易按照赫爾所論當於遠東覓一市場以廣銷農產蓋英國張伯倫之保護稅政策若成則加拿大曼尼托培省輸入英國之麥價必賤於美麥輸入之價將來曼

青芬

托培之麥必遍輸於英而美麥將無銷路非覓一絕大市場不可遠東大樹美麥與麥粉之好市場也必竭力以索之收效將來固不可限量也

五十四

三月



宗教

論孔教與中國政治無涉 錄三月警鐘報

近世憂時之士。鑒於中國政治之弊。以為中國之政治。皆受孔教之影響也。而革教之問題。以起。自吾觀之。孔子者。中國之學術家也。非中國之宗教家也。何則。上古之時。本有宗教。而宗教之源。起於神教。因祀先而祀人鬼。生教也。此古教。起於祖先。孝教之所由。因禘禮而祀天神。

因祀祖而並推祖之所自出。以託之於天。故禘為祀遠祖之祭。又為祀天之祭。因祭在而祀地祖。如在為土地之神。而二十五家。亦因祀祖。而並推祖之所自出。以託之於地。故禘為祀遠祖之祭。又為祀天之祭。又因祀人鬼以推之。而崇德報功之典著。見錄

因祀天神以推之。而日月星辰之祀立。風雨水旱之祭。亦然。因祀地祇以推之。而山陵川谷之祀興。山海經所言之地祇也。

是則中國古代之宗教。可分為三。一曰多神。一曰拜物。上古原人。不明萬物運行之理。以為皆有神。以憑之。

一曰祀先。習尚相沿。至今未革。祀先多神。二教。因為今日所通行。即拜生於神物。一體說。皆一曰祀先。習尚相沿。至今未革。一曰神教而已。又可謂此皆孔子以前之教也。漢魏以降。老釋二家繼興。中國陋儒。以昔之崇奉多神拜物各教者。參入老釋二家之說。宗教中國。

古代之神。教其末流。為燕齊方士。西漢之時。以其說參入儒道。兩家一為證。一為符。應而符。通為道教矣。又他教本祀一神。而中國之俗。則大抵仍奉多神。乃以神教參入佛教者。也。

宗教

十一

甲辰

宗教

十二

三

故草野愚民崇奉張道陵袁了凡者。說而後國為尊蓋派了凡亦得中道蓋者編述之大抵占

國民之多數此中國古今宗教之大畧也與孔教果何涉乎若孔子所立六經則皆周史所

藏舊典。孔子得易於魯史得百二國寶書於周史問禮樂於而孔門之教科書也。禮為國文課本春秋為本國近世史課本

禮為倫理心理課本詩為本國近世史課本。禮為國文課本春秋為本國近世史課本至論語孝經又為孔門之學案則孔學之在常

時不過列九流中儒家之一耳。觀漢藝文志可見觀孔門所言之教皆指教育言非指宗教言。蓋中

修道之謂教又云自明誠謂之教。注皆以禮義釋之說文云教上所施下所效也則古代即

有改制之文。公羊說亦與宗教無涉。改制者羊改也非革教也與耶若祀神之言。如非其鬼而

神在諸語詩孔子信神教之證若。公孟子無鬼神一言似不足為信又大抵沿中國古籍之語其所以受學士崇信者不過

以著述浩繁。百家諸子弟子衆多。凡三千人而又獲帝王之表章耳於傳教亦無涉也。

至牟融始言儒道。牟子以儒道並稱而顧歡張融之輩。且其言及遂有儒道佛三教之稱是則

孔教之名由與老釋相形而立故唐宋以降多以孔與老並衡。如韓愈至韓愈

信儒闢老釋李贄又謂三教同源而孔教遂儼然為宗教之一矣近世以來西教侵入中國

學者又欲樹孔教之幟以與彼爭而孔教之名詞愈起豈知孔教二字乃最不合論理者哉

孔子為古代各派之一如以孔子為宗教則凡知孔教二字不合論理即知孔子之非宗教

家矣。知孔子之非宗教家。即知孔教與政治無涉矣。蓋世之謂孔學影響政治者。僅有三端。一則區等級而判尊卑。如君子以辨上下定民志。一則薄事功而尚迂闊。如孟子侈口。一則重家族而輕國家。如獎勵孝慈。為敦大。皆指對於。然皆。計又言正義不謀利。明道不。一則重家族而輕國家。個人之私德。言非指公德。自也。於。神權時代之思想。即洪範。惟辟作。無道。九族。契。教。五。倫。即。判。尊。卑。也。于。羽。格。苗。旅。雋。陳。戒。而孔子。沿用其說耳。降及後世。習俗相仍。以士民之崇信孔學也。於是緣飾古經。附會政治。此則後世之利用孔學。非果政治之原於孔教也。否則商君著書。亦嚴等級。臣。如。專。說。是。抑。老。莊。立。說。亦。薄。事。功。不。主。積。福。而。管子治民。亦明族制。重。如。管子。和。睦。首。舍。孔。學。而。外。彼。法。家。道。家。之。書。亦。得。為。中國。政治。之。左。驗。子。所。同。非。孔。子。政。治。者。乃。諸。何。得。以。是。罪。孔子。哉。吾。觀。晉。帝。梁。宗。販。依。佛。法。見。晉。書。武帝。本。紀。而。崇。孔子。如。故。元。魏。唐。施行。道。教。唐。立。魏。碑。老。志。而。崇。孔子。仍。如。故。若。王。羲。之。謝。靈。運。之。流。則。又。信。一。氏。而。並。崇。孔子。是。則。奉。孔子。者。本。無。迷。信。之。心。而。使。人。立。誓。不。背。矣。與。西。教。強。人。必。從。之。旨。大。相。背。馳。皆。孔。教。無。所。宗。教。家。之。確。證。式。其。得。以。宗。教。家。稱。之。哉。屈。今。日。而。欲。導。民。宜。革。中國。之。神。教。神。教。日。衰。則。而。歸。孔。學。於。九。流。之一。耳。辨。仿。周。禮。家。之。例。奚。必。創。高。遠。難。行。之。論。哉。

直隸總督袁批甯晉縣教案稟

袁 批

十三

甲辰

據稟已悉查約載中國習教民人凡中國律令之事仍由地方官照例懲辦等語又查內地隨同習教之人若已習教而別有不法情事地方官仍應照所犯之案辦理並將案內所犯情由聲明與習教兩無干涉經前總理衙門咨行有案此案該縣天主教民聚眾燒搶傷斃二命該令應趕緊查拿兇犯照例懲辦並將主使釀案之人一併緝拿嚴辦教民同係中國百姓地方官於此等案犯不先自行緝究乃謂事關兩教未便貿然往拿致貽外人口實殊不可解又請飭津海關道咨會領事轉飭主教交犯亦無此辦法且領事並非駐京該令何竟不知要之教民犯案與平民一律拿辦無庸牽涉洋教地方牧令不諳條約不明事理動以民間鬪毆小釁視為交涉巨案辦理不善貽誤非輕實堪痛恨此案業委沈道桐馳往查辦仰即迅速勒限緝犯務獲嚴究暨將善後事宜妥籌辦結具報仍錄報趙州吳牧查照

直隸總督袁批趙州知州查覆甯晉縣教案稟

據稟並另單均悉此案昨據甯晉胡令來稟當以教民犯案與平民一律拿辦批飭緝拿嚴究在案至謂教民被控教堂會長主使抗傳不到地方官既懼教民之氣燄日熾又慮教會之噴有煩言何竟顧忌若此要知教民同係中國百姓安良除莠責在官吏會長亦係紳民尤應奉公守法倘有抗違地方官自可照例懲處若以無理函瀆尤當查究教士不准干預

公私事件載明傳教論單況在會長此案天主教民聚衆燒搶傷斃二命仰即督飭胡令勒限嚴緝兇犯務獲究辦會長張步瀛等經令教民滋事主使釀案亦卽一併嚴拿按律懲辦何參將既經撥隊在該處巡紮卽由該牧商令暫駐彈壓會同辦案俟事竣再行回防東汪村受害多至三四十家現由該牧等捐廉撫卹卽將善後事宜妥籌辦結具報仍傳諭胡令遵照

廣東澄海縣杜查覆日本僧人傳教稟

竊卑職日前因公駐汕閱日報刊有日本僧人管眞海等到汕傳教潮人陳若慈等招引納銀入教有數百人等語卽經卑職就近面商洋務局委員方承並面囑鮑浦司巡檢陶在藻查明相機阻止去後適因要事旋署未及會辦隨奉道憲函飭查覆等因正在查覆間卽准洋務局方委員廷璣函開又據陶巡檢稟稱查該教使管眞海於正月初九日來汕初十日往潮陽縣屬之門關地方十一日回汕十二日又往樟林東隴等處十四日仍回汕頭二十一日搭海龍輪船回厦卽經函覆部委員在案惟近來外間傳言該教使係來汕埠傳教並有本處民人入教每人納銀三元之說細加訪查人言大都如是當經約同不動聲色前往該教士寓所查看其管眞海先已回厦尙有日本教使高田棲詔安民人陳若慈在寓會晤

後查詢因何來此傳教隨據該教使將管眞海由廈門致其電報送交查閱文係傳教之事已與廈門領事言明隨後卽有公文至潮照會憲臺出示伊稍緩亦卽來汕當以各國教士至中國傳教如先無領事官照會卽係有違約章請其速行回廈不必在此逗留該教使約期三日卽行起程除仍會同妥爲照料出境仍俟起程另行具報等情到縣據此緣奉函飭前因除俟將該教使起程日期情形稟覆再行轉稟外理合先將奉查日本僧人管眞海等到汕傳教及約期起程情形稟覆憲臺察核批示祇遵再准方委員及陶巡檢復稱汕頭入教之人已屬不少並連宵聚飲結黨影相不成事體等語卑職擬俟署中公事料理稍有頭緒卽再駐汕會商各國領事轉飭教士隨時勸導恪守教規以免別滋事端

各省教務彙誌

浙江 甯海教案趙主教索賠毀失並撫卹等銀三十萬兩經許觀察磋商減至二十萬兩而浙撫聶中丞僅以四萬兩認賠彼此堅執許觀察已回省面商矣

四川 敘州府屬富順縣近出教案經英領事照會洋務局速行查辦 簡州教民滋事經 靈令璋獲解省而教堂中人以爲誤拿良民欲與爲難後鑛務局黃委員茂森往杜主教處排解始免齟齬

廣東 新安縣樓岡村約保袁仁厚以藉教建堂結黨窩匪等情控於粵督隨奉岑制軍批飭新安縣查明核辦

貴州 貴州遵義縣屬温水地方與四川綦江接壤近有匪首袁姓遍布揭帖謂將饑殺西人語極狂悖匪黨數千均有槍礮曾與官軍開仗一次官軍竟敗貴州北屬某處俄國教堂以及教民住宅均被焚燬現已派兵往剿

各國教務彙誌

日本 日本政府於法律所許信教自由一事已特頒發告示將日人與希臘教民不和之事概行消除因日人曾控希臘教民爲俄國偵探也 羅馬教皇在日本四國島設立教門監督所此所之設乃備與自斐利濱羣島逐出之斗米尼甘人所居也

法國 法國宗教教育問題迄未決定首相龔培力主國會多數黨之議以排學校之用教會規則教皇心滋不悅不待商妥即派大牧師於各校法政府怒其無禮馳書諍論謂法政府所選各員羅馬必認可無違否則將不待教皇之允許逕行派充而聖教皇所派駐法使者出境停法境牧師月俸如竟不能降心相從則雖廢一千八百一年之舊約無所恤也按舊約係拿破崙與教皇所定約中認羅馬公教爲法國國教法政府得選派監督之權如有

宗 教

十 八

三 月

缺額即將選定之人咨照教皇教皇許可即行授職法國須供給羅馬教徒公費歲有增益
近年已增至四十一兆佛郎矣



肩。俯首親其面。適當傷處。復取衣巾掩之。起謂龐恩曰。余已誓之矣。

言畢。返顧見衆已退後。乃曰。諸君有謂絆跌者誰乎。杜倫趨前。悄然指地下之草。有踐踏痕。其迹成直綫。且有一野藤。已撩亂中斷。勞勃大呼曰。噫。爾亦見此乎。杜倫趨至其側。曰。余最先見之。其情事最爲顯明。一覽便悉。居此地者。慣以演鎗爲戲。試觀其所立之處。最爲得勢。既中靶。即可倚彼樹旁。故意其必仆立於此。迨既擊中牛目。移步而前。陡爲野藤所絆。凡人傾跌時。每以手撐撐。不料因之喪命也。勞勃喃喃曰。然。案情淺顯。諒如君言。杜倫從者某曰。舍此諒無致斃之理。言時。但聞所履喪車。已自遠馳至。衆視樞車形長色黑。中鋪毛毯。已漸剝落。龐恩急昇屍於車。蒙其頭面。車既行。龐恩謂杜倫曰。予將偕勞勃同車歸鎮。其所乘自轉車。屈君權爲照料。杜倫未及答。龐恩遽執勞勃手。共登車。先是衆昇屍時。勞勃拾得其弟之帽。入車。既坐。卽置之膝上。龐恩控轡御馬。左右頓盼。見有二三人乘馬而來。道旁駐馬車一輛。又學上一隊。鳴鐘之僕。矮乃爲導。自土山坡逢湖而去。蓋集衆尋師。亦天性也。龐恩曰。勞勃卽此可見君弟之遺愛。勞勃他顧。不語。

遂見杜倫方乘自轉車下坡。龐恩呼之曰。杜倫。速來。杜倫下車。倚之樹旁。趨而至。龐恩先顧勞勃曰。君於此處爲客。其須余料理一切乎。勞勃頷之。泣然曰。以余弟之屍。託人代殮。心殊

小 說

十 四

三 月

不安。龐恩曰：必勿猜人代殮。言竟。杜倫已立車旁。卽謂之曰：願君攜此錢。爲我前驅。如不棄。愈速愈妙。當汝行過喪車時。幸告御者。命其驅至敝廬。君可持此錢啓門而入。停屍書齋。勞勃。憐母推卻。余願他人如是待余者。余亦願如是待人。卽此死者。生前亦當如是。故身後猶能受報。言時。其車已隨喪車馳去。龐恩復曰：君當知余未娶。卜居郊外。甚安適。君在此。至少須旬留一二日。若主余家。可避生人耳目。勞勃注視良久。感極流涕。曰：余願拜賜。余今知君真忠誠慈愛人也。

屈而士屍旣昇入室。衆各散去。龐恩將料理驗屍事。遂約杜倫爲助。議論片時。卽遣之去。曰：往告衆人。驗屍尙無定期。格倫。姑娘。必爲此案證人。但恐其未必能卽來耳。龐恩與格倫脫厲相距。僅兩三家。故欲先慰勞勃。卽往探之。

主客默然相對。暖茗畢。龐恩命侍者扃門。且下鍵。移椅就客旁坐。曰：勞勃。君願就余商議茲事乎。亦願詳述其中樞要乎。曰：願承教。曰：所需偵察之事。端緒尙繁。吾輩宜亟亟措辦。勞勃以手按膝。俯首曰：余因此禍事。獲與君交。余不知君真知余心否。惟余已識君。則事雖險要。願以相託。君儘可坦然爲之。請卽以數事見告。曰：何事。曰：君已語余。示弟究何以致是。余罹此厄。方寸已亂。幸君設身處地。爲余畫策。龐恩沈思久之。答曰：余爲基督教徒。但於此事必

竭心力。究出兇徒。蓋此案必係謀害。毫無疑義也。

勞勃吁氣喘聲曰。除背傷外。尙有他據否。曰。余居荒僻西境久。習見此等事。故知之甚悉。此傷痕外。或可更得他據。然終不如是明確。蓋人偶自擊傷。或偶爲他人所斃。終不致連轟兩次。曰。天乎。信然。曰。惟怨家蓄意謀殺。故先自背擊之。既倒地。恐其未死。復放一彈。故其傷處在前。死者傾跌時。曾略側其身。君喻之乎。勞勃。此言未免傷君心矣。然願述其底蘊。不得不請君決之。曰。無妨。余必強爲抑制。君意與愚見合。事與謀斃極似。必宜根究。兼緝兇手。曰。蓋當如是。曰。事當如何入手。請速言。勿虛耗時日。余意當先教請一著名包探。愈速愈妙。君亦有相識者否。曰。無之。余意當先電告警察長。龐恩遠奪而言曰。余代教請可乎。曰。今既無能思索。一任君意可也。曰。余有友。能爲是。特不知其尙在施嘎哥否。君知余曾肄業醫院數年。且嘗習獄案乎。當時識有所謂福拉史者。福英人。流寓於美有年。居施嘎哥久。秉性奇僻。不願受官吏轄治。吾美著名議探凡三人。彼其一也。議探者。不操包探之業。惟人遇急難。就之商議。若彼審其案情。足以稱其聲價。則出奇想絕技以偵緝之。是美節離奇。故其意福拉史必樂於從事。勞勃曰。君卽於著名三人中選之乎。龐恩笑曰。他二人已授室。惟福尙獨居。故能任所往。曰。君料其固精練乎。曰。然。蔑以加矣。曰。君知其居何所。言畢。起身。繞行室中。

憂形於目。既而曰。吾恐其不能速來。曰。余見相同。但有一事。驗屍必待彼來。既來。當厚贈之。勿令掣肘。曰。想不致徒勞。曰。余意必可成功。勞勃初時昏昏曠曠。若有束縛。今豁然開朗。衆念畢集。惟一切委託龐恩。任其謀畫。私謂心或稍安。

驗屍期近。龐恩定計展緩。手攜藥箱出。先往近鄰格倫脫許。格室小。甚雅潔。屋主婦馬賽夫人。嬌居。姓和藹。賃者惟格倫脫。龐恩方至。馬賽已候於門。愁容不展。低聲語曰。君請實告。彼娟娟者。其將成沈疴乎。曰。否。不久必愈。今遽受驚耳。曰。彼心碎矣。余不妨語君。得資參助。彼已與死者締婚。兩情繾綣。不久即當結褵。遽遭此變。那堪回首。醫士默然。轉目他顧。馬賽夫人復曰。彼初來時。甚岑寂。了無親朋。所識惟一中表兄。亦從未來此。聞其居施嘎哥城。去此不遠。今所天遽逝。恐此後益寡歎矣。龐恩曰。然。余正欲見其中表兄。感爾相告。此事於余豈有裨也。余今欲入視格倫脫姑娘疾。既入。閱十分鐘。龐恩辭出。疾赴電局。發電致福拉史曰。福倫克。福拉史。君表妹格倫脫。現抱重恙。且有難。急需爾。與需我醫無異。願即撥冗乘第一次晚車來。華脫龐恩。

發電畢。即歸。且行且語。曰。此電必能速之來矣。雖久未通訊。然福拉史必不余棄也。既入門。勞勃問曰。君曾見格倫脫乎。彼於此事同意否。曰。非特同意。且甚懇摯。其爲人敏捷果敢。深

願盡其分內之事。彼於此事。亦謂非偶遭意外也。曰。然則願過我一談乎。曰。今夕可也。彼約余就其居同議。余以其在弱辭之。但彼謂福拉史今夕或不來。來則商於其居。較秘密。其屋主婦馬賽。不徒可恃。且可邀之爲助。福拉史今夕若來。當先令與格會脫晤。庶可措手。勞勃復起立。蹀躞室內。時以其表比對。願恩之荷蘭鐘。須臾。歎曰。余生平所經最長之三句鐘。莫此時若矣。今第一句鐘。猶未到也。有突門入者。手持藍色信一封。知來自電局。願恩急啓讀之。電文曰。

準六點二十分鐘相見福拉史

願恩屈計第一次晚車將至。即詣車站迎之。少頃。見一人自車下。驅幹適中。游目四顧。時村人雲集。喧聲鼎沸。彷彿聞其人問訊曰。彼手攜藥籠者。其醫士乎。願恩領首招之。即趨而前。既至。曰。余表妹若何。曰。今尙羸弱。艱於步履。然我輩皆已受驚不淺矣。兩人遂行。願恩在途語之曰。君來甚速。深感盛情。然電文簡畧。未詳詳述一切。君或已知之矣。曰。僅知崖畧。余無他長。但能緝案。今承寵命。諒本鎮必有重案。余方閱昨報。故於此事稍有端緒。得非爲某塾師事乎。願恩聞之。駭甚。深訝登報之速。遂強笑曰。是真可謂爭先矣。曰。此亦恆事。拳乃備報館。幾每村皆有訪事。專司探報。其報紙所載。僅寥寥數行。大概謂此人偶爾失手自戕。願恩

小說

十七

甲辰

曰。不然。蓋爲人致死也。曰。余意亦然。曰。何居。曰。據報紙所載。其尋獲之屍。向前傾仆。面俯於地。然否。曰。然。曰。汝曾見人自戕或自轟而俯於地者乎。曰。未之有也。曰。惟爲人自旁或後面轟擊者。其人始向前仆臥。否則必仰跌矣。龐恩曰。全初未計及此。遂略舉是日之事告之。言次。已行近格倫脫廬所。龐恩直行。目不他顧。福忽睨之。微笑曰。彼死者之兄。何以適來此地。亦偶然事乎。曰。聞與其弟有約。來此小住。至下禮拜方歸。然其所乘汽車。則早於所訂者一次。福曰。使早以此告其弟。則死者必赴車站迎候。自無演鎗之事。又安致遭此不測耶。是知人之喪生。往往誤於小事也。龐恩亦喟然歎息久之。

未幾至格倫脫廬門。龐恩返身謂福曰。余得母已告爾。勞勃李勞來。先候於格倫脫許矣。曰。勞勃李勞來。得母一少年訪事。曾助余筆政。而爲余晨報生色者乎。想亦姓名偶同耳。龐恩曰。余未深悉。其人亦未曾自陳。君今願與相見乎。曰。余未得此事端倪之前。不願暴著於人。故欲先往察視死者形迹。然其地泥土。已被踐踏。模糊不可辨矣。姑往視之。會晤之期。不妨少緩。

正欲前行。馬養夫人適出門。遇之。邀之入。既登樓。馬即辭出。龐恩初慮格倫脫羸弱。不任憂鬱。孰知其目倦聲弛。面色慘白。而眼際並無淚痕。既見福。卽侃侃言曰。余今被約與君相晤。

未識君許余出力相助否。一禮拜前余已與屈而士李勞來締婚。嘗手按聖經設誓願。永不相負。屈而士實爲余夫。其生死皆與余有涉。而余之干預此事亦殊有故。想天上人間。必更無阻我者。福拉史爲人。溫和而厲。善斷。能忍耐。聞格言。即扶之使臥。且慰之曰。汝言中理。料無敢詆汝者。吾亦急願求助。並就商一切。

先是。勞勃與格倫脫守候福拉史時。各有重憂。默然無語。勞勃既聞格倫脫言。忽有感觸。趨至其側。曰。格倫脫吾妹。汝所言纏綿懇摯。罕有倫匹。余弟寄余最近一書。有贈余一珠不啻珍品之言。余此來實欲見汝之爲人也。今而後。幸念余爲屈而士之兒。母陌路相視。言與格倫脫握手。以表親愛。移椅坐於側。頭謂福拉史曰。友人道君善緝疑案。茲事幸一援手。時福坐格倫脫前。方詳察其神色。即答曰。果知此中原委。或可從命。事雖奇。然揆理度情。尙不至無下手處。余固願勉効微勞也。旋顧謂龐恩曰。請詳告我。幸毋挂漏。龐恩乃歷陳頭末。自乘車出村至喪車歸廐止。無遺。福拉史自囊內取出紙片一。鉛筆一。授龐恩曰。君善繪圖。盍將死者臥處及土山大道。畧繪相示。

龐恩繪畢。以授福拉史。福曰。若所繪頗能助我。觀此可知是湖適對土山處。彎入岸內。曰。然。曰。彼土山中央。得勿與湖灣中央相近乎。曰。然。然則人在其地有事。必爲行路者所不見。

曰。然。土山高於路。又彎環內抱。故人不得於路上望見山後。其路之一端。與湖濱灣處背馳。而他一端則直幾如矢。福審視所繪久之。復曰。屍身去鎗為遠近若何。曾量度否。曰。未也。但料其必為尋常演習之程。勞勃等而言曰。余諸演鎗。今見其程。實遠逾尋常。福置圖於旁。曰。驗屍事既託之君。必鎗斃無疑矣。曰。是必無誤。且背受彈傷。尤非自鎗所致。福曰。君可倩友人或杜倫。密訪是處。由八句至十句鐘。有幾人行經其處。格倫脫曰。誠然。死者於是晨八句鐘離家。迨近十句鐘。始覓得其屍。是其死必在此時內也。福曰。謹謝指示。願謂龐恩曰。如有誠懇可託之人。可遣其密訪當時湖上有無小船。此亦一緊要關節。若無可致疑。則此案茫無頭緒矣。故余欲偵此案。必先略知數事。勞勃。今請將君弟往事。約畧相告。君非僅此一弟乎。曰。然。曰。吾尚有一妹。但殤於十年前。曰。雙親皆健在乎。曰。不幸皆棄養矣。

福曰。請述君及君弟往事。自君父逝世日為始。勞勃曰。余所述有未明晰者。請隨時問訊。福頷之。勞勃曰。余父為督會支那教士。卒時。吾方卜居施嘎哥某村。是村為余父所轄。殆將十稔。後父辭職。余戀其地風景。復居彼六年。余妹天逝。實為家庭最不幸事。未久。余母亦相繼謝世。全家仍留滯彼處。泊余兄弟入學校肄業。父始偕契友離家遠適。余父本不善言。運出遊後。以家事託人經理。每有所誤。時余輩尚幼。未能深悉。父死後。始知遺有巨款。每人

約可分得一萬五千圓。余弟欲繼父傳教。而余則決意操訪事業。福曰。然則二人中爾居長矣。曰。然。父在時嘗囑余。兄弟學校畢業後。當踵其蹟。遊歷歐亞兩大陸。且嘗圖繪行程。而於名勝之區。如中印度。加刺斯地之石廟。埃及之奇觀。丁甯尤切。且謂汝曹遊歷。雖所費不貲。然見聞所得。非他人所能攘奪。蓋既識本土風景。尤必詳悉他洲情形。方能有用。余昆季恪遵遺命。歷遊諸土。歸後。余即任訪事。而余弟方欲受教士職。忽抱重病。久之始愈。醫謂其體弱。不宜爲巨邑教師。其性喜狎孩童。善教育。又以此地風景宜人。遂來爲小學校師。孰知竟遭此險。言至此。聲驟低。格倫脫亦掩面飲泣。福拉史審視勞勃之面益詳。復詰之曰。然則汝當曾至此地。曰。否。先是三月。屈而士許來余處。故嘗兩次入城。又厭余事冗。不克久敘。越六月。余因事至新羅西哥省。至前禮拜二日甫歸。言竟即起立。步至窻前。

福旋謂格倫脫曰。余亦願聞汝言。格倫脫曰。固所願。方欲有言。龐恩忽止之曰。竊思君二人。最妙靜談。余今當備勞勃歸。但有一言相屬。格倫脫姑娘經此巨痛。體又弱。福君當勿令其過勞。這告以還家途徑。勞勃并許格倫脫明日趨候。格倫脫允之。始去。福扃門後。謂格倫脫曰。凡事未經偵探前。自必先悉數事。於其緊要處。尤當纖悉不遺。汝亦喻吾意乎。格倫脫坐。即起靜語。若有所會。應之曰。君意非謂死者遇此。其往事或其家世有以致之乎。曰。然。余不

小說

二十二

三

僅欲知此。尤需求助於人。曰：非欲余襄助乎。曰：然。爾喻余言。想當假余一臂。曰：凡余智力所能及者。固所願也。特不識從何著手。曰：願姑將所知屈而士者。及彼所述於爾者。盡語相告。曰：諾。未識君許余先略述已事否。且願君時時提問。以補余之缺略。福曰：甚善。言畢。即扶椅靜聽。格倫脫曰：吾兩人既日日相晤。而又同爲塾師。未久。情好漸密。且皆至。與居人不甚相習。因是交誼益深。屈而士待余尤殷摯。余篤信宗教。既知屈而士曾爲教士。益加愛慕。先屈爲師者係一少年。繼因母病辭去。久之不來。去歲四月。屈而士始膺此席。今適一載矣。夏日嘗有事歸家。余復爲之代庖。自此常以已事告余。且時時及其見事。嘗謂其見爲第一流少年。而聰明尤勝。然余見屈而士才智過人。且極謙遜。雅不信其言。吾輩雖屬知己。初時並無婚嫁之意。此事近日始成。彼嘗以在塾肄業。暨家庭瑣事。詳細告余。第從未聞其道及在家。有何嫌隙。於人有何仇怨。而手足之情尤篤。平生嗜讀書。且好游歷。同閩之交甚希。故亦別無鍾愛之人。居是者。多與友善。其於生徒。憐愛倍至。無長無幼。無不譽之。屈而士宅心廣博。量足容納。意格倫維爾。鎮必無戕其生者。福曰：然則爾意彼爲自戕。或偶遭不測乎。格躍起曰：否否。余深信屈而士爲人所謀。其起衅必由財產。特其用心巧。設計密。故一時無從踪跡耳。

既福拉史別格倫脫去。至龐恩家。先與勞勃敘談。旋語龐恩曰。客寢後。可就我作片時談否。三人偕往。屍死者俄頃。龐恩導勞勃人已臥室休息。福聞二人去遠。揭去死者遮面之布。移燈察之。旋復置燈原處。喃喃曰。以爾爲人。何至罹此慘禍。爾之生死。足證爾爲善人。爲義士。言至此。聞啓戶聲。龐恩入。語之曰。斯人而遭斯厄。洵屬奇事。君料是人爲何如人。龐恩趨近死者。矚之良久。曰。一真正基督教徒也。謙和處世。不料其爲人所斃。重以巾覆其面。福曰。君究度其爲人致死否。曰。明日君試詳察林間路徑。自村至土山間之湖岸。及其間一帶林木。君將知人雖至愚。在彼放鎗。必不致誤中他人。其地距湖濱近。樹木分列。野草淺碧。一望平坦。彈丸所及。人安有不能見者。曰。爾見固如是乎。曰。然。使非別有實據。不少移易矣。二人既出室。龐恩輕掩其戶。曰。君於驗屍事有所見否。所謂愚鈍學生。曾見勞勃於林間者。當驗屍裁判之前。君能擊之來否。研詰之。或可得端倪也。龐恩曰。君必已識之矣。曰。然。當擊之來。但恐無補。福曰。彼乘車之婦人。諒君亦必邀爲證人。曰。然。福曰。此外無他事。君明日午膳前。能伴余馳往彼處一勘。尤所欣願。至彼後。君可先返。既云去此不遠。余自能覓歸路也。曰。其程固不遠。去學塾才半邁爾耳。福曰。請明晨再見。

福拉史別龐恩後。就寢。約半句鐘。猶不成寐。輕啓側門。緩步至廊。默念案情蹊蹺。必須得有

端緒始能安睡。福初聞龐恩所述，亦料其不過自戕或誤斃。後晤格倫脫勞勃，方知有故。及見死者顏貌，溫霽端莊，最先一念，不禁冰釋。且以斯人居斯地，遭此慘禍，誠不可解。當沈思默想時，不覺信手掩門，步至籬下，一躍而出，循大路行。沿途店肆無算，又新禮拜一堂，客寓二。一新一舊，旋經一小花園，又入一街，林木成行，房屋壯麗，有新建者數椽，似備遊人避暑者。是夕月色朦朧，黯不見星。福遲遲行於路側，以免履聲驚人。既見一處窻戶洞啓，若當風納涼者。福偵探再四，乃穿此街而返。道經格倫脫廐所，隱隱聞有泣聲。既歸，悄然復入臥室。自忖此案茫無朕兆，何不幸相值。然已彷彿察得此案關鍵，余不於微茫月光之下，隱約見一婦人影，蹀躞室中，忽喜忽愁，忽又舉手若失望者乎？其惕然不甯，未識其究爲何事。

福假寐片時，旭日將升，即起。然龐恩尤早，車馬已候門外。二人遂乘之同行。未幾，至印第安土山。福曰：請先示我死者臥處。至則其地已插兩樁爲識。龐恩復以林間道路，土山湖岸，一土指示。福言願獨留，此偵探曰：客起必早，格倫脫亦急需爾探望。君事冗，余步歸甚易。至午膳時必至，無須伴我，誤君事也。

兩句鐘後，龐恩方命設午膳。福已歸，邀與共食。顧絕不道及午前事。龐恩喻其意，膳畢，羣坐廊前吸煙。彼乘黑馬之婦何在？其所居非一客廐乎？曰：然。固上等客廐，名格倫維爾。在某街。

婦爲傑姆森氏。曰：爾識之乎？曰：嚮者小極。就余診視。曰：已往邀之乎？曰：行將邀之。福曰：倘林中有人。或有人南來至土山。必能見之。即湖上有船。亦可自南首林木間瞭望之也。曰：然。湖去鎮二邁爾處。可自林外道上望見矣。言時。杜倫已偕警察至。預備驗屍。龐恩杜倫以諸事分派各役。約半句鐘。始畢。龐恩乃出門往探格倫脫。勞勃不堪寂寞。亦隨之去。

惟福拉史獨在廊下吸煙。兀坐沈思。約十分鐘。門忽啓。轉身顧視。則一韶秀女子。輕步而入。衣裳楚楚。福拉史起身相迎。女子止步。嬌聲曰：請君見恕。余來謁醫士龐恩也。福曰：彼方外出。不久當返。盍坐待之。曰：否。余不獲留。惟君必告余所願知者。曰：甚願。但醫藥事則非余所知耳。曰：此間驗屍事。想君必知之。曰：聞此事須展至下午一句鐘。曰：然則諸證人已往邀未。曰：往邀矣。曰：余不獲久候。但未識君許爲轉達否。曰：固所願也。曰：昨晨杜倫在印第安土山尋獲死者時。余偶驅車林薄間。彼即邀余爲證。余不解其何故。福曰：是亦循例之事。無甚關係。曰：余今將偕人他適。未審果需余爲證人否。余傑姆森氏。福曰：是必相需。頃余友致書僑居格倫維爾客寓傑姆森夫人。婦曰：即余是也。然則余必來。斂容而出。福拉史復就坐。再燃其煙。自恨遇此美人。未及察其眼色。惜即匆匆別去。然福拉史者。固非輕薄子也。

驗屍時。曾見屈而士臨害之彼得。已被招至。衆人百計誘掖。且許以銀錢。詢曾見屈而士否。

日見之。曰：在何處。曰：在印第安土山。曰：在彼何事。曰：臥於地。曰：曾聞鎗聲否。曰：未聞。曰：曾見他人否。問至此。其面色惶恐。噤不肯言。再四盤詰。始戰兢曰：尚有一鬼。復問之。瞠目無語。次屈而士厲主弗蘭夫人述死者。早膳時情形。與其女乃萊所言略異。且謂據格倫脫姑娘告余。方知余女所言不確。屈而士昨晨黎明即起。狀如勞頓。迥異平日。其食量本不甚暢。昨日早餐較往時尤少。膳畢即出門。余初未留意。後方憶及。其去時並未攜帶書籍。故料其必將復返。驗屍員詢之曰：然則彼下樓早餐時。曾帶手鎗否。曰：有之。此鎗於死者手旁覓得。其中兩門均已施放。余意死者之表。仍在身旁。其囊中有鉛筆一。日記冊一。小刀一。銀錢若干。又一小照匣。中貯格倫脫相片。及其兄書札諸物。皆未失去。足見是非刦財謀殺之案。次格倫脫略證所知。亦與弗蘭夫人所述。稍有不符。據言前夕與屈而士晤時。愉快如常。絕無憂鬱。素知其常往湖畔演鎗。迨鐘鳴九句。尙未入塾。始覺駭異。然倉卒間未及至湖畔尋覓。逕往弗蘭夫人處探之。

最後杜倫亦來。證其所見。述其如何自格倫脫處得信。如何至印第安土山遇傑姆森夫人。如何偕其同行。二人在湖濱覓得死者。

言畢。驗屍員乃令傑姆森夫人作證。傑姆森夫人偕其友來。友因同寓格倫維爾客廡。故相

識。時方坐陪審員後。正與格倫脫姑娘馬賽夫人。弗蘭夫人相對。勞勃初欲與格倫脫同坐。福拉史弗許。始止。勞勃雅不欲拂福拉史意。然不知其何故。當傑姆森夫人步至證人位前。坐下。衆皆移目送之。先是夫人馳騁街衢。人皆見面。黑白色網。今被黑絹衫。冠亦黑色。與金黃髮相映。其粉臉藍睛。依稀於白面網內見之。既坐。卽歷述其晨遊之事。及述至林中所遇之人。龐恩卽問之曰。夫人能詳言其容貌服飾乎。曰。余未審視。其人亦向前面行。余本不能觀其面目。且余騎甚捷。馳過其前。亦無意返顧。然猶憶是人鬚髮一修長少年。曰。彼時約幾句鐘。曰。約八句鐘。傑姆森復將如何遇杜倫。如何返鎮。如何傳語格倫脫。詳述一徧。曰。夫人曾識格倫脫乎。曰。僅於禮拜堂或途中。或塾場識面而已。至今晨始晤談。曰。然則曾識屈而士乎。曰。亦僅目識。余在格倫維爾。除同廝外。絕罕相識。驗屍員復詰之曰。夫人昨日馳行若干里。至何處始折回。傑姆森躊躇片時。乃答曰。昨日行若千里。或若千里幾分之一。不復記憶。惟僅憶折回之處。路灣曲。距湖遠不遠。有一舊工廠。曰。然則夫人必能望見湖上矣。曰。然。曰。彼時夫人曾見有人或他物。在林及湖上否。曰。人則余未之見。惟水濱有一小舟。舟去余折回處不遠。方向略北。曰。舟上有槳否。曰。未曾留意。傑姆森述畢。退至原位。旋有少年生徒若干人。亦來作證。蓋屈而士屍自運歸後。有生徒三人。聰慧好事。復往踪跡。

小 說

二 十 八

其一沿湖岸行。其一穿林行。其一躑躅途上。卒覓得一小舟。共曳起之。置一樹下。急報知杜倫等。時證是事之人甚衆。言是舟在一樹下。日光不能透入。舟旁尙濕。足證其方自水起。舟中有槳兩枝。顯係甫經使用之迹。其槳端向下。可見舟中人匆匆不暇安頓。去舟約三尺許。有鐵鍊及錨。似其人藏舟後。不及棄藏。故遺於是。

言畢。福與驗屍員方共議措置之法。傑姆森夫人與其友喃喃私語。坐處當陪審員後。其內室門洞啓。可自坐處望見死者之屍。低聲語其友曰。對此尸骸。增人畏懼。余腦筋震躍。手足戰慄。盍歸乎。其友曰。固屬可怖。事將畢矣。少安毋躁。言次。忽聞驗屍員曰。今諸證中僅一端不符。卽屈而士死前情形。弗蘭言其怫然不悅。格倫脫又謂其愉快如常。今請屍兄勞勃證之。勞勃卽自其位步出。

勞勃至格倫維爾後。福禁其外出。故識之者少。既至屍場。福又令坐深僻處。衆皆不見。既出。衆注目視之。見其身材面貌。酷肖死者。惟兩眉較濶。精神振奮。髮略黃。目深黑。其最不同者。則弟溫柔而兄果毅。然一望見之。知其爲昆季也。勞勃行時。衆畧譁。勞勃立於驗屍員前。面向在旁陪審員。方欲啓齒。而坐陪審員後之人。忽然暈倒。亟趨而前。呼龐恩曰。速來。一婦人眩暈矣。衆盡忘驗屍事。轉視之。則見其倒倚同伴亞朔夫人身上。亞朔手指內室之屍曰。事

蓋因此彼恐怖久矣。勞勃先趨至其旁。龐恩踵至。福乃謂勞勃曰。君姑退避。勿令彼見君面。勞勃從之。傑姆森夫人驟不得甦。福與醫士扶至勞勃所居室內。亞朔從之入。福語龐恩曰。今當速送之歸。蓋往雇車。龐恩至門外。呼杜倫告之。復至牀側。傑姆森夫人尙未啓目。車已俟於門。比醒。福與龐恩醫士共昇之登車。亞朔偕出。杜倫爲之御。龐恩語亞朔曰。夫人請坐御者旁。御者杜倫也余友將與傑姆森夫人同往。恐其途中復暈。傑姆森倚福坐。既至。福卽昇入門內。三人扶之登階。至客座。傑姆森勉強支拄。曰。未上樓前。容我少憩。復顧福拉史曰。感君盛情。余亦深願得知此案究竟。不敢久勞足下。福曰。夫人若許。余明日來此問疾。當以所遇相告。言次。似欲別去。傑姆森急止之。曰。彼伶仃女子。余深恤之。未識君與相熟否。曰。夫人不知。即余表妹也。曰。善哉。余亦樂以表妹稱之。但未識君肯爲介紹。容我投刺否。福頷之。傑姆森曰。君明日便請來此。言竟。福別去。

方福送傑姆森夫人歸時。勞勃歷將其弟在此村如何情形。及己之如何早至。如何聞其弟之凶信。一一陳述。復言屈而士明明被害。第其爲人絕無讐怨。故此事實堪駭詫。驗屍員及陪審員無策。姑判之曰。今勘得屈而士李勞來。爲不知姓名之人。以手鎗轟擊。致卽中彈斃命。兇手尙未緝獲。判畢。勞勃謂福拉史曰。余必欲澈底根究。余雖貧。但願罄所有。以供君之

小說

三十

三月

需。案一日不破。余一日不敢息肩。庶幾可以對吾父母吾弟於地下。驗屍後。龐恩等在家。互談此事。夜深。各就寢。福轉輾不能成寐。日方出。即啓戶出外。自北行。不數武。復折至前夕所經之街。至其南端。已隱約望見學塾。由此折行。經一二街。即至死者厲。尙未及門。門忽啓。一婦人忽忽出。背之馳去。福誤爲死者厲主。急躡其後。至龐恩宅。見其推門而入。福拉史知必有故。從之。龐恩立廊下。婦立其前。福方躊躇未進。龐恩已見之。曰。君速來。又向弗蘭夫人曰。夫人。請速將告余者告福君。彼嫻法律。當能決之。婦曰。然則必精巧之包探矣。事由屈而士臥室而起。臥室故甚小。旁有一室毗連。爲其讀書之所。君等及屈而士之兄。昨夕曾來警視。並囑余扃其門。待明日再檢。余因下鍵。藏鑰於身。遂於樓下客室。燃一巨燈。并邀鄰人勞平生夜譚。以破岑寂。久之。余女甫睡。時約八句半鐘。街上人聲嘈雜。忽一童子自草場奔至。謂余曰。勞勃歸時。忘攜其弟臥房之鑰。囑余來取。余即付之。未久。勞平生辭去。乃抱余女至牀安睡。復趨至前室。約一二分鐘時。見取鑰之童子。又疾趨而至。且喘且言。曰。夫人。有婦居街角機器房側者。其兒爲火灼傷。命余來此招汝速往。婦言至此。福忽低聲自語曰。余知之矣。其容色亦若已窺見底蘊者。乃謂婦曰。爾曾往乎。曰。然。曰。請詳言之。雖瑣細勿遺。婦曰。余有妯娌。名美蘭者。卜居機器房側。年少。不諳家事。故余

深信之。亟入臥房。取樟腦一瓶。木棉一卷。語童子曰。余閉窗戶。即來爾。可先往。童子曰。彼方立俟。爾必速行。余可在此爲爾守家。余雖往。亦無他用也。余聽其言。即去。迨至街角。返顧。見童子尙坐門前。吹唇作聲。隱約可聞。迨至美蘭家。則皆坐客座。其子臥於地。亦並未被灼。余曳繡就坐。不勝驚異。即語以被誑始末。并告童子不置。美蘭勸余速歸。檢視家中。得母爲宵小所乘。抑僅頑童藉以游戲。余鄰人瓊君方歸。吾與美蘭追及之。告以此事。彼謂必頑童惡戲。既及門。瓊君偕余等同入。先察視樓下各處。見諸物皆未移動。登樓檢閱。亦如是。美蘭與瓊君皆別去。余亦就寢。然終難成寐。憶及此童。忿恨交集。心愈不定。後髣髴聞啓戶聲。步履聲。最後一聲甚烈。余女竟被驚醒。余亦自牀躍起。龐恩曰。得非一百葉窗聲乎。婦曰。然。但余室者易閉不易啓。且上燈時。樓下各窗悉已緊閉。惟在樓上者被風搖曳作聲。蓋是日下午。余盡啓屈而士臥室之窗。以備其兒來此檢視。不致幽暗。今作聲者必此窗之一也。福曰。是時爾與女獨居於室乎。曰。然。余亦旋偕乃蘭至客座中。福曰。在樓下乎。曰。然。即余臥室。亦在樓下。當余與瓊君及美蘭同檢視時。見諸物皆無誤。今入客座。則殊不然。君等前至余家。當尙憶樓梯下有櫥一架。在門後。啓門時適爲所掩。故前此巡視時。未嘗留意。櫥上常置屈而士臥室燈一。每晨。即移至其處。拭抹加油。是日。屈而士被害。其燈未曾攜入臥室。故君等來

時。尙在其處。至今晨則已不翼而飛。余雖怯懦。然當時余亦強起巡視。一手持燈。一手攜乃蘭登樓。至屈而士臥室。方欲俯身向鑰孔窺視。則童子取去之鑰固在。余不敢入內。將燈放下。取鑰鑿之。留鑰於孔。并囑乃蘭大聲呼喚。乃共下樓。至門外。繞行屋之四圍。見屋旁一百葉窗已啓。卽閉之。復歸客座。扃門。取其鑰。在他門者。悉留孔內。燃一巨燈。曳窗帘下。潛入小門。以便有變逃避。更取一極大餐鈴。在手側。乃蘭和衣臥榻上。余則坐以待旦。東方微白。潛入廚房。取咖啡一杯。并食物少許。飼乃蘭畢。命其靜坐。余卽來此。余意屈而士之兄。必當首先往一視。使昨夕有人在彼。則今當未去。

言既。忽聞其後有人曰。弗蘭夫人。余當先入誰之室乎。衆返顧。則勞勃植立廊側。福語之曰。勞勃。爾來此甚佳。弗蘭夫人言昨夕有人潛入汝弟臥室。爾宜卽往視。曰。諾。君等先行。余當速來。

勞勃轉身入室。福拉史偕龐恩往弗蘭夫人寓所。途次。福謂弗蘭曰。汝宜速歸。此時行人已多。與汝同行。或有未便。盍請先行。待余於側門外。弗蘭諾而去。福等徐行。有頃。勞勃已追及時。晨光滿街。行人尙少。福步諸人後。似欲詳察本村情形者。至則弗蘭夫人。已候於側門外。相將入室。至前廳。旋入梯室。甫至梯前。弗蘭較慄曰。君等曾備手鎗否。福曰。夫人毋恐。樓上

必無人。弗蘭乃盡闔客座窗。僅留微隙。以備聞聲。可以自衛。

勞勃等既登樓。即取鑰輕啓其門。福手拍勞勃肩曰。速進。毋張皇。言畢。復輕推其身。勞勃遂入。兩人從其後。福轉鍵其戶。將鑰取出。謂勞勃曰。君昨已來此。今見情景如是。顯見昨夕必有事故。盍邀弗蘭夫人來。共議一切。勞勃就一椅坐。曰。福君。愚意辦此疑案。必權輿此處。使君肯爲鈞權。余雖貧。然爲余所有者。皆惟君之命。余不在此。而有他人搜檢余弟臥室。自必不悅。今既甯來。君任意爲之。可也。福曰。諾。君若願假以一臂。則尤得力。

時弗蘭夫人已登樓。福急啓門。且告之曰。室中無人。亦未失物。想係彼童遊戲耳。勞勃檢視後。將告汝一切。言既。即闔門。且環顧曰。能任余更得光否。蓋室中窗戶皆閉。耿耿微光。僅自近屋隅一窗入。其百葉窗半扇。隨風擺動。故房中昏闔。究竟各物有無紊亂。抑與昨日所見相同。無從辨識也。

弗蘭夫人曾言書案抽屜本關閉。今已洞啓。其裝釘紙件亦四散。福就案前詳視散紙。不少。移動。凡紙上釘孔。案上鉛門。及其塵迹。一一審視。近前窗有一圓桌。桌堆置書籍。抄本尤多。又字紙一叢。書案上置書架一。報章充積。福坐椅內。目注一周。乃起立曰。深感諸君毋動此案。

言既。遂入內室。甫及門。曰。弗蘭夫人所失之燈在此。福復步至榻前。俯察其枕。曰。勞勃君。憶而弟有何珍重之物。曰。有時表一。極珍貴。與余表畧似。隨出表於懷。以示諸人。且曰。是爲余弟赴歐洲時。吾父所給者。又有貓睛指環一。則余母遺物。尙有印章一匣。且於出行時。攜有奇異玩物數種。福曰。今當招弗蘭夫人來此。以便顧問。

龐恩出。偕弗蘭入。福曰。夫人。請視內外兩室。有變動否。諸物有遺失否。請一一告余。惟無論何物。幸勿移動。弗蘭夫人先立門前。張目四顧。復往返室內。迨至臥房。駭然曰。必有人擾及臥榻矣。所失之燈亦在此。且必燃以燭物。故烟煤滿積玻璃。福曰。夫人深信有人擾及臥榻乎。曰。無疑。福曰。於何見之。曰。其褥下有手槍。初常置榻面。嗣因余畏此凶器。乃移置褥下。余昨晨檢理時。雖未啓視。然常置於此。故料其必在也。福曰。其手槍當晝時亦置褥下乎。曰。然。屈而士故有槍二。一用以演習。一常置此枕下。今衆人覓得之槍。與其平日用以演習者迥別。而置此褥下者。較大而式殊異。爲生平所未見。彼嘗語余。此爲外邦軍械。勞勃曰。然。屈而士曾於巴黎購手槍。以其一贈余。言次。目視枕墊。曰。福君許余揭視乎。且爾亦曾檢視否也。福曰。余未檢視。然余敢決言此槍已杳。遂徐徐將枕移動。旋揭其褥。則席上僅有手槍壓痕。福顧謂弗蘭曰。尙遺失他物否。抑有他物易其位置否。弗蘭曰。其書案故常鍵閉。今已啓。且

案上諸物亦多勢亂。即字籠紙夾。紙用膠持亦已移動。想汝尚未搜檢此案也。福曰。未。復曰。夫人爾盡視此牀案諸物乎。弗蘭轉身。至案前。忽已燃火柴二枝。一在案隅。一遺地上。指謂福曰。其人必於此處燃燈。且攜有火柴至。蓋余所用者非此也。旋視案頭。復步至窗前。時百葉窗被風吹擺。搖動如故。窗前案頭積塵頗厚。有童子指痕甚顯。勞勃謂弗蘭曰。此足證余弟斃後。已有人潛入此室。惟今宜隱秘其事。想汝亦未爲他人道也。弗蘭曰。余亦不欲語人。且以君弟之誼。凡有所命。無不遵從。勞勃曰。夫人。余等今將檢視房中函札。或有需夫人處。容當相告。弗蘭默然退。

靡恩曰。勞勃君無恐。想弗蘭必不洩汝機密。惟君身在弱。今晨宜飲咖啡并食牛膾。福曰。然。願容我再詢一二事。曰。可。福曰。此書案度非弗蘭之物。曰。然。余弟因其占積不大。便於遷徙。故購之。福曰。表及指環。汝弟嘗藏何所。曰。藏此案抽屜內。一日本漆匣中。曰。試檢之。但勿移動案頭各物及其上紙夾。夾中寥寥數紙。或爲便函。或爲記事箋。案頭有黃銅墨水一瓶。一筆架。一硬紙片。大如指甲。餘則薄塵一層而已。勞勃曰。後。先往檢視散紙。大半皆信札。餘則散紙若干。或書日期。或書號數。勞勃置之。再視紙插。其中信札似被人倉卒曳出者。有二三函。半露於外。一白色方信筒。尤凸露。勞勃先取出。視其函面。繼出信箋。諦視之。怒形於色。以

授福。且曰。君試省之。余意此案證佐必在是矣。福接信。納入外衣袋中。且曰。君許我一檢此紙。插字籠乎。曰。任君爲之。勞勃啓抽屜搜檢畢。攜一小漆匣。趨主福前。曰。表及他物已杳。惟余母遺物尙存。外裹以紙。上標母氏遺物數字。固余弟手筆。幸未竊去。

福方坐椅中。手持新聞紙一束。聞其言。取匣視之。勞勃曰。余今將此室付君。君衣袋中一信。閱畢。望以所見語余。福亟取出。視之。見函面一角已撕去。其處卽郵票暨郵局印所在也。乃顧謂勞勃曰。汝弟平日果如是啓信乎。曰。否。福曰。尙有他信與此相同者否。勞勃步至紙插前。取視諸信。曰。無一同者。福曰。然則余未讀此信。卽可決其用意矣。

福謂勞勃曰。君姑坐。余將語汝。勞勃坐其旁。福曰。余昨日所見。凡六七事。皆與此謀殺案情近似。但未全符。可不贅述。所可道者。君弟必非自戕。亦非爲人誤傷。蓋有讎人致之死地。昨夕之事。余料其久已布置。一切細情。亦早已詳察。勞勃曰。昨夕余本擬來此。後竟不果。今悔不及追矣。惟此童子究爲何人。公等所見何若。抑有人與此相似者乎。龐恩搖首。勞勃曰。公等恐亦不能疑其爲塾中生徒也。福曰。格倫維爾生徒。度弗蘭夫人皆識之。此必一素未謀面者。且其人狡詐。先給得其門鑰。嗣復誘令遠去。試擬弗蘭夫人往返須歷若干時。曰。至少半句鐘。福曰。童子必熟諳門徑。據弗蘭夫人言。當必其行稍遠。方潛入門內。且知其燈所在。

叢談

測鏡新法 日本參謀本部步兵大尉大原氏。精於製造。別具心裁。創造測遠鏡。能窺見一百諸股至四千諸股之遠。驗其度數。毫髮無訛。且工料最廉。取攜最便。其師團中隊統帥。見而賞之。用以測敵所有。無二百分中一分之差。向來陸軍武弁之練遠精明者。祇憑目力窺測。或差十分之一。或差二十分之一。自有此鏡。而步軍槍彈所及。益能命中摧堅。兼之其質輕靈。易於肩荷。誠行軍妙製也。

奇別人種 美國汽船沙馬士寄泊日本橫濱。載有斐律濱羣島人種。二百餘名。身長三尺。遍體黝黑。唇甚深。齒如鹿豕。言語不可解。發音似歌哭。聞將輸入聖路易斯賽會。探極邊回 前年英國地學家。結伴往探南極。有輪船三艘。一曰其司卡滑利。一曰木因徹。一曰威拉路滑。近日均已安全回國。聞將近南極處。有地名皮苔利透及倫獨。高出平原九千英尺。及抵南極。廣漠無垠。一望皆寬平曠。

叢談

野云：

發身新物 西國化學家得一新合質之物。名利思丁。以作藥料。可發身。使人身速長。

恆星測光 恆星為發光體。人素知之。然最明之恆星。其所發之光。尚不能成影於地球上。近有法國天文家研究此事。謂從天文家所用之測器未精。故除日月及金木二行星與第一等恆星外。不能得其影也。蓋如天狼之光。行至地球。光行速率。每分時十九萬英里。則必九年方到。而日光至地僅八分時。使天狼與地球等遠。則其視徑之大。與發光之盛。更可知矣。然測天狼星者。以日距地為半徑。所得之角。已與直角相同。此所以不能成影耳。

製燈新法 博物家佐治馬得利。能以新法造燈。使永不熄。而費甚省。不用火油。亦不需電氣。其法用化學之紅熱物質。以永不洩氣之玻璃球藏之。俟紅熱質膨脹時。其光可抵三十枝燭力。久而不滅。若球不漏氣。則此燈長明不熄。

五

甲辰

談

六

三月

明目秘器 西人斯氏有秘器能令盲人得此觸覺一經開能徧睹四圍之物據所目擊試驗者如蘇博士語云一日被誘入暗室斯氏持一小金針加其首博士忽感發微光而身外品物一目瞭然此時覺電氣流通於腦也

拉的幼模 厄克斯透光鏡能照人肺腑動見各物今西人又得一新質化學家名之曰拉的幼模其性透光與厄克斯無異惟價值極昂每重一兩值三萬七千七百九十六法郎其力能使瞽目復明俄國有醫童二名用之其患若失

波斯王之登位 波斯前王諾爾登薨後新王即位於蘭特波斯即以是日舉行加冕禮王步行詣禮拜堂有太常執蓋前導蓋作七級形頗美觀王趨神案前受洗祭師以水澆其頂禮拜畢則有前王之妃五百人為之着衣襪赴皇宮途中易頭上裝束者凡三次第一次為圓冠作寶塔形第二次為冑第三次為長形之冠飾以寶石五金翡翠之屬加冠時嗚噦不絕其意欲使全國震動而畏其威嚴

自是百姓奉之若神帝然不敢與之交一語若有誤觸其一毛者罪當死王若酣睡不知醒或逾二十四點鐘則宰相白后乞其醒之其法按王之足而舉搖動之也

名優從軍 日本有市藏者東京名優也業雖微賤而志尚高潔富于國家思想義勇急公有子曰片岡十藏者曾入營受軍人教育已而期滿隊除十藏歸亦從父業優素以變國俗為己任當其演劇英委俠氣常發揮日本之大和魂武士道之特性以故十藏聲價推重一時及日俄啓釁政府徵兵十藏預備與選乃歸而沐浴將行市藏年六十慨然謂之曰汝母以我老故詎敢或惜軀命我而尚壯十歲則雖身為軍夫亦甘懸血戰場今老矣無能為汝當代我而致力也

廢票製輪 英法無用鈔票銀行收入即火焚之美國則以紙票製成餅形製為車輪華盛頓每年有廢票五十兆至一百兆悉為輪匠收買計一元可買二十斤
新式航海救命標 近來美國海軍部所用救命浮標為

最新發明者。此標投入海中。能發火光二道。騰高數尺。歷時不滅。黑夜用之。最為便利。

紀美國第二高樓。美國心納的城。近建一樓。凡十六層。高六十四邁當。以視紐約最高之樓。猶居其次。其第一層。為某銀行第十六層。為電報局。自餘諸層。皆有各商店居之。最下一層。則為聖路易至心納的鐵路之帳房云。世界最高之天文臺。意大利國多山。其絕頂處皆戴雪。雖在盛夏。晶瑩可觀。有阿爾比斯山者。圍繞意國半島。作新月形。其上有玫瑰峯。高逾一萬二千尺。最低處。亦高於海面六千尺。近聞意后特發內幣金。造天文臺於峯巔。不論何國人。皆得任便遊覽。

日月華。世俗僅知八月十五夜月華。不知日亦有華。而月之華。又未必在八月十五也。日月華乃日月周之光圈。有一重者。有兩重者。兩重為常。一重為罕。內重鮮紅。外重淡藍。其異於日月者。一在於形狀。一在於由來。日月物中作淡黑色。而日月華全明。且光烈與日月甚近。此形狀

叢談

之異也。日月物因光經細冰片而成。華則不以細冰之故。然以日月下有薄雲。其中水珠厚薄均勻。光經其中。析為數彩成華。此由來之異也。若水珠大小不勻。則光不全而色亦晦。按此雲在冰片之下。去地不遠。此事可一試而知之。竟一玻璃須純潔透光者。再四呵氣其上。積成汽水。勻而不甚厚。繼以玻璃加目上。注視燈光。則見圓圈若干。色殊華麗。亦異景也。

發明眼鏡。美國鐵路機師曼保武孫氏。發明能免火車衝突之眼鏡。以鏡懸掛機車左右兩端。在車內不論直曲鐵路。前後六英里之遠。瞭見各物。可免衝突。蓋利用光線反射。及在空氣中之盛氣樓法也。

免撞輪機。輪船航海。遇有重霧。多失事。近比國格致家班丹布來克。思用電石。仿照無線電報法。以電石等機。配合土匣內。每船各置一具。凡兩船相避。無論相隔幾何。電力但可相通。即刻發電。問訊方向。立即相避。

製輪新法。英人阮委塔者。為最有名之機器師。近又新

七

甲辰

叢 談

製一輪船機器。俱借用反激力。用煤極省。較今日輪船用煤。僅三分之一。而速率則數倍之。由歐往美。二三日可至。移花接木之新法。西國自格致學興。恆以兩質相合而成新物。於定物動物皆然。而研究植物。尤能變無數奇異之品。實即移花接木之法而變化之。故倫敦市中。蘋果有五百種。梨實有八百種。即向結蘋果之樹。能令其生有梨實。美國於果種。講求愈精。如以日本之枇杷。與杏樹相接。而成一非杷非杏之新果。西人之以人力主宰造化。若此。紙製電柱。以紙製造電柱之法。較之木桿。輕便而堅強。蓋以紙製原料之軟塊。加以少許硼砂脂等。鑄鑄於模。成中空圓柱。並於上端附以鍵形橫木。使堅硬如木桿之電柱云。

印度幼童之風慧。在歐童方識字母之年。印度幼童。能作各種巧匠。一童年七歲。已能雕刻木器。且甚精巧。凡印度之極美觀極珍貴之毛布綫毯。大半係十餘齡之幼童所織云。

八

三月

剖腹奇景。西國某少年恆患腹痛。就醫診治。不言病由。醫察驗良久。知腹中有異常瘻積。非剖腹不可。開腹後。取出八勺二又三釐。一刀一論及他物廿餘件。權重二百三十格拉默。

電氣鋸木。美國駐法富蘭福之領事其報告云。在法國樹林中。新得一電氣伐木之法。即用電氣。過白金絲以鋸木。較尋常伐木之工。更易更速。且並無木屑。

林下堅冰。俄國烏拉嶺。與俄哥志海之間。森林密布。極北一林。週數百兆法。某礦師設鑛廠於其內。掘五井。汲水飲用。每井深約一百五十適當。再下則得堅冰。層層凝結。約在林下二百法里。

野麥殼枕。華人之枕多用稻殼稻草等物實之。西人則用毛羽等物。皆取其柔軟也。今據法國周流報。謂患頭痛者。可用野麥殼實枕。則頭痛即愈。